

AD VINDICIAS
HISPANICAS
LAMPADES
HISTORICÆ,

Contra nouas MARCI ANTONII DOMINICI
cauillationes , parte alterâ rediuiuæ (vt ipse
commisicitur) Ansberti Senatoris Familiæ:

Auctore IOANNE IACOBO CHIFLETIO, Equite,
& Regio Archiatrorum Comite.



ANTVERPIÆ,
EX OFFICINA PLANTINIANA
BALTHASARIS MORETI.
M. DC. XLIX.

ЛУДВІКІА
САБІНАТІН
РЕДАФІМ АІ
СЕГОДІН

ЛІЧЕНІЯ СІМІНІВ СІМІНІВ
ЛІЧЕНІЯ СІМІНІВ СІМІНІВ
ЛІЧЕНІЯ СІМІНІВ СІМІНІВ

ЛІЧЕНІЯ СІМІНІВ СІМІНІВ
ЛІЧЕНІЯ СІМІНІВ СІМІНІВ



ЛІЧЕНІЯ СІМІНІВ
ЛІЧЕНІЯ СІМІНІВ СІМІНІВ
ЛІЧЕНІЯ СІМІНІВ СІМІНІВ
ЛІЧЕНІЯ СІМІНІВ СІМІНІВ

ILLVSTRISSIMO EXCELLENTISSIMO QVE
DOMINO,
D. LVDOVICO MENDEZ
DE HARO,
COMITI, DVCI OLIVARIENSI,
PHILLIPPI IV.
CATHOLICI REGIS
NOBILI CVBICVLARIO,
EQVILIVM SVMMO PRÆFECTO,
NECNON AB INTIMIS STATVS
BELLIQUE CONSILIIS.



VM HISPANIAE causam
ago, eiisque gloriam &
iura strenue tueor, rem mi-
hi esse nemo non videt
cum hominibus, qui pri-
dem Tiberij Imperatoris
affectus induisse videntur, quem Tran-
quillus testatur *maxime curasse notitiam historię* In Tib.
c. i.
fabularis usque ad ineptias & derisum. Illi siqui-
* 2 dem

dem Milesias contexunt, animásque fin-
gunt defunctorum; & (quod est subinde
humanæ mentis) imaginibus sapientiæ
pasci amant, atque erroris. Scio magnoru-
m Principum initia idcirco ignorari,

Dio Chry.
Orat. 31. *quòd non putarent veteres illorum NOMINA inscribi
oportere, qui omnibus alioquin essent NOTI; existimantes,
propter tunc vigentis gloriae excellentiam, in omne tem-
pus, atque in posterum NOME N manisurum. Sed deinde,
propter temporis longitudinem, in ignorationem venere.*

Hinc natæ postmodum de Principum ori-
ginibus fabulæ, quos à Troianorum, The-
bæorum, vel Solymorum Regum iconibus
& simulacris traxere nonnulli, longamque
stemmatum seriem texuere, Hebræorum
genealogijs simillimam, quas Apostolus
1. Timot.
c. 1. *interminatas* appellavit, hoc est (vt ego in-
terpretor) exordio carentes, & multorum
plerumque sæculorum interuallo discrimi-
natas. Non defuere hac nostrâ ætate, qui
Nobilium quorumdam longo stemmate
genus à Noëmi, communis nostrûm pa-
rentis, arcâ repetierint: verum quibus con-
spicillis

spicillis tam longè prospicere potuerint, mihi equidem non liquet. Aduersarij mei Bouchetus & Dominicus, vt HYGONIS CAPETI notæ usurpationi peplum obdudcerent, illum ex uno & eodem virili Carolinorum fonte primigenio deducere conati sunt; sed frustrà, vt Tu, Excellentissime Domine, historicis Lampadibus admotis, pro Tuâ ingenij sagacitate & doctrinâ singulari poteris arbitrari; qui abstrusa hostium consilia tam altè penetras, vt si ab HONESTÆ PACIS conditionibus abhorrende pergant, hodiéque vel maximè, si vñquam alias Titi Liuij suffragio, H I-^{lib. 28.}

SPANIA non quām Italia modo, sed quām VLLA PARS TERRARVM, bello reparando aptior locorum hominumq; ingenij. Ex quo præsertim REGVM MAXIMVS Te suorum arcanorum participem atque adiutorem esse voluit; qui à fortissimis CANTABRIÆ DYNASTIS longā Procerum serie originem trahens, & in tractandis Reipublicæ negotijs, & in litteratorum lucubrationibus audie-

excipiendis , munerandisque , dispari in studio , pari cum laude versaris.

Quod ad me attinet , perspectum nuper habui , vigilias meas benignitatis Tuæ luce foueri abundè atque illustrari , cùm , Tuo consilio , R E G V M M A X I M O placuit filium meum , I V L I V M C H I F L E T I V M , Metropolis Bisontinæ Canonicum , & Archiepiscopatus in spiritualibus & temporalibus Vicarium generalem , ad inclytissimi O R D I N I S AV R E I V E L L E R I S purpuratam C A N C E L L A R I I dignitatem euhere . Quâ quidem in electione tametsi non me lateat , patrum merita P r i n c i p i s d i g n a t i o n e m et i a m f i l i j a s s i g n a r e ; mihi tamen , testi alioqui in hac causâ minùs idoneo , sperandum existimo fore , vt quam de I V L I O adhuc absente opinionem concepisti , omni ipse animi contentionе confirmet : ita ut Excellentissimum D. Marchionem de Castel Rodrigo , probatæ fidei Optimatem , vera de illo testatum esse re ipsâ comperias ; dum coram R E G E , coram Te , atque Aulâ

Tac. lib.
de Germ.

Aulâ vniuersâ , cultus auitos & paternos in
AVGVSTISSIMAM DOMVM filius ex-
primet , doctus à puerò patrissare . Diu
vale , Excellentissime Domine , & nos fa-
uore Tuo beare perge . Bruxellæ Cal. Nou.
anni Christiani M. D C. XLVIII.

Io. IAC. CHIFLETIVS.



APPROBATIO CENSORIS.

LAMPADES HISTORICÆ Nobilissimi viri IOAN-
NIS IACOBI CHIFLETII, Equitis, & Regij
Archiatrorum Comitis, uti nihil Catholica fidei aut bo-
nis moribus aduersum redolent, ita oleo turgent doctrina
reconditioris; quod, ijs perlectis, atque examinatis, censui
Bruxella Idibus Augusti, M. DC. XLVIII.

Antonius Sanderus Presbyter S. Th. Licen-
tiatus, Canonicus & Scholasticus Ipre-
sis, librorum Censor.

S V M-

S V M M A P R I V I L E G I I.

PHILIPPVS IV. Hispaniarum & Indiarum
Rex Catholicus, ac Potentissimus Belga-
rum & Burgundionum Princeps, Diplo-
mate suo sanxit, ne quis *Lumina noua ad Vindicias Hi-
spanicas, sine Responsa ad Francorum obiectiones, Autore
Ioanne Iacobo Chifletio, Equite & Archiatro Regio*, præ-
ter Balthasaris Moreti voluntatem vlo modo in-
tra nouennium imprimat, aut alibi terrarum im-
pressa in Inferioris Germaniæ ditiones importet,
venaliáve habeat. Qui secùs faxit, confiscazione
Librorum & alia graui pœnâ mulctabitur, vti
latius patet in litteris datis Bruxellæ xiv. Martij
M. D C. XLVII.

Signat.

Steenhuyse.

INDEX

INDEX LAMPADVM HISTORICARVM.

- L**AMPAS I. *Fabula noua, de origine masculinâ Hugonis Capeti Regis à S. Arnulpho Menthensi, per gradus denuò examinatur, & exploditur.* Pag. I.
- L**AMPAS II. *Madriacensis pagus in Neustria non fuit per se Comitatus, sed pars Diaecesis & Comitatus Ebroicensis.* 29.
- L**AMPAS III. *Rursus expenduntur Eginarthi verba de Thietberto Matricensi Comite, & eius filia nuptijs in Arduennâ celebratis.* 32.
- L**AMPAS IV. *In Austrasiâ stabilitur Thietberti Comitis Matrica, qua fuit Romanum opus, & speculatutandi ad Mosellam limitis.* 34.
- L**AMPAS V. *Matrica Thietberti Comitis sita erat ad ciuiam militarem, qua à Diuoduro seu Mediomatrica Treuiros tendit.* 40.
- L**AMPAS VI. *Aliæ Dominici trice genealogica leui manus dissoluuntur.* 44.
- L**AMPAS VII. *Ortus PHILIPPI IV. Regis Catholici à CAROLO MAGNO per Mathildem & Albradam, LUDOVICI IV. Regis filias.* 50.
- L**AMPAS VIII. *Ortus PHILIPPI IV. Regis Catholici à CAROLO MAGNO Imperatore, medijs Comitibus Bononia Belgica ad fretum Morinorum.* 55.
- L**AMPAS IX. *Queritur an EVSTACHIUS II. Comes Bononia ex IDA uxore tres dumtaxat filios genuerit, an verò quatuor.* 59.
- LAM-

LAMPAS X. *Ius PHILIPPI IV. Regis Catholici ad Comitatum Bononiensem.*

64.

LAMPAS XI. *Hispaniarum Catholici Reges merito dici possunt Noni Orbis Apostoli, & ad salutem gentium à Deo destinati. Reges Francia non sunt primogeniti Ecclesia filij; nec ijs præcipuus supra Reges alios titulus Christianissimi.*

71.

LAMPAS XII. *Antiqui Francia Reges cum Imperatoribus fœdera percutiebant; non seorsim cum Imperij Principibus aut Statibus, qui Cæsaribus infidi essent.*

75.

MANTISSA AD PRIMAM LAMPADEM, *De fabuloso stemmate Hugonis Capeti. Verbum in conniatores.*

85.



NICO-

NICOLAVS VIGNERIVS, Henrici III. Francorum Regis
Medicus & Historicus, in præfatione libri de
Nobilitate tertiae stirpis Franciæ Regum.

MAGNAE Familiaæ, quæ post receptam Christi fidem surrexere, non ausæ sunt, ut Ethnici fecerant, suam à cælo repetere originem: sed plerique passi sunt nugis se irretiri per quospiam, qui, ut ipsis blandirentur, FALSA pro arbitrio STEM-MATA struxerunt, quibus antiquioris multò GENERIS induxere speciem, quam reuerâ sit illud, ex quo se oriri certo sciunt. Quocircà omnium Europæ Familiarum, quin & Orbis totius GENEALOGIAE fabulis & mendacijs implicatae conspiciuntur.

SCIPIONIS D V P L E I X I, Regij Francorum Historiographi, etiamnum superstitis, I V D I C I V M,
haud ita pridem promulgatum.

Tomo I. C. I. n. 10. **S**TUPIDE aberrant, FABVLASq; pro veritate accipiunt, qui REGES nostros omnes, tam MEROVINGIOS, quam CARLOVINGIOS, atque CAPETIANOS, ex uno eodemque stipite oriri existimant; illosque in TRIPLEX diuersum GENVS distinguendos non esse.



AD

AD VINDICIAS HISPANICAS
L A M P A D E S
H I S T O R I C Æ,

Contra nouas MARCI ANTONII DOMINICI
Cauillationes , parte alterà rediuiuæ (vt ipse
commīniscitur) Ansberti Senatoris Familiæ.

L A M P A S . I.

*Fabula noua , de origine masculinâ Hagonis Capeti Regis
à S. Arnulpho Metensi , per gradus denuò examinatur ,
& exploditur.*



E M I N E M hodie superesse, qui à Carolo Ma-
gno Imperatore virile gēnū trahiāt, ante me
affirmarunt viri docti & Franco-Galli, ^aTheo-
dorus Gothofredus & ^b Lud. Canterellus Fa-
ber: quod nec inficiatur ipse Dominicus; sed
totis animi viribus probare nititur, Capetinos
Reges , et si non ab ipso in Imperatore Ma-
gno, saltem ex eodem masculo Maiorithi fegiæ

^a De Orig.
Austr.
pag. 5.
^b In Con-
fid. Hist.

Domus fonte prodiisse per Childebrandum Dueem , Garoli Martelli fratrem, à S. Arnulpho Metensi non interruptâ serie deditum.

At ego, si ipso fatente aduersatio , abditos naturæ recessus penetraui; ^{Pag. 158.}
haud minus feliciter ostendisse me existimo, eiusmodi Childebran-
di Stemma commentitium esse: quod hic expendo iterum, tandem-
que ad Mythistorica damno ; non secūs ac Atticidridēs Rhō- ^{Athenaeus}
dius fabulas , quæ populo non placuerint, solebat concidere, & in- ^{lib. 9. c. 4.}
uoluendo thuri ad Pharmacopolas relegare.

A

Fabu-

2 AD VINDICIAS HISPANICAS

*Fabulosum Stemma Hugonis Capeti, per masculos deduc-
tum à B. Arnulfo Metensi Episcopo, ex tabula
Bouchetiana desumptum.*

- | | |
|---|---|
| 1. B. ARNULFVS Dux, deinde Metensis Episcopus :
vxor DODA. | 2. ANSIGISVS Dux: vxor BEGGA. |
| 3. PIPINVS Dux & Maior Domus : vxor ALPAIS. | 4. CAROLVS Martellus : vxor ROTRUDIS. |
| 5. PIPINVS Rex : vxor BERTRADA. | 6. CAROLVS Magnus, Rex &
Imperator : vxor HILDEGARDIS. |
| 7. LUDOVICVS Pius : vxor IVDITHA. | 8. CAROLVS Caluus : vxor HERMENTRUDIS. |
| 9. LUDOVICVS Balbus : vxor ADELAIS. | 10. CAROLVS Simplex : vxor OGIVA. |
| 11. LUDOVICVS IV. vxor GERBERGA. ob. 954. | 12. LOTHARIUS Rex : vxor EMMA. ob. 967. |
| 13. LUDOVICVS V. Rex ultimus huius lineæ. | 14. CHILDEBRANDVS Dux & Comes. |
| | 5. NIBELVNGVS Comes Madriacensis. |
| | 6. THEODEBERTVS Comes Madriacensis. |
| | 7. ROBERTVS I. Comes, &
Maior palati Pipini I. Regis Aquitanæ: vxor AGANA. |
| | 8. ROBERTVS II. Fortis, Andegauensis Comes : vxor ADELAIS,
filia Ludouici Pij Imp. |
| | 9. ROBERTVS I. Rex : vxor BEATRIX. |
| | 10. HGGO Magnus, Dux Francorum: vxor HAVIDIS Saxonica. |
| | 11. HGGO Capetus Rex anno
987. quo decepsit Ludouicus V.
vxor ADELAIS. |

GR'A-

LAMPADES HISTORICÆ.

G R A D V S I.

S. ARNVLFVS DVX, DEINDE METENSIS EPISCOPVS.

HVNC sine contiouersia Carlovingi Reges sanctiorem agnouere generis sui stipitem. Vita S. Clodulphi Metensis Episcopi: Genealogiam paternam B. ARNVLFVS, huius sanctæ Metensis Sedis Pontifex, coruscum mirabiliter facit, & decentissimam reddit, dum eius genitor prædicatur, & est; qui ex antiquo Senatorum genere, patre ARNOALDO procreatus, FRANCIAM omnem, imò totam GALLIAM nobilitauit, ac decentissimam generositate superauit, & in superando ingenti gloriâ famosam reddidit & honestam.

Annales Metenses de Pipino Herstallio, Patre Caroli Martelli: Ad an. Erat ei agnatione AVVS quidam vir plenus virtutibus ARNVLFVS^{687.} nomine, Metensis orbis Episcopus. Hic omnium Francorum coram Deo & hominibus PATRONVS præcipuus habebatur.

Stephanus Leodiensis Abbas de Carolo Martello: Ut tam gloriose In Vitâ
sobolis, quæ hinc ex radice sancti ARNVLFI, illinc ex cognatione sancti Mo-
doaldi prodij, fortia & præclara gesta liceat aliquatenus intueri, imò non
paruo stupore admirari; videamus CAROLVM, quem idem PIPINVS
sibi superstitem, tam dignitatis quam & virtutis sua reliquit heredem.
S. Mo-
doaldi c. 8.

Guido Basochius item de Martello: Superne dispositioni, cum ad re-
gimen Francorum sancti progeniem ARNVLFI elegisset, placuisse creditur
extulisse potius hunc, quam alium EIVSDÈM GENERIS, ad hunc apicem
dignitatis.

Rursum Vita S. Clodulfi Metensis Episcopi de Pipino Rege:
Primus ex sancti ARNVLFI felicissimâ stirpe Regalibus sceptris se, &
succendentem prolem felici auspicio & beatis initis decoram reddidit &
honestam.

Paulus Diaconus de Carolinorum Regum prolibus sepultis in Lib. de
S. Arnulfi Oratorio Metis: Quod à beato ARNVLFO iam dicti Reges Episc.
originem ducent, suorum ibi charorum defunctorum corpora posuere: nam ibi Mer.
humatae sunt due Regis PIPINI filie; quarum una Rothaidis, altera
Adelhaidis appellata est: ibi quoq; & iunioris Regis Caroli due nihilominus
sunt tumulatae, scilicet Adelhaidis & Hildegardis.

Theganus de Carolo Magno Imperatore: De prosapid sancti AR- Ad an.
NVLFI Pontificis Christi ortus est, sicut paterno relatu didicimus, & mul- 813.
tae testantur historiae.

Guido Basochius de Ludouico Pio: Precibus & meritis animam Ad an.
suam Deo commendat, & corpus Ecclesie sancti Episcopi ARNVLFI^{840.}

AD VINDICIAS HISPANICAS

4
PRO AVI SVI, speetatae quondam nobilitatis, & consummate iusticie viri.

Annal.
Berlin.
ad an.
869.

Ad an.
880.

Lib. 6.
cap. 7.

Ad ann.
883.

Ex Arch.
Metensi.

In Ap-
pend.
pag. 451.
& 452.
Seneca
Epist. 53.

Hincmarus Reimensis de Carolo Caluo: Pater suis Dominus Ludovicus Pius Imperator Augustus, ex progenie HLVDOVICI [Clodoueum intelligit] Regis Francorum incliti exortus per B. ARNVLFVM, cuius carne idem Ludonicus Augustus originem duxit carnis.

Regino Abbas de Carlomanno Bauariæ & Italiaæ Rege: Filium elegantissima specie suscepit, quem ARNOLFVM nominari iubet, ob recordationem Reuerendissimi ARNOLFI Metensis Ecclesiae Archiepiscopi, de cuius sancto germine sua aliorumque GERMANORVM FRANCORVM prosapia pullulauerat.

Otho Frisingensis de eodem Rege Carlomanno: Paralysi disolutus moritur, ac in loco Bajoarie Odingas dicto sepelitur, relinquens filium (ex nobili feminâ, sed non legitimâ) quem de beati ARNVLPHI nomine, tamquam CAROLORVM origine, ARNVLPHVM nominavit.

Chronicum Laureshamense: Post eius discessum [Caroli Magni] eodem quo accesserat modo cœpit fortuna diffluere, donec ex defectu regiae stirpis, solus hic [ARNVLFS] inueniretur Regno Francorum gubernando idoneus, & REGALIS PROSAPIA à B. ARNOLFO Duce & Episcopo prodiens, in hoc Arnolfo Duce & Imperatore quasi progressus sui penultimum limitem acciperet.

Eua Comitissa Caluo-Montensis in chartâ anni C M. L X V. sub Lothario Carlouingorum Regum penultimo: De genealogia pretiosissimi confessoris Christi ARNVLPHI filius meus ex parte patris sui originem duxit, ex quid etiam REGES FRANCORVM diuinitus orti sunt.

Denique Ansberto Senatori & eius posteris adscripta est olim Romani sanguinis claritas, ut alibi ostendi. Optarem vel unicum Auctorem in medium dari à Dominico, qui de Roberti Fortis, vel Hugonis Capeti origine, aut à S. Arnulpho Metensi, aut ab Ansberto eius aucto, paria proferret encomia. Somnium narrare, vigilantis est; & virtus sua confiteri, sanitatis indicium est.

G R A D V S I I . A N S I G I S V S D V X .

Lib. de
Episcop.
Metensi-
bus.

PAULVS Warnefridus Diaconus Forojuvensis: Hac ego non à qualibet mediocri personâ didici, sed ipso totius veritatis assertore præcelso Rege CAROLO [Magno] referente cognoui, qui de eiusdem B. ARNVLFI descendens prosapiâ, & in generationis linea trinepos extabat.

LAMPADES HISTORICÆ.

extabat. Nam venerandus iste vir iuuentutis sue temporibus ex legitimis matrimonij copula duos filios procreauit, id est, ANSCHISVM & Clodulfum: cuius ANSCHISI nomen ab ANCHISE, patre ÆNEAE, qui à Troia in Italiam olim venerat, creditur esse deductum.

Idem Warneftidus in Historiâ Eutropio additâ: Hoc tempore apud Lib. 8.
Gallias in Regnum Francorum ANCHIS, Arnulfi filius, qui de nomine
ANCHISAE TROIANI creditur appellatus, sub nomine Maioris
Domus gerebat Principatum.

Paulus Æmilius de Pipino Rege: Ex amplissimâ familia & tam Lib. 1.
veteri nobilitate natus erat, ut cum auctor gentis origoque prima igno-
raretur, quod multi eius stirpis ANC H I S I I vocati inuenirentur, ab
ANCHISE Troiano eos oriundos plerique iactarent.

Ex Epitaphio Rothaidis, filiâ Pipini Regis; sepultæ Metis in
Oratorio S. Arnulfi:

PIPINVS pater est, KAROLO de Principe cretus,

Agarenum stravit magnâ qui cæde Tyrannum.

PIPINVS proauius, quo non audacior ullus.

Est abauus ANCHISE potens, qui dicit ab illo

TROIANO ANCHISA longo post tempore nomen.

Ægidius S. Trudonis Abbas de Carolo Duce, Lotharij Regis fra-
tre, & Gerbergâ ciui filiâ, quam ipse viderat:

Sic tua res agitur, Dux KAROLE, sicque Ducatum

Lotharicum perdis, dum T V A R E G N A petis:

Filius OTTO tamen tibi Dux succedit in illo,

Quem sibi confirmat IMPERIALIS APEX:

Huic quoque germanam dant Chronica scripta sororem

Nomine GERBERGAM, quæ mihi visa fuit.

Hanc sibi LAMBERTVS despondit, quem RAYNERVM

Hannoniæ Comitem progenuisse ferunt:

Huic quoque successit HENRICVS filius, OTTO

Quem sequitur frustra; nam sine prole fuit.

Hunc quoque subsequitur LAMBERTVS patruus eius,

Qui regit has terras, Louanioque præst.

Nonne vides igitur quam CLARI SANGVINIS istos

VENA venustauit, TROICA quippe fuit.

Duces Brabantia à Gerbergâ, Caroli Ducis maiore natu filiâ,
oriundi, à Dintero passim dicuntur orti de propagine Troianorum: &
Wenceslaus Romanorum ac Bohemiæ Rex, qui ab iisdem Ducibus
per feminas prodibat, de Troianorum progenie se descendisse palam Dint. l. 6.
cap. 37.

AD VINDICIAS HISPANICAS

Iam age, vir erudite, & vel vnum Scriptorem antiquum exere, qui
hanc ab Anchise & Troianis originem, et si fabulosam, tribuat Hu-
goni Capeto? Contrà Æneas Sylvius ante annos ducentos affir-
mavit, Trojanam Francorum prosapia iam pridem defecisse; ubi
LADISLAVM Regem Hungariæ puerum, ALBERTI II. Impera-
toris AVSTRIACI filium, sic allocutus est: *Nemo est in Orbe toto, qui*
Te generis claritate præcellat: nemo par est: multumque distet necesse est,
qui Tibi secundus ponatur. Fabulantur Gallici TROIANAM PROSA-
PIAM; sed illa IAM DIV DEFICIT; TERQUE, post Francorum in Gal-
liam transitum, REGIAM STIRPEM Gallici variarunt. O præclarum
viri planè magni (qui deinde supremus Christi Vicarius fuit) & ve-
rūm ἀξιωμα pro Regum Austriacorum, supra Capetinos, honoris
& ordinis prærogatiuâ! Quod autem Franci nostri, inquit Hadrianus
Turnebus, se stirpe Trojanorum fatos putarunt, id emulazione Romano-
rum fecere, quos cum eo Stempate & ea nobilitate insolescere viderent,
idem decus sibi voluerunt arrogare.

G R A D V S I I I.

PIPINVS DVX ET MAIOR DOMVS.

PIPINVS, Ansigini & Beggæ filius, ab Heristallo palatio pro-
pe lopiullam *Heristallius* cognominatus, duas habuit uxores
uno eodemque tempore. De priori ita Fredegarius Scholasticus,
Scriptor octaui seculi, in Chronicō, quod iubente Childebrando
Cap. 100. Duce scripsit: *Erat ei uxor nobilis & prudentissima nomine PLICH-*
TRVDIS; genuitque ex eâ FILIOS DVOS; nomen senioris DROGO;
nomen vero iunioris GRIMOALDV. Codex ms. Stabulensis in mar-
ginalibus notis ad Bedæ Chronicum: PIPINVS, filius Beggæ, quæ
fuit filia Pipini Principis, soror S. Gertrudis, fit Maior Domus totius
Franciæ subiugato Theodorico: qui & DROGONEM filium suum facit
Ducem Campanie; minorem vero GRIMOALDV, Ducem sub Clodoueo
& Hildeberto, filius Theodorici. Suscepserat filios illos Pipinus Herstal-
Cap. 103. *lius ex PLECTRVDE, priori & legitimâ coniuge. Sic autem Fre-*
degarius de posteriori, quam Pipinus vetito connubio sibi copula-
uit: Pipinus aliam duxit uxorem nobilem & elegantem, nomine AL-
PHEIDAM, ex qua genuit FILIVM, vocauitque nomen eius lingua pro-
pria CAROLVM; crevitque puer elegans, atque egregius effectus est.
Hæc etiam Fredegarij verba sunt in Historiæ suæ prologo: Acta Re-
gum, & bella gentium quæ gesserunt, legendo simul & audiendo, etiam
& r̄videndo cuncta, quæ certificatus cognoui, huius libelli volumine scri-
bere

LAMPADES HISTORICÆ.

7

bere non filui: sed & curiosissime quantum potui inserere studui. Ille ergo perquam accurate Pipini Herstallij ex vtrâque coniuge natos enumeravit; è quorum numero si fuisset CHILDEBRANDVS, haud dubiè præclaros eius à Pipino natales non omisisset Historicus, qui eius iussu *Gesta Francorum DILIGENTISSIME scribebat*, vt legitur ad finem Chronicæ in ms. Codice Alexandri Petuij Senatoris Parisiensis.

Accedit aliud Chronicum vetus ex Codice m s. Ioannis Tillij:
Hic PIPINVS de PLECTRVDE uxore habuit filios DVOS, DROCVM & GRIMOALDV: de alia uxore habuit CAROLVM Primum. Addo Gesta Regum Francorū, & Moissiacense Chronicum: Erat autem PIPINO uxor nobilissima & sapientissima nomine PLECTRVDIS: ex ipsā genuit FILIOS DVOS; nomen maioris DROGO, nomen minoris GRIMOALDV. Habebatque PIPINVS p̄fatus Princeps FILIVM ex alia uxore ALPAGEDE nomine CAROLVM, virum elegantem, egregium atque utilem. Consentit Genealogia S. Arnulphi Metensis scripta anno M. C. VIII. hoc est, sub Ludouico VI. Rege Capetino:
ANCHISVS genuit PIPINVM Maiorem Domus ex BEGGA, sorore S.GERTRVDIS de Niuellā. Hic genuit GRIMOALDV, DROGONEM, Duces; & CAROLVM Regem, Martellum dictum, ex ALPADE sorore DODONIS, qui S.LAMBERTVM Episcopum Leodiensem martirizauit.

Præterea, ex tribus filiis Pipini Herstallij iam recensitis, Drogo diem obiit anno DCC. VIII. Grimoaldus autem Aprili mense anni DCC. XIV. quo eodem anno mense Decembri excessit è vita Pipinus parens, cui Carolus Martellus, tertius ordine filius, superfuit solus. Fredegarius in Childebrandi Chronicō: *Sequenti quoque tempore idem PIPINVS Dux agrotans mortuus est: rexique populum Francorum annis XXVII. reliquit SUPERSTITEM CAROLVM filium.*

Cap. 104.

Auctor Vitæ Pipini Landensis de Herstallio: *Is Pipinus alijs ante se prædecedentibus filijs KAROLVM SUPERSTITEM non solum dignitatis suæ heredem, sed & virtutis reliquit.* Annales Francorum Metenses fuscæ & perspicue: Anno ab Incarnat. Domini DCC. VIII. DROGO filius PIPINI primogenitus defunctus est. Anno DCC. XIV. agrotante PIPINO in Iopila villâ publicâ, quæ sita est super fluvium Mosam, cum ad visitandum eum GRIMOALDV filius eius properaret, & ad orationem in Basilica S. Lamberti martyris processisset, & diutius in oratione pronus persisteret, à nequissimo viro, nomine Rangario, gladio percussus occubuit. PIPINVS verò Princeps de infirmitate conualecens, omnes qui in illo consilio fuerant iusta vltione interemit; in locumque Grimoaldi filium eius parvulum ex concubinâ natum, nomine Theobaldum, Maiorem Domus cum Dagoberto Rege constituit.

Eodem

AD VINDICIAS HISPANICAS

Eodem quoque anno [DCC. XIV.] Pipinus Princeps iterum molestia corporali correptus, circunsitus gentibus Francorum dominationi subbatis, in pace obiit XVII. Kal. Januarij. Rexit autem populum Francorum annis XXVII. & mensibus sex: reliquitque SUPERSTITEM FILIUM nomine KAROLVM.

Defuncto autem PIPINO, maxima conturbatio orta est in gente Francorum: nam maiores natu filii eius, DROGO & GRIMOALDV, ipso vivente vita discesserant. Theobaldus vero, Grimoaldi ex concubina filius, adhuc puer erat; qui etsi Patri in Principatu succeſſerat, minimè tamen tantum Regnum dignè gubernare praeualebat. KAROLVS vero, QVEM SOLVM Pater dignum heredem tante potestatis SUPERSTITEM RELIQUERAT, nouerales infidias graniter tolerabat.

Probat.
pag. 68.

Vignarius
in Chron.
Burgund.

Hunc cumdem contextum Bouchetus retulit, sed prætermis dolosè posterioribus periodis; ex quibus quia constat relictum à Pipino SOLVM ex filiis CAROLVM SUPERSTITEM, CHILDEBRANDVS absque dubio Pipini filius non fuit; quippe qui diut post eius obitum (qui contigit anno DCC. XIV.) superstes, pro Carolo Martello bis bellum gessit, annis DCC. XXX. & DCC. XXXVIII. & iterum pro Pipino Breui, Martelli filio, anno DCC. XL. vti Fredegarius litteris consignauit. In summâ, nullus priſci æui Scriptor inter Pipini Herſtallij filios Childebrandum censuit:

Phœdrus
lib. 3. 49.

*Ergo exploranda est veritas multum prius,
Quam fulta prae*e* indicet sententia.*

G R A D V S I V. CHILDEBRANDVS DVX ET COMES.

VT autem probaret Dominicus, Childebrandum Pipini Herſtallij filium fuisse, & Caroli Martelli Germanum fratrem, Cap. 109. adduxit hæc Fredegarij verba de Carolo Martello: *At contra [Saracenos Auenionem ingressos] vir egregius CAROLVS Dux GERMANVM SVVM, virum industrum, CHILDEBRANDVM Ducem, cum reliquis Ducibus & Comitibus, illis partibus cum apparatu hostili dirigit. Tum paucis interiectis: Denud curriculo anni illius mense secundo prædictum GERMANVM SVVM, cum pluribus Ducibus atque Comitibus, commoto exercitu, partibus Provincie dirigit. Vt ergo Fredegarij mentem plane assequamur, vis & notio vocabuli germanus in primis est examinanda.*

Festus Pompeius: *GERMEN est, quod ex arborum furculis nascitur: unde & GERMANI, quasi eadem stirpe geniti. Glossæ meæ veteres membræ*

LAMPADES HISTORICÆ.

membraneæ: *Germen, initium floris. Germina, semina. Pollulat, germinat, nascitur, oritur.* Hinc germinare à plantis ad homines translatum, pro generare & producere usurpat Regino Prumiensis, & Annales Metenses. vbi de populosa Germaniâ: *Multæ quoque ex ed.* Ad an. pro eo quod tantos mortales GERMINET, quantos alere vix sufficit, 889. frequenter gentes egressæ sunt. Germaniam idcirco vocat Solinus dini- Cap. 23. tem virorum terram, frequentem populis numerosis & immanibus. Ad- dit S. Isidorus: *Vnde & propter fæcunditatem GIGNENDORVM po-* Lib. 14. *pulorum GERMANIA dicta est.* Eadem metaphorâ *germen*, quasi geni- men aut generamen, pro semine & stirpe ab æui medijs Scriptoribus plereque acceptum. Regino de S. Arnulpho Metensi: *De cuius san-* Anno 880. *cto GERMINÈ Germanorum Francorum prosapia pullulauerat.* Rothai- Anno 810. dis filia Pipini Regis in suo sepulchrali elogio:

Quæ GENVS excelsò nimium de GERMINÈ duco.

Saxonicus Poëta de Principibus, à quibus Carolus Magnus ortum Lib. 5. ducebat:

Vnum commemorem tanto de GERMINÈ Patrem,

Quem sancta Christi prædicat Ecclesia:

Arnulphum scilicet. Idem Vates de RHVOTRVDÆ Caroli Magni filiâ, Constantino VII. Imperatori Orientis despontata anno DCC. LXXXI.

Inclita Constantinopolis de GERMINÈ nostri

Optabat KAROLI nobilior fieri.

Eodem intellectu Albericus Guillelmum S. Benigni Diuisionensis Ad an. Abbatem alto satis GERMINÈ & nobili prosapiâ oriundum scribit. 990. sic etiam ille de Henrico III. Imperatore: *In eo dignitas Imperialis,* Ad an. quæ per longum tempus à SEMINE KAROLI exulauerat, ad generosum 1040. & antiquum GERMEN KAROLI reducta est: per matrem scilicet Giselam, quam Otho Frisingensis oriundam tradit de antiquo & glo- Lib. 6. rioso SANGVINE Carolorum. cap. 28.

Aduertendum deinde, duplē esse fraternitatem, propriam sci- licet ex naturali propinquitate; & impropriam ex amicitiâ & studio.

De istâ Quintilianus: *Certè quoties blandiri volumus his, qui esse Declam.* AMICI videntur, nulla adulatio procedere ultra hoc nomen potest, ut 321. FRATRES vocemus. Eucherius similiter: *Frates, sorores, patres & ma-* Hom. 4. *tres, uxores & filij dicuntur, non naturâ, sed officio & affectione: quos enim Apost.* diligimus, his nominibus vocare solemus. Sic Edui, Bataui, Aruerni, quia amici, fraternitatis nomen cum populo Romano usurparunt.

Altera fraternitas propria, & quæ oritur ex necessitudine sanguinis, vel latiore sumitur significatu, vel stricto: latiore usurpatur in

AD VINDICIAS HISPANICAS

10 Diuinis Scripturis, in quibus *fratrum* nomine *cognati* s^ep^e intelliguntur. Exempli causâ: D. Paulus *Iacobum Alphæi* vocat *fratrem Domini*, qui verè Christi consobrinus erat in secundo gradu: Maria enim, Christi mater, *Alphæi*, patris S. Iacobi minoris, consobrina erat in primo. Sed en aliud exemplum ex Elegiacorum Principe, (qui eodem primo s^eculo vixit) apud quem Hermione ad Orestem scribit, vt eam Pyrro eripiat, nec patiatur diutiùs in vinculis esse:

VIR precor VXORI, FRATER succurre SORORI:

Instant officio NOMINA BINA tuo.

Agamemnon & Menelaus germani fratres erant: ille ex Clytemnestra genuit Orestem; iste ex Helenâ Hermionem, quæ Oresti patrueli suo nupta deinde fuit: illa tamen Orestem *suum fratrem* seque *sororem eius* nuncupat. Quin & ipsâ S. Augustini ætate, qui florebat anno Christi C.D. xx. consobrinis indita est *fratrum* appellatio. sic enim ille de iure coniugiorum: *Quod fiebat cum CONSOBRINA, p^{an}è cum SORORE fieri videbatur: quia & ipsi inter se, propter eam propinquam consanguinitatem, FRATRES vocantur, & p^{an}è GERMANI sunt.*

Lib. 15. de Ciuit. Dei c. 16. Serm. 49. Petrus etiam Chrysologus æuo suppar: *Vsus*, ait, *temporis etiam praesentis germanorum & germanarum filios FRATRES noscitur nuncupasse.*

Stricto sensu rursus sumpta fraternitas propria triplex est. Primi generis fratres sunt, qui ex utroque parente nati, quos Iureconsulti vocant *germanos fratres*; Demosthenes διμοντεῖς ναὶ διμοντεῖς. Ad quæ D. Ambrosij pulchra est isthæc cogitatio: *Omnis homines unius naturæ partus sunt, iuxta eius concepti viscera, & uno fæti atque effusi VTERO: unde nobis iure quodam GERMANITATIS veluti FRATRES connectimur, ab uno PATRE conditi.*

Alterius generis fratres ex eodem tantum patre nati sunt, sed non ex eadem matre; dicti διμοντεῖοι & *consanguinei*. Paulus I.C. diserte: *Consanguinei sunt eodem patre nati, tamen diuersis matribus.* Vnde & à Ctesia soror consanguinea dicitur διμοντεῖα αἰδελφη.

Tertij porro generis fratres eadem matre geniti sunt, sed diuersis patribus, Græcis διμοντεῖοι, Iustiniano uterini. Atqui Fredegarius eiusmodi sensu triplici *fratres* uno nomine *germanos* absolute nuncupauit; utpote qui auctore Festo omnes à GERMINA dicti sint seu parentis utriusque, aut patris dumtaxat, vel matris tantum. Carlomannus, inquit Fredegarius, deuotionis causâ in instinctu succensus, Regnum vna cum filio suo Drogone manibus GERMANI SVI Pipini committens, ad limina beatorum Apostolorum Petri & Pauli Romam in Monachorum ordine perseveraturus aduenit. Annales Francorum eadem locutione vtuntur.

Baron. in appar. n. 41. Tyrius lib. 4. Chronici facti. Quid. Epist. 8.

Lib. 15. de Ciuit. Dei c. 16.

Serm. 49.

Lib. 2. de Abraham.

Lib. 7. Sent.

Inst. l. 3. de Bonor. possell.

In Chron. Chilebr. cap. 110.

LAMPADES HISTORICÆ.

ii

vtuntur. Bertiniani: *Tunc Carlomannus confessus est Pipino GERMANO* Ad an.
svo, quod decreuisset sæculum relinquere. Metenses: *Carlomannus, GER-*
MANVS Domni Pipini Regis. Carlomannus & Pipinus Caroli Mar-
telli & Rotrudis coniugum filij erant, & sic ex vtroque parente
fratres.

745.
Ad an.

754.

Exemplum de secundo fratribus genere ex eodem Fredegario: *Hij TRES GERMANI, Sigebertus, Guntrannus, & Chilpericus, Trecas iunxerunt.* Et paulò inferius, vbi adfert S. Germani Parisiorum Episcopi verba ad Sigebertum Regem, qui Chilpericum fratrem suum consanguineum bello turbabat: *Si GERMANVM TVVM ita persequere cogitas, ut eum interficere disponas, & Regnum suum auferre; scriptum est: Foueam, quam FRATRI TWO parabis, in eam eades.* Guntrannus, Sigebertus, & Chilpericus, Clotarij I. Regis filij erant; sed Guntrannus & Sigebertus ex INGVNDE matre, Chilpericus ex ARIGVNDE: illos tamen omnes Fredegarius germanos appellat.

In Histor.
Epitom.
cap. 71.

Præterea haec sunt alio loco verba Fredegarij de Rege Pipino In Chron.
Bonnæ ad Rhenum agente: Nuncius venit ad præfatum Regem de partibus Burgundia, quod GERMANVS eius nomine GRIFO interfectus est. Ita quoque Annales Bertiniani: *Nunciatum est ei, quod GRIFO, Anno qui in Wasconiam fugit, GERMANVS EIUS occisus fuisset.* Carolus Martellus vxorem habuit HROTRVDEM, alias GELTRVDEM, ex qua genuit filios Carolum & Pipum: habuit quoque SVANI-CHILDEM concubinam, ex quâ Griphonem tulit. Eginarthus in Annalibus: *Hoc anno CAROLVS Maior Domus diem obiit, tres filios hæredes relinquens, KAROLOMANNVM scilicet, PIPINVM atque GRIFO:* FONEM: *quorum GRIFO, qui ceteris minor natu erat, matrem habuit nomine SVANIHILDEM, neptim Odilonis Duci Baioariorum.* Annales Metenses de Carolo Martello: *Tertio filio suo GRIPPONI, quem ex SONIHLDE, quam de Bauaria captiuam adduxerat, habuit, suadente eadem CONCVBINA SVA partem ei in medio Principatus sui tribuit.* Hermannus Contractus Canisij: *GRIFO, ex concubinâ frater Pipini, tyrannidem affectans ad Saxones se contulit: Pipinoque adueniente, pacificari cum eo nolens, in Baioariam fugit.*

Nibelungi.

753.

741.

742.

743.

744.

Pipinus ergo & Grifo eodem patre Carolo Martello geniti erant, sed ille ex coniuge Hrotrude, iste ex concubina Suanichilde: illos tamen Fredegarius germanos appellat. Quo eodem intellectu Arnobius aduersus Gentes: *Picus & Iuppiter GERMANITATIS sibi sociati iare, utpote uno ex sanguine unoque ex semine procreati erant; patris Saturni scilicet: illis enim diuersas matres Poëtæ assignant.* Guido Basochius etiam perspicue: *Regnam Lotharij, quod FRATRI svo B 2 iure* Ad an. 871.

iure successionis debebatur Imperatori LUDOVICO, cui paganis ab Italia propellendis intento regredi non licebat sine populi Christiani detrimento, Francorum Rex CAROLVS CALVVS occupauit. Sed dissidentibus ab eo terrae potentibus, & insurgente magnis viribus aduersus eum SVO, Germanorum Rege, GERMANO LUDOVICO, pro Regno NEPOTIS restituendo, reliquo quod inuaserat, vix euasit. Ludouicus I. Rex Germaniae, & Carolus Caluus Rex Franciae, ex patre Ludouico Pio consanguinei dumtaxat fratres erant, ομοπατεροι: nam Ludouici Ermengardis mater erat, Iuditha Caroli. Guido tamen Ludouicum vocat Caroli germanum; scilicet ex eiusdem patris germine, non autem matris, procreatuum. Metensis Annalista & Prumiensis Abbas eodem sensu narrant, post mortem Ludouici I. Regis Germaniae, quae Francofurti contigerat, Carolum Caluum rursus Regni eius parte in vi occupasse; ad quem Legatos statim direxit Ludouicus II. Rex, Ludouici vitâ functi filius, orans, ut memor esset GERMANITATIS atque consanguinitatis: memor esset iuramenti, quod FRATRI SVO fecerat. Illa porro germanitas, αδελφων, inter Ludouicum I. & Carolum Reges erat solum ex parte patris Ludouici Pij, quia ex diuersis matribus prodierant, ut iam monui.

Ad an.
876.

In Chron. Childebr. cap. 109.

Ad vltimum, de tertio genere fratrum, idem etiam Fredegarius, vbi loquitur de Carolo Martello: GERMANVM SVVM Childebrandum Ducem cum apparatu hostili dirigit. Carolus Martellus sine controuersia Pipini Herstallij filius erat. Constat autem, Childebrandum Pipini Herstallij filium non fuisse, cum inter eius proles à nemine annumeretur, ne ab ipso quidem Fredegario, qui eius iussu Herstallij liberos sedulò percensuit: supereft igitur clarâ certâque consequentiâ, Childebrandum ex laudato Fredegario fuisse Martelli verum fratrem ac GERMANVM, sed uterum; hoc est, ex eiusdem cum Martello matris germine procreatuum, Alpaidis scilicet, quam sibi assumpfit Pipinus, siue eam à marito adhuc viuente abstraxit; ut Childericus Rex Francorum Basinam Bislini Thoringorum Regis vxorem; siue iuuenculam & formosam viduam, iamque ex defuncto marito Childebrandi matrem, vxori suæ legitimæ Plectrudi superinduxit. Sigebertus Gemblacensis: Sanctus LAMBERTVS PINVM Principem increpare ausus, quod pellicem ALPAIDEM suæ legitime uxori PLECTRVDI superduxerit, à Dodone fratre ipsius ALPAIDIS Leodij martyrisatur, & Traiecti tumulatur. Consentunt Beda, Vfuardus & Ado in Martyrologiis. Et Beda quidem vetustior (qui excessit è viuis anno DCC. XXXIV. imperante Francis Carolo Martello, Alpaidis filio) hisce verbis: Tungrensi Dioceſi, Leodio villa publica,

Aimoinus lib. 1. c. 8.
Ado Vien. & alij.
Anno 698.
17. Sept.

publica, natale sancti LAMBERTI Episcopi, qui dum REGIAM DOMVM zelo religionis increpasset, cum rediens orationi incumberet, ab iniquissimis viris de Palatio missis ex improviso conclusus intra domum Ecclesiae occiditur, cuius sepulchrum celeberrimis miraculis illustratur. Eadem narrant Regino Abbas Prumiensis, Nicolaus Leodiensis Canonicus, Renerus ad S. Laurentium monachus, & multi alij.

Apud
Chapeauville.

Hic autem seriò aduertendum, quòd etsi (Baronio tradente) omnes Anno tam veteres quam recentiores Historici absque controversia affirmarint, à 698. n. i. S. Lambert Tongrensi Episcopo factam Pipino Herstallio obiurgationem, ob introductam pellicem Alpaidem; Fredegarius tamen, Childebrandi Ducis Historicus, illud datâ operâ reticuit, quinimò Alpaidem absolute vocavit uxorem Pipini nobilem & elegantem; planè vt Childebrando, ex alio thoro Alpaidis filio, gratificaretur, eiusque matris probro velum obtenderet. Et quaimuis Childebrādi auunculus Dodō (vir nobilis ac potens, sed sceleratus, qui arcem in Aurotano agro Iupiliæ vicinam inhabitabat) tanto decori sibi antè adscripsisset fraterem esse Alpaidis, vt S. Lambertum, qui Pipinum Iupiliæ incolam de illicito illo connubio obiurgauerat, occiderit: Childebrandus tamen ne vulnus refricaret, quod in cicatricem coalescere optabat, sàt sibi laudis esse censuit, si de industriâ à Fredegario C A R O L I MARELLI, recte factorum famâ Principis inclyti, GERMANVS nuncuparetur, cuius frater vterinus tantum erat. Quod equidem ab Historico illo proprio perquam aptè pronuntiatum iam ostendo.

Nicol.
Leodiensi.
cap. 14.

Soboles ex eadē matre, ac variis patribus progenitæ (quales erant Childebrandus & Carolus Martellus) non minus FRATRES ac SORORES vocantur, quam quæ eodem patre matribusque diuersis. Exempla eius appellationis obuia sunt apud veteres: de fratribus adoptiuis non ita; de quibus tamen extat hoc illustre monumentum: Genuerat Agrippina Augusta ex priore marito Cneo Domitio Ænobarbo Neronem: secundis deinde nuptiis Claudio Cæsari copulata nullas ex eo proles suscepit; sed filij sui Neronis adoptionem à vitrico impetravit. Claudius ex aliâ vxore Messalinâ Britannicum genuerat atque Octauiam, quam Agrippina nouerca Neroni filio suo in coniugem elocauit; à quo postea Poppææ adulterinis amoribus dementato dire necari iussa; cùm priùs etiam Britannicum, Octauia vxoris suæ fratrem, rapidissimo veneno sustulisset. Cùm tamen Neronis, qui adoptione in Imperium irrepserat, scelera narrat Tacitus, Britannicu eius FRATREM absolute, & Octauiam eius SOROREM appellat. NERO intellectâ inuidiâ odium intendit; ur- Lib. 13. gentibusque Agrippina minis, quia nullum crimen, neque iubere cædem Annal.

FRATRIS palam audebat, occulte molitur. Tum inferius: Nox eadem necem BRITANNICI & rogum coiunxit, prouiso ante funebri apparatu, qui modicus fuit. In campo tamen Martio sepultus est, adeo validis imbribus, ut vulgus iram Deum portendi crediderit aduersus facinus, cui plerique hominum etiam ignoscabant, antiquas FRATRVM discordias & insociabile Regnum existimantes. Tum post nonnulla: Festinationem exsequiarum edicto Cesar defendit, id à maioribus institutum referens, subtrahere oculis acerba funera, neque laudationibus aut pompa detinere: ceterum & sibi amissi FRATRIS auxilio, reliquas spes in Rep. sitas. Alio autem loco sic de Octauia: Paucis dehinc interiectis diebus mori iubetur; cum iam viduam se, & tantum SOROREM testaretur: hoc est, repudiata, neq; amplius Imperatoris vxorem, sed sororem: cum tamen NERO Octauiae, Claudio & Messalinâ genitæ, adoptiūs dumtaxat frater esset.

Lib. 14.
Annal.

In 5. Aen.

Lib. cit.
v. 412.

Verum enim vero sic omnino ad Fredegarij mentem Seruius in Virgilium; etsi aliâ quam Festus germani originatione: GERMANVS est, secundum Varronem in libro de Gradibus, DE EADEM GENITRICE MANANS; non, ut multi dicunt, ab eodem germine: secundum quem benè nunc ERICEM, Bute & Veneris filium, ÆNEÆ dicit esse GERMANVM. Fabulantur Poëtæ ERICEM & ÆNEAM Veneris fuisse filios; sed illum Bute, hunc Anchise patre genitum. Vnde Entellus ad Æneam, Ericis vterinum fratrem, dixit:

Hæc GERMANVS Erix quondam TVVS arma gerebat:
quo eodem sensu Æneæ prius dixerat Palinurus:

nec littora longè

Fida reor FRATERNA Ericis, portusque Sycanos.

Lib. 9. c. 6. Prætereà Varronis in Latinâ lingua sectator sanctus Isidorus, Hispanensis Episcopus, Fredegarij contemporaneus, in hæc verba locutus est: GERMANI ex eadem genitrice manantes. VTERINI vocati, eo quod sint ex diuerfis patribus, & uno vtero editi. GERMANA ita intelligitur ut GERMANVS, eadem genitrice manans.

Ad Isidori mentem, & Fredegarij sensum, aliud à decimo sæculo exemplu accersa lubens. Hugo Rex Italiæ & Guido Marchio Tusciæ ex eadem matre Bertâ Lotharingâ vterini fratres erant: prior namq; Theobaldo Comite, posterior Adelberto Marchione genitus erat: illos tamē Luitprandus germanos nuncupat, vbi Maroziam sic arguit:

Quid Veneris facibus compusa MAROZIA sauis,

CONIVGIS ecce TVI spectas tu suavia FRATRIS,

Nubere GERMANIS satagens Herodia BINIS?

Marozia, Guidonis vidua, cum Hugone vterino eius fratre matrimonium iniuit; & sic duobus germanis incestuosa nupsit.

Lib. 3.
cap. 12.

Ad

Ad hæc, non latet, Dominice, Iustinianum tuum agnatos à cognatis ita distinxisse, vt illi sint, qui per mares coniunguntur, isti qui per feminas. Quo loci notatum ab Interpretibus, agnatos responderem genti, cognatos stirpi, Tullij suffragio, cuius hæc sunt verba: *Cum Marcelli à Liberti filio STIRPE, Claudijs Patritij eiusdem hominis hereditatem ad se redijisse GENTE dicerent.* Vbi Ludouici Cerdæ sententia est, Marcellos per feminam, Claudio per marem in hereditatem deuolui; dum hæc Iunonis apud Virgilium verba interpretatur:

*Heu STIRPEM inuisam, & fatis contraria nostris
Fata Phrygum.*

Troiani enim, ait Cerdæ, per Electram à Ioue ortum ducebant. Itaque quia Festus germanos facit *quasi eadem stirpe genitos*; & quia stirpi respondent *cognati*, seu femineo nexu iuncti; haud dubie Fredegarius pro materno fratre, seu vterino, rectè germanum dixit, hoc est, *γνητος*, verum & legitimum.

Sed & ad illam quoque ex materna parte germanitatem alludere visus est Petrus Cellensis, vbi scripsit, *amicitiam GERMINARE COGNATIONE, crescere familiaritate, frondescere consuetudine.* Specialiter enim *cognati dicuntur, qui per feminas coniunguntur.*

Sic ergo planè soluitur Gordius ille Fredegarij nodus, vt Childebrandus fuerit Caroli Martelli *germanus*, sed *vterinus*; quod Hispani scitè dicunt *hermano de madre*. Cuius germani significationis Auctores adduximus, ^aVarronem, *Linguæ Latinae peritissimum*; ^bVirgilium, *Latini eloquij magnum auctorem*; ^cSeruum, *Virgilij diligentissimum interpretem*; ^dIsidorum Hispalensem, *Grammaticum necessarium*, in quo pleraque, quæ nusquam alibi; & ^eLuitprandum, *Græco & Latino sermone peritum*, nec minus carmine elegantem quam prosa. Rectè igitur & commode locutus est Fredegarius, vbi Childebrandum, Martelli ὥμοιτεον, vocavit eius germanum; vt etiam scitè Chilpericum, Sigeberti ὥμοιτεον, eadem germani eius appellatione insigniuit.

Addé, quòd Fredegarius in Chronico Childebrandi videtur non infreenter Hispanismum affectasse: quam enim Gregorius Tironensis *Hispaniam*, ille *Spaniam* nuncupat; quæ lingua patria effertur *España* ex vsu vulgi, quod Latinis vocabulis ab S incipientibus præponere solet E: vti patet in dictionibus, *scutum*, *escudo*, *species*, *especies*, & similibus. Vbi etiam alij Latini *fratrem & sororem*, Fredegarius vbique fere dixit *germanum & germanam*; quod est Hispanis *hermano y hermana*, littera G in H mutata: vt illi etiam *hierno*

Instit. de
Legitimâ
agnatorum
tutelâ.

Lib. 1. de
Orat.

Lib. 7.
Æn.

Lib. 7.
Epist. 7.
L.vlt. §. 1.
ff.de Grad.

^a Fabius
lib. 10.c. 1.
^b August.
lib. 10.
de Ciuit.
^c Gifanius
Apol. pro
Poëtis Lat.
^d Dempsterus.
^e Trithem.
de Script.
Eccles.

16 AD VINDICIAS HISPANICAS

hierno dicunt pro *genero*. Denique ut Hispani proprios fratres nuncupant *hermanos*; sic etiam fratum & sororum filios, siue patruelis, & consobrinos, vocant *primos hermanos*, quasi in primo infra veram fraternitatem gradu *germanos*: filios autem patruelium & consobrinorum nuncupant *primos segundos*. De istis singulare extat exemplum apud Sebastianum Salmanticæ Episcopum, qui ante annos septingentos vixit: *Ramirus ut didicit COGERMANVM SVVM IN SECUNDO GRADU Adefonsum Castum à seculo emigrasse, & Nepotianum Regnum inuasisse, Lucensem Gallæcia ciuitatem ingressus est.* Alfonsus Castus & Rauimirus Reges filij erant duorum patruelium, ille Froylæ, iste Vereimundi Regum, & sic infra veram fraternitatem in secundo gradu germani. Paucis verbis: Cùm Fredegarius Gothorum Regum gesta accurate referat, credi par est illum aliquamdiu in Hispania vixisse, ibique Romanicæ Hispanorum linguae assuefactum. Iam obserua ex Edimundo Dintero Alpaidem illam, Dodonis sororem, Childebrandi & Caroli Martelli matrem, fundasse Ecclesiam & Canonicon collegium in Hugardis, multaque contulisse Ecclesiis & Ecclesiasticis personis: ipsam autem in Ecclesia de E R P prope Geldoniam in Brabantia sepultam esse. Sed audi etiam de illâ Bartholomæum Fisen in Legiâ sacrâ: *Quæ prima nefariæ impietatis fuerat incentrix, sociis culpe dirâ morte consumptis, ipsa præclaris virginum exemplis eò adducta est, ut præteritæ vite damnata turpitudine, sanctisque suppliciis expiatâ, monastichen deinceps integritate magna coluerit, vitamque clauerit personâ, relicto posteris egregia pænitentia monumento.*

Era 880.

Vide Luminaria prærog. pag. 348.

Lib. 5.
cap. 25.
& 26.

Lib. 5.
pag. 164.

Cap. 110.

De Orig.
Hugonis
Capeti.

Verum adhuc restat scrupulus, quem mouit Matthæus Zampinius ex hisce Fredegarij verbis de Pipino Breui, Martelli filio, nondum Rege: *PIPINV Dux commoto exercitu cum AVVNCVLO SVO CHILDEBRANDO Duce, & multitudine primatum & agminum satellitum plurimorum, ad Burgundiam dirigunt.* Ex illis infert Zampinius, Pipini Breuis matrem fuisse Childebrandi sororem, adeoque Childebrandum non fuisse Caroli Martelli, sed vxoris eius fratrem. Cui sensui fauere videtur M. Tullius, qui pro domo sua, & de Aruspicum responsis, *Q. Metellum*, qui P. Clodij sororem duxerat, vocat *P. Clodij fratrem*. Sed obseruasse debuerat Zampinius Italus, *patruum & auunculum* vnicâ voce *oncle* à Francis efferi, ex quibus, qui Latinè scripserunt, non raro *auunculum* pro *patruo* usurparunt. Adde quod Fredegarius Childebrandum bis vocavit *Caroli germanum*; quod ad sororis maritum trahere violentum esset, & longius accersitum.

Ceterum quo patre natus sit Dux Childebrandus, certis è vetustate testimoniis nondum liquet. Quamuis enim in Chronicis quibusdam

busdam & Genealogiis, Flodulfus, siue *Clodulfus*, S. Arnulphi filius, dicatur genuisse *Martinum Duxem*: in aliis tamen antiquis non legitur Martinum fuisse Childebrandi Ducis patrem, ut placuit P. A. Lib. 2. inylio, cuius errorem Bouchetus reprehendit. Neque id annotare Pag. 137. omisisset Fredegarius, vbi narrat *Martinum Duxem cum Pipino deuictum, ad Laudunum clauatum configuisse, ibique cum sociis ab Ebroino interfectum*; nullâ consanguinitatis Martini cum Childebrando, cuius iussu scribebat, mentione.

Itaque ex ante dictis clarum est, Childebrandum Duxem fuisse quidem Caroli Martelli germanum, sed uterinum; adeoque non ex masculino Carolinorum stipite ortum, quia Pipini Herstallij filius non erat. Uterini autem frates AGNATIONIS ius non habent, sed L. 21. cognationis tantum sibi titulo connexi sunt. Vnde perspicue constat, iam c. de excus. tutor. statam à Boucheto HVGONIS CAPETI per Childebrandum VERAM ORIGINEM à Maioribus Domus regiae prorsus commentitiam esse, eiusque amplæ latitudinis paginas scombris tunicandis destinandas; vel certè ad honestiorem usum deferendas esse

— in vicum videntem thus & odores,

Et piper, & quidquid CHARTIS amicitur INEPTIS.

Horat.
lib. 2.
Epist. 1.

GRADVS V.

NIBELVNGVS COMES MADRIACENSIS.

HVNC, quem Bouchetus Comitem Madriacensem gratis appella- uit, nunc Dominicus in Opere suo nouo Comitem simpliciter Pag. 169. nuncupat; quo nudo honoris titulo insignitur ad finem Chronicorum, quod Fredegarius iussu Childebrandi scripsit, vbi leguntur haec verba à recentiore quopiam amanuensi adiecta in solo Codice M. S. Alexandri Petauij, absuntque ab aliis omnibus, maximè ab antiquissimo Iacobi Sirmondi, qui litteris vncialibus est exaratus: *Visque nunc inlustre vir CHILDEBRANDVS Comes, auunculus prædicti Regis Pipini, hanc Historiam, vel Gesta Francorum, DILIGENTISSIME scribi procurauit. Ab hinc ab inlustre viro NIBELVNGO, filio ipsius Childebrandi, itemque Comite, succedat auctoritas.* Bouchetus ergo & Dominicus inconsultè Fredegario adscribunt verba illa de Nibelungo Comite, qui à nemine ante Bouchetum Comes Madriacensis est nuncupatus; quippe qui Wilcassini potius Comes erat, ut ostendi lumine genealogico secundo.

Chesne
Tom. 1.
pag. 773.

G R A D V S VI.

THEODEBERTVS COMES MADRIACENSIS.

ANDREAS Cheseus in Tabulis Regum genealogicis, quas Tomo primo & secundo Scriptorum Franciæ publicè spectandas dedit anno M. DC. XXXVI. quadriennio antequam è viuis excederet, Nibelungum Comitem, Childebrando genitum, absque posteris protulit; cuius filium si credidisset fuisse Theodebertum, & ab hoc exortos Capetinos Reges, illud dubio procul Genealogorum Franciæ primipilus silentio non inuoluisset.

Pag. 166.

Vt autem alienum huncce gradum cum præcedenti ferruminaret Bouchetus, probaretque Theodebertum fuisse Nibelungi filium, unicum protulit testimonium; chartam nempe Pipini Regis Aquitaniæ pro Ecclesiâ S. Iuliani Briuatensis apud Aruernos, quâ contineri asseruit isthac iam dicti Regis verba: *Pro incolumente nostrâ uxorisque nostræ INGELTRVDAE Reginæ, & pro remedio animarum HERMINGARDAE quondam Reginæ, genitricisque nostræ; THETBERTI & NIBELVNGI Comitum, patre & avo eiusdem Ingeltrudæ.* Respondi affectatam esse, & ad fabulæ plausum dimetitam cognitionum hanc designationem. Insurgit iam Dominicus, & ait; *Forulos, in quibus charta hac reperitur, Bouchetum indicasse; lubenterque missurum exemplaria manu publicâ subsignata, & comparata cum autographo.* Admitto conditionem, eò magis veneraturus apographum, si auctoritate Parisiensis Senatus munitum fuerit: tametsi non sit quod inde aliqua aduersario victoriæ spes affulgeat; cùm in chartâ illâ nullum verbum de Comite, aut de Comitatu Madriacensi, quippe qui in rerum naturâ nusquam fuit. Docui præterea Thietbertum, Eginarcho memoratum, fuisse Comitem Matricensem in Austrasiâ; differre Matricam à Madriaco; illam in ortuâ Franciâ, istud in occiduâ situm fuisse: quod cùm iam neget vir eruditus, addens nullam in Austrasiâ Matricam fuisse; pleniori posthac disputatione rem sic examinabo, vt nullus deinceps dubitationi superesse possit locus.

G R A D V S VII.

ROBERTVS I. COMES.

NARRATVR in Vitâ S. Genulfi, Aganam, Wifredi Bituricensium Comitis filiam, nupsisse ROBERTO cuidam, insignis honeste que potentie viro, primoque Palati Pipini Regis. Qui ROBERTVS ad

ad sue nobilitatis excellentiam, regalis etiam Stemmatis PER SOROREM adeptus erat consortia, quam idem Pipinus uxorem duxerat. Robertum hunc, per Aganam, Saxiaci (siue, ut in Martyrologio S. Laurentij Bituricensis legitur, Saciaci) dominum fuisse in Biturigibus fatetur ipse Dominicus. Hanc eius repperi mentionem in Vitâ S. Iacobi Eremitæ nondum editâ: Erat ad minoris Salera ripam locus sylvis circumseptus, ubi dirutarum ædium antiqua monumenta multis in ruderibus apparebant: eò (obtentâ facultate à ROBERTO Saxaci vici domino, in cuius ditione locus erat) diuertit cum monacho quodam Ioannis nomine; extructoque ex arbuteis cratibus & tortilibus genistis tuguriolo, ædiculam ipso tugurio minorem, vicinis in sumptus necessarios eleemosynam conseruentibus, aggressus est, in quâ, ut perfecta est, Sacrum fecit. Roberti porrò soror erat Ingeltrudis, filia Thietberti Comitis Matricensis in Austrasiâ, non Madriacensis in Neustriâ, ut clarè posthac ostendemus.

19. Nou.
cap. 6.

Ceterum hoc loco percontor ab aduersariis, de Madriacensi Comitatu quid factum, cum filios, quos Theodeberto tribuunt, illum possedisse nullibi legatur: omiserunt absque dubio quempiam ex illis personâ illâ obuelare, ut laruatos plerosque passim introduxere.

G R A D V S V I I I .

R O B E R T V S I I . F O R T I S .

Hic vti pro certo stipite Capetinorum Regum ab antiquis Scriptoribus constanter est habitus, ita & appellatus *Saxonici generis vir*, vel, *de genere Saxonum extractus*: qui si ortum duxisset à Ferreolis, Ansbertis, Arnulphis, Childebrandis, Nibelungis, & similibus; sequeretur, eos omnes ortu etiam Saxones fuisse; quos tamen è Narbonensi Galliâ oriundos Bouchetus & Dominicus elatè prædicant.

Præterea, primum Comitis titulum, quem gessit Robertus Fortis, fuit *Comitis Andegauensis*, ex beneficio Caroli Calui. Otho Frisingensis: KAROLVS ROBERTO VIRO FORTI inter Ligerim & Sequanam Ducatum ad domandos Britones dedit. Guido de Basochiis: *Fecit eum ANDEGAVORVM COMITEM*, & adiacentis patriæ defensorem. Subiungit Albericus: *Hunc ROBERTVM fuisse DE NOBILI GENERE SAXONVM* Iuo Carnotensis in quadam epistolâ testatur. Ab hoc autem ROBERTO descendit genealogia Regis Francorum Philippi [Secundi] & antecessorum eius. Hæc sunt vero Iuonis verba: *Supererant duo filii* Epist. 89.

Lib. 6. c. 2.
anno 856.

AD VINDICIAS HISPANICAS

²⁰ ROBERTI COMITIS ANDEGAVORVM, qui fuit Saxonici generis vir.

Lib. 2. c. i. Aimoinus Floriacensis de Normannis: *Obstitit eorum sauis conati-
bus ROBERTVS ANDEGAVENSIS COMES, Saxonici generis vir, cui
per id locorum à Rege summa rerum delegata fuerat.*

Anno 862. Annales Bertiniani: *Ludouicus filius Caroli Regis, ROBERTVM Pa-
tris fidelem impedit; ANDEGAVVM, & alios, quos adire potuit pagos, cæ-
Anno 865. de, igni, depredatione deuastat. Rursum alio loco: Carolus Calvus ROD-*

*BERTO, qui Marchio in ANDEGAVO fuerat, cum alijs honoribus, quos
habebat, Comitatum Autissiodorensem & Comitatum Niucernensem donauit.*

Anno 872. Chronicum S. Sergij Andegauensis: *Normanni ROBERTVM AN-
DEGAVORVM Comitem, Ranulphum Pieltauorum Comitem, & alios mul-
tos generosæ stirpis viros, qui patriæ terminos tuebantur, occiderunt.*

Ad an.
988. Albericus alio loco: *Aurus autem Regis HVGONIS, Rex & REGNI
INVASOR ROBERTVS, in bello Suessonensi fuit occisus: cuius frater
Rex ODO dictus est, qui, cum KAROLVS Simplex adhuc puer esset, tam-
quam tutor pueri Regnum Francie gubernauit, & maximè in Aquitaniam
regnauit. Et horum pater dictus est Comes ROBERTVS, fortis Marchio,
DE GENERE SAXONVM EXTRACTVS, cui KAROLVS Calvus CO-
MITATVM ANDEGAVENSEM dederat in beneficium, tamquam VI-
RO FORTI contra Britones & Normannos pugnaturo, & Regnum
ex illâ parte defensuro. Et iste ROBERTVS à paganis Normannis fuit
occisus.*

Ex ms. Chronicum S. Benigni Ditionensis in Bertilone Abbat: *Super-
erant duo filii ROBERTI ANDEGAVORVM COMITIS, fratriis Hugonis
Abbatis: senior ODO dicebatur, Robertus alter patrem nomine referens.*

Anno 887. Membrana vetus Floriacensis ijsdem pænè verbis: *Supererant duo
filii ROBERTI ANDEGAVENSIS COMITIS, quem gladio Normanno-
rum superius corruisse diximus; senior ODO dicebatur, ROBERTVS al-
ter patrem nomine referens.*

Vides Dominice, Robertum Fortem antiquiori honore nuncupari Comitem, seu Marchionem Andegauensem, nusquam Madriacensem, aut Matricensem; quâ dignatione vsus fuisset, si à Madriaci aut Matricæ Comitibus prosapia duxisset. Ab eiusmodi enim locis & titulum quærebant nobilitati Magnates, & felici propagine honorem, ex Regum beneficio, transfundebant in nepotes. Atqui nec Robertus Fortis, nec vlli ab eo progeniti, illo Comitis Madriacensis aut Matricensis titulo usquam sunt usi; quippe qui ad ipsorum maiores nullo modo attinuerat.

Pag. 179. Quod addis, ex Annalibus Bertinianis indicari, Robertum Fortem, antequam Carolo Calvo militaret, in Aquitaniam domicilium statuisse;

statuisse; id nec absolute verum est, nec inde sequeretur, ipsum ex auitâ hereditate quidquam in illâ Prouincia possedisse. Licet enim Pipino Robertus contra Carolum Calum sociatus fuerit anno DCCC. LIX. vt ijdem Annales testantur; Pipinus iam ab anno DCCC. LXI. Carolo militauerat: qui Carolus postea anno DCCC. LXI. *Sequanam transiens, Meidunum super Ligerim adiit,* & ROBERTVM cum placitis honoribus recepit: hoc est, ducto pœnitudine Roberto honores restituit, quos ab anno DCCC. LXI. ipsi cesserat.

Allodium autem Castellionum in Bituricensi pago, quod Hugo Magnus, Roberti Fortis ex filio nepos, Cœnobio S. Martini Turenensis contulit *pro eleemosynd* ROBERTI Regis patris sui, ac genitricis sue BEATRICIS, audacter nimis affirmas ex Aganæ eius proauia^{Pag. 180.} hereditate prouenisse; cum ipse Hugo Magnus in chartâ disertè dicat, *se allodium illud EX MATERNA HEREDITATE iure* & legaliter possidere. Qui ergo priùs in chartâ matrem Beatricem nominauit, Aganam procul dubio, quæ ipsius proauia numquam fuit, non intellexit: aliter enim *ex auitâ hereditate* dixisset, non *ex materna*.

Denique si verum esset, Robertum Fortem à fictitijs Madriaci Comitibus lineâ masculinâ processisse, istorum nomina in eius stirpe continuata fuissent, vt Childebrandi, Nibelungi, Theodeberti: quæ cùm in toto Regum Franciæ Capetinorum stemmate non occurrant, indicio est, istos ab illis minime oriundos esse. Eodem arguimento usus est Theodorus Gothofredus contra Piespordium, qui In Geneal. Austriacorum Principum masculinam originem à Merouingis Rebus deduxerat.

Quemadmodum igitur in hoc falso Capeti stemmate gradus quartus Childebrandi ferruminari non potuit cum tertio Pipini; neque sextus Theodeberti cum quinto Nibelungi; sic iste octauus Roberti Fortis, genere Saxonis, agglutinari nequit cum septimo Roberti, genere Austrasij.

Ceterum ridicula est origo Saxonica Roberti Fortis, quam ita pa- rum sibi constans deriuat Dominicus, vt eius vestigandæ causâ, nunc *Heristallum* petat, Germaniæ Inferioris villam; nunc *Saxiacum*, Biturigum vicum; cùm tamen primarium Capeti genus à Narbonensibus obstinate deducat. Sed nec eiusmodi peregrinationes viro litterato inuidendas puto, quandoquidem domicilio genus immutari numquam audiuerim; nihilque adeò gemina hæc positio ad rem faciat.

Nec maius momentum habet ortus alter à Neustriæ tractu,

C 3 quem

AD VINDICIAS HISPANICAS

22

quem *Saxonicum* veteres dixerunt, cum Aimoinus Floriacensis, adducta Adreualdi auctoritate, aperte distinguat ROBERTVM Comitem Andegauensem, SAXONICI GENERIS VIRVM, à Rainulfo & Lamberto, praeminentissimis Neustriæ viris. Sed demus tricarum artifici non imperito, Robertum Fortem in eo Neustriæ tractu natum, qui à Saxonibus habebat nomen; certè quia ille disertis verbis nuncupatur *Saxonici GENERIS vir*, & de GENERE *Saxonum extractus*; sequeretur illum à Saxonibus piratis, qui littora illa infestauerant, in ijsque sedes fixerant, oriundum fuisse; non secùs ac Petrus Diaconus, qui natus in Angliâ parentibus genere Saxonibus & aduenis, qui regionem illam occupauerant, ab Eginartho dicitur *Saxonici generis homo*. hæc sunt eius verba de Carolo Magno: *Diaconum de Britannia*, SAXONICI GENERIS HOMINEM, rerum undecumque doctissimum, præceptorem habuit. Saxonius Poëta de illo eodem Caroli Magni magistro:

In Vitâ
Car. M.

Lib. 5.

*Hic etiam Leuita gradu, multumque peritus,
Ex ANGLIS veniens SAXO FVIT GENERE:
A quo præcipue studuit totam rationem
Et legem cursus discere syderei.*

Pag. 187.

Miræus
Diplom.
Belg. c. 91.

Verum enim vero docui pluribus, Robertum Fortem dictum fuisse *Saxonici generis virum*, quia ortu Germanus erat; quibus iam opponit vir exaditus; Cum adhuc Roberti tempestate nulli ex gente Saxonica Cæsares in Germaniâ imperarint, sequi, Germaniam nondum Saxoniam nuncupatam; ac proinde, Robertum non ex regione, que non nisi interieceret ferè saeculo tale nomen sortita est, *Saxonicum* dictum. Sed obserues velim, Dominice, Auctores, qui Robertum nuncuparunt *Saxonici generis virum*, ætatis suæ more locutos fuisse, quo *Germania* dicebatur *Saxonia*; eodem planè modo, quo Petrus Treuirensis & Adelbertus Andernacensis à te adducti, Arnoaldum Ansberti filium, & S. Arnulfi patrem, vocarunt *Ducem Lothoringie*, & *Ducem Lothreianæ*: quo modo etiam Robertus Atrebatus Comes *Godefridum Bullon.ium*, inferioris Lotharingiæ Ducem, vocavit *Ducem Brabantia*. Ut enim *Austrasia* nomenclationi successit *Lothariana*, sic isti *Brabantina*.

G R A D V S I X.

R O B E R T V S I . R E X .

Gesta
Norman.
Gémetic.
Membra-
na Floriac.

ISTE non aliâ specie inuasit Regnum, quam quod pars regiminis, quam germanus eius ODO tenuerat, ipsi non redderetur. Quâ autem forte obtinuerit sceptrum ODO, hîc explicare placet. Otho Frisianensis:

gensis: Occidentales Franci, Principibus amissis [Ludouico III. & Car- Lib. 6. c. 8.
lomanno Regibus] K A R O L V M Imperatorem [Crassum,] qui tunc
SOLVS ex stirpe Karolorum superesse videbatur, ultrò inuitant, eique
venienti subiiciuntur. Addit Guido Basochius: Imperatori p̄dicto Re- Anno
gn̄um puerumque committunt: nempe Carolum Simplicem. Sed Cras- 885.
tus Imperator tutelam Catoli pueri posteā commisit ODONI, qui à
Francis Rex tandem electus est, non quòd esset ortus è Maiorum
Domus genere, à quo omnino alienus erat; sed ratione habitâ virtu-
tis eius militaris, & ob metum Normannorum, qui Regnum depo-
pulabantur. Witikindus Saxo: Quidam ex Orientalibus Francis adiens Hallianus
[Carolum Crassum] nomine ODO, VIR FORTIS & prudens, egit lib. 5. in
consilio suo, vt cum Danis benè pugnaretur, vñaque die ex eis centum Odone.
millia caderentur. Abbo de Bellis Parisiacæ Vrbis: Lib. 1.
FORTIS ODO inumeros tutudit.

Regino & Annales Metenses: Interea Galliarum populi in unum con- Anno
gregati, cum consensu Arnulphi ODONEM Ducem, filium Rodberti,
VIRVM STRENVM, cui p̄ ceteris formæ pulchritudo, & proceritas
corporis, & VIRIVM sapientiæque MAGNITVDO inerat, Regem super se
pari consilio & voluntate creant.

Guido Basochius clare: Carolus Imperator [Crassus] leuis, animoque remissus, cum ad gubernandum Regnum, simulque Imperium, se non suffi- Anno co-
cere metiretur, tutelam pueri, videlicet KAROLI Simplicis, cum Regni dem.
procuratōne committit ODONI, filio ROBERTI Andegauensem Comi-
tis, QVIA VIRTUTE MILITARI p̄fāre ceteris Regni Principibus, morum & corporis elegantia wideretur. Otho Frisingensis: Occidentales Lib. 6. c. 2.
Franci ODONEM, Roberti filium, VIRVM FORTEM, consensu Arnulphi & 10.
Regis Regem creant. Eamdem ob causam Roberto, Odonis parenti, Albericus
tamquam viro forti, Ducatum inter Ligerim & Sequanam, hoc est, anno 988.
supremam exercitus p̄fecturam, vna cum Andium Comitatu, Ca-
rolus Calvus Rex donauerat. Subiungit Albericus: Normanni fugati
à ciuitate Parisius, Senonas venerunt; QVORVM TIMORE Waltherus
Senonensis Archiepiscopus unxit ODONEM in Regem. De iniustâ idcir- Apud
cò Odonis externi dominatione Fulco Rhemensis, Regibus Carlo- Flod. lib. 4.
vingis sanguine iunctus, questus est epistolâ ad Arnulphum Impe- cap. 5.
ratorem, in qua Odonem vocat hominem ab regia stirpe alienum, & regali tyrranicè abutentem potestate. Illam autem alienam Odonis origi-
nem aperit Auctor Chronicus S. Victoris Parisiensis; vbi scribit, Ro-
bertum Fortem & eius filium ODONEM fuisse genere Saxones. Vnde
rectè infertur, illos a S. Arnulpho Metensi minime oriundos fuisse;
neque consequenter ROBERTVM Odonis fratrem, cuius ori sacrilego Contin.
CARO- Regin. anno 922.

AD VINDICIAS HISPANICAS

24
Tom. 1.
& 2.
CAROLVS [Simplex, Rex legitimus] ita lanceam infixit, ut diffusa
lingua cervicis posteriora penetraret. Sed præterea vtrique fratri vester
Scipio Dupleix colores istos appinxit: Odonem coronæ usurpatorem,
eiusque dominatum nuncupat tyrannidem: Robertum vero tyran-
num vocat, & coronæ pariter usurpatorem: additque, huius originem, si
Gallica fuisse, à Glabro, qui Gallus & ipse erat, haud difficulter explica-
tam fuisse.

G R A D V S X.

HVG O MAGNVS, DVX FRANCORVM.

• Lib. 1. c. 2. **E**I V. S D E M cum Maioribus Saxonici sanguinis fuit hic Hu-
go, in cuius manu cùm esset ad solium Regium quem vellet
euehere, Rodulphum, Richardi Burgundionum Ducis filium, vxo-
ris suæ fratrem, à Caroli Magni genere masculino prorsus alienum,
Regni Franciæ moderandis habenis admouit. Qui Rodulphus, in-
quit Glaber, *carens omni prole, solus* SVI GENERIS Regni culmine po-
titus, obiit. Idque ita palam est, vt si posteros habuisset ad hæc vs-
que tempora superstites, qui nunc è Capeti stirpe rerum potiuntur
Reges, non secùs ac olim Robertus Fortis & Hugo Magnus, priua-
tam vitam agerent, Rodulphinorum clientes.

G R A D V S XI.

HVG O C A P E T V S R E X.

• Lib. 8.
Ration.
cap. 14.
Pag. 160. **A**S SERVI ex fide dignis Francorum Scriptoribus, Ludoui-
co V. Rege sine prole è viuis sublato, & patruo eius Carolo
Duce in carcerem coniecto, Regnum Franciæ Occidentalis usurpa-
tum fuisse ab Hugone Capeto, qui à genere masculino Caroli Ma-
gni prorsus alienus & extraneus erat. Id quod Dionysius Petaius,
vir doctrinæ Orbi notæ, quem *sua societas decus eximium Dominicus*
merito nuncupat, ante me sic affirmauerat: *Nihil cum Caroli*
stemmate commune Capetus habuit. Sed respondet iterato Dominicus,
se non inficiari, diuersum fuisse & à Carolo Magno alienum Capeti genus,
quia non ex eādem linea Maiorum Domus originem traxerat, et si ex uno
eodemque communi stipite prodibat; sub unā gente omnes lineas ac stem-
mata contineri; ex unā B. Arnulphi fuisse Carolum Magnum & Hugo-
nem Capetum, variisque ex eā prodijisse familias, ex quibus licet una de-
ficerit, non ideo consequens esse aliam defecisse.

Ad

Ad quæ dico, Scriptores Francos latiori *gentis* vocabulo vsos non esse, sed *generis*; Glosiæ meæ vett. ms. *Genus, origo*. Est enim genus propriè principium *vniuscuiusque generationis*, *vnde* decumque ortus sui initium quis duxerit; comprehenditque plures familiæ & stirpes; *vnde* Tranquillus in Galbâ: *Imaginiæ vniuersi GENERIS exequi longum est, FAMILIÆ breuiter attingam*. Ita quoque Auctoꝝ Genealogiæ S. Arnulphi Metensis meminit Henrici, qui DE GENERE SAXONVM primus fuit Imperator. Erant enim plures Principum familiæ in Saxoniâ. Sic etiam Fredegarius recenset & distinguit Dagoberti Regis Duces; *Ariardum ex genere Francorum; Ramelenum ex genere Romanorum; Willibaldum patritium ex genere Burgundionum; Aginonem ex genere Saxonum*. Eodem sensu Nangius Ludouicum V: Regem vocat *ultimo DE GENERE Caroli Magni*. Huic autem ultimo Regi successit Hugo Capetus, de quo sic Auctores loquuntur. Aimoinus Floriacensis: *Patruus eius [Ludouici V. Regis] KAROLVS conabatur, si posset, à SVI GENERIS auctoribus diu possessum sibi vindicare Imperium; sed eius voluntas nullum sortitur effectum: nam Franci Primates eo relicto, ad HVGONEM, qui Ducatum Franciæ strenue tunc gubernabat, Magni illius Hugonis filium, se conferentes, eum Nouionmo solio sublimant Regio*. Ioannes Iperius: *Hugo CAPET, more patrum suorum odio matutus antiquo, GENVS CAROLI MAGNI cupiens eradere de Regno Francorum, contra Regem Carolum, necdum tamen coronatum, rebellauit*. Continuator Willelmi Calculi: *Hugo, ADNULLATO GENERE Caroli Magni, unctus est in Regem super Francos*. Adnullato, id est, regia dignitate exuto, & ad priuatum vitæ institutum redacto. Cum enim sceptrum usurpauit Capetus, supererant ex regio genere Carolus Dux, Otho filius eius, & alij duo intra carcere rem nati: vti cum Pipinus ad regnandum electus est à Francis, adhuc viuebat Childericus.

Atque hinc est, quòd alij Scriptores translationem sceptri à Ludouico V. Rege in Capetum factam exprimant de regio genere in aliud nouum & externum genus. Girardus Hallianus in Hugone Capeto: *Ita Regnum Franciæ à stirpe Caroli Magni distractum, & in NOVVM GENVS translatum fuit: ideo nouum, quia Reges ex illo primum prodibant*.

Guibertus Abbas de Anselino Episcopo: *Dominum suum REGEM [Carolum Ludouici V. patrui] prodidit, & in EXTERNVM GENVS cursum genealogiæ transfulit*. Externum genus & extraneum genus vocatur, quasi exterraneum, id est, ex terra & gente externâ: quo sensu Gaio IC. *extraneus heres dicitur, qui nullo propinquitatis gradu testatori*

In Chron.
Childebr.
cap. 78.

Lib. 3. de
Mirac.
S. Bened.
cap. 1.

Lib. 6.

Lib. 2.
Institut.
tit. 3.

26 AD VINDICIAS HISPANICAS

testatori iungitur, sed cum pro arbitrio suo heredem scribit. Verum plenius satisfaciet multiplex exemplum ex Vate summo.

Latino Regi filia erat Lauinia, quae procum habebat Turnum Rutulorum Regem: sed Faunus, Latini pater, nuptias inhibuit hocce oraculo:

Vitgil.
7. Æn.
v.96.

*Ne pete connubiis natam sociare Latinis,
O mea progenies, thalamis neu crede paratis:
EXTERNI venient GENERI, qui SANGVINE nostrum
Nomen in astra ferant.*

Amata interim, Lauiniæ mater, vt Turno Regi faueret, illum Latino externum esse suadere nititur; quia ab eius Regno & potestate disiunctus erat, quamvis in Italiâ natus. hæc fuit eius oratio:

Vers. 367.

*Si gener EXTERNA petitur de GENTE Latinis,
Idque sedet, Faunique petunt te iussa parentis;
Omnem equidem sceptris TERRAM, quæ libera nostris
Dissidet, EXTERNAM reor, & sic dicere Diuos.*

Cum autem hac ratione Latinus non moueretur, & Æneæ Troiano filiam collocare statuisset; prodiit ex inferis Alecto, quæ vt Troianos inter & Latinos bellum excitaret, Turnum sic accendit:

Vers. 421.

*Turne tot incassum fusos patiere labores?
Et tua Dardanis transferri scepta colonis?
Rex tibi coniugium & quæstas sanguine dotes
Abnegat, EXTERNVS que in Regnum queritur HERES.*

Ex quibus perspicue datur intelligi, quid sit *externum genus, gens externa, & externus heres.*

Itaque Guido Basochius appositi de Capeto: *Dux HVGO Karoli Magni sobolem extirpauit à Regni solio, quod sibi svoqve GENERI confirmavit: peregrino scilicet & externo, vt antè Guibertus.*

Ex m.s.
Bibliot.
Regia.

Quodnam autem fuerit illud nouum & externum Capeti genus, sic explicat Auctor Vitæ Ludouici VIII. Regis: *Hugone Capucio, Comite Parisensi, & Duce Francorum, Regnum inuadente, translatum est de genealogia Carolorum in progeniem Comitum Parisiensium, qui DE GENERE SAXONVM processerant.* Vnde Aimoinus Floricensis, Iuo Carnotensis, Calculus, Albericus, & alij, Robertum Fortem, Hugonis Capeti proauum, disertè vocant *virum Saxonici generis.* Quin & Willelmus Nangius de Hugone Capeto Gallicè sic loquitur: *L'an de l'incarnation nostre Seigneur C M. LXXXVIII. comença le Roy HVE, dit Capet, à regner, filz à HVE le Grand, Comte de Paris, & de HA VOIS, sœur au premier Othon Empereur de Romme. Icelluy HVE Capet Roy de France regna neuf ans; ne n'estoit point du droit lignage,*

lignage, mais il estoit DV LIGNAIGE DE SAISONNE. Hoc est, Non erat ex iusto Carolorum genere, sed DE GENERE SAXONVM EXTRACTVS, vt loquitur Albericus; qui rursus hic audiendus est ad annum DCCL: Hic igitur annus PIPINI Principis nonus, fuit decimus Regni HILDRICI, VLTIMI Francorum REGIS de PROSAPIA Clodouxi. Atqui deposito Childerico, tradit Egolismensis, defecisse totum GENVS REGALE. Vnde quoque, vbi legitur apud Rigordum, & in veteri membranâ Floriacensi; LVDOVICVM V. fuisse huius PROSAPIAE REGALIS Regem vltimum: idem est ac si diceretur, TOTVM GENVS REGALE in eo defecisse.

Audiendus etiam Auctor Vitæ S. Genulfi de Pipino Breui: *Post Lib. 2. c. 5 depositionem HILDERICI, totius militiae voto, tñà cum auctoritate ZACHARIAE Papæ, PRIMVS EX SVA LINEA in Regno Francorum Rex sublimatus est. Tum inferius, post narrataim mortem Ludouici V. Regis, de genere Pipinorum postremi: Ita Francorum SECUNDA DEFI- Cap. 25. CIENTE LINEA, Regnum IN TERTIAM est translatum: in quâ quidem primus extitit ROBERTVS, qui à KAROLO Minore interfectus est. Lineam vbique usurpat pro Genere, quod consensu omnium triplex fuit. Ut ergo Pipini genus absque controvrsiâ aliud fuit à genere Childerici, Merouingorum Regis vltimi; sic etiam, ex huius Auctoris mente, Roberti genus à Pipini genere diuersum planè fuit.*

Ad extremum, Auctor Historiæ Vizeliacensis Monasterij de Ludouico VII. Rege in hunc modum verba facit: *Hic est LVDOVICVS Rex, filius Ludouici, qui cognominatus est Grossus, filij Philippi, filij Henrici, filij Roberti, filij HVGONIS CAPITONIS, qui primus Rex extitit post DEFECTVM GENEALOGIAE KAROLI, quæ per ducentos ferme annos regnauit. Genealogia est commentarius, qui ab ipso Genealogâ per omnes gradus eorumque propagines totum genus describit. Vbi ergo Scriptor ille ait, defecisse Caroli genealogiam, significat haud dubie, omnes Carolinæ arboris ramos surculosque prorsus desisse.*

Non igitur serie masculinâ ortus est HVGO CAPETVS ex eodem, quo Carolus Magnus, Maiorum Domus stipite; sed ab illo plane alienus, & ~~Æwino~~ fuit: vt verè dixerit Papirus Massonus, Anna- Lib. 3. lium Francicorum Scriptor, *Regium honorem IN EXTRANEI FAMILIAM fuisse illatum: inconsulte autem Boucheto ac Dominico subscripserint Sanmarthani fratres in postremâ Operis sui editione, vbi Anni 1647. perperam affirmant, secundam ac tertiam Regum prosapiam ex unius eiusdem masculino gentis oriri caudice. Quod commentum ut ignauis mentibus fortius infigant, perturbate profitentur, illud absque mai-*

D 2 statis

In Epist.
ad Regem.

Seneca.
Epist. 79. *statis minutæ noxā negari non posse: ac si homini cum libertate genito non liceret sine crimine historicam veritatem, quæ in omnem partem sui semper eadem est, sedulo scrutari, ac penitus repertam firmiter & cum laude amplecti.*

Fabula noui Stemmatis Capetini ob oculos positæ.

GENVS MAIORVM DOMVS.

1. B. ARNVLFVS Dux, deinde Metensis Episcopus,

2. ANSIGISVS Dux.

3. PIPINVS Dux & Maior Domus.

GENVS INCERTVM.

4. CHILDEBRANDVS Dux & Comes.

5. NIBELVNGVS Vilcassini Comes in Neustriâ.

GENVS ARDENNENSE.

6. THIETBERTVS Comes Matricensis in Austrasiâ.

7. ROBERTVS Comes, Maior Palatij Pipini
Regis Aquitaniæ.

GENVS SAXONICVM.

8. ROBERTVS FORTIS, Andegauensis Comes.

9. ROBERTVS Dux Franciæ, posteà Rex.

10. HYGO MAGNVS, Dux Franciæ.

11. HYGO CAPETVS Rex Franciæ.

Dan. 2.

Hoc est Boucheti (quem Dominicus *virum sagacem & diligentissimum Scriptorem* vocat) contextum fabulis somnium; stemma scilicet monstro simile, ex quadruplici diuersoque Principum genere coagmentatum; cuius destructio æquè facilis visa, ac sublimis statuæ Babylonij Regis, quam ex multiplici conflatam materia lapis ex rupe deuolutus percussit & contriuit. Licet ergo tritum Tragici vaticinium, quod inani fastu Dominicus attulit, hunc in modum immutare:

— Venient annis
Sæcula seris, quibus Oedipodes
STEMMATA REGVM soluat, & INGENS
Pateat MONSTRVM; Sphingisque nouos
Detegat astus: nec sit Terris
Ultima CALPE.

LAM-

L A M P A S I I.

Madriacensis pagus in Neustria non fuit per se Comitatus, sed pars Diœcesis & Comitatus Ebroicensis.

PAGOS διπολης πηγων dictos, hoc est, à fontibus, quod eadem aqua vterentur, auctor est Festus: ita ut pagus olim esset tractus alicuius fontis aut fluminis, in quo villæ, quæ pagum componebant, condi consueuerant. In Franco-
rum Historijs, inquit Marquardus Freherus, perpetuò obseruare licet, quoties loci alicuius situm exprimere volebant, describere solitos, in quo PAGO, & ad quem FLVVIVM is situs esset; & PAGVS ipse, IN QVO COMITATV: cùm quidem tunc Francorum Regnum in Comitatus diuisum esset: qui COMITES regio nomine ius PER PAGOS dicebant; & ipsi in burgo aliquo, id est in oppido arcem impositam habente, residentes, in quo MALLVS PVBLICVS, id est, auditorium & tribunal esset. Vnde COMES & PAGENSES SVI sunt relativa; vt subinde in Francorum legibus Carolinis videmus. Et PAGENSES inter se eiusdem PAGI homines.

Freheri sententiam de pagorum ad fluuios situ firmant hæ veteres chartæ.

Prima DROGONIS, Mediomaticæ urbis Archiepiscopi, quâ Ex Char-
donat Monasterio Gorziensi mansos duos in PAGO Wabrinse, in tulario
loco qui vocatur Bibonis monte, super FLVVIVM Orna: item, mansum Gorziensi.
vnum in PAGO Salninse, in VILLA Arnoldi, super FLVVIVM Magide.
Data est charta anno ab incarn. Domini DCCC. XLI. indict. XIV.
ep. xv. conc. III. anno XII. Regni Lotharij.

II. quâ Leuthardis Deo sacrata & filius suus Thilhardus dederunt ad partem Ecclesie S. Protomartyris Stephani, quæ est infra murum Mettis constrœta, in PAGO Scarponinse, in COMITATV Berneri, in VILLA Hodingas, super FLVVIVM Alsoncia, mansum indominicatum, &c. Facta precaria anno VI. adeptiois Regni LUDOVICI glorioſissimi Regis.

III. RICHILDIS quondam Reginæ, quâ donat in PAGO Scarponinse, super FLVVIVM Mosellam, in Wasatico nuncupato VILLA, mansos & sortes quinque. Actum Mettis publicè anno ab incarn. Dom. DCCCC.X. indict. XIII. ep. VII. conc. VII. anno XI. LUDOVICI Regis.

IV. CAROLI Simplicis pro Monasterio S. Germani: Donauimus, Apud Ai-
& subiecimus illam Abbatiam [Crucis S. Audoëni] cuius caput est in moin. I. s.
MADRIACENSI PAGO, super FLVVIVM Auturæ, sancto Germa- cap. 42.
no, &c. Datum II. Idus Mart. anno XXVI. regnante CAROLO Rege.

D 3 Com-

AD VINDICIAS HISPANICAS

30

Complures aliæ occurunt in Ecclesiarum tabularijs, quibus consentit vetus apud Marculfum formula de donatione ad Monasterium: *Venerabili in Christo Patri N. Abbatii de Monasterio sancti N. quod est in PAGO N. super FLUVIUM N. constructum.*

Cæsar
Comm. 1. Pagorum porro alij erant maiores, qui Provincias integras constituebant, ut illi quatuor, in quos tota Heluetiorum Regio diuisa erat, & in quibus non pagatim habitabant, sed oppidatim. Alij minores, qui plures erant in unaquaque Diœcesi, ut obseruauit doctissimus Sirmondus; ad cuius mentem Ioannes Vossius: *Pagus non semper est vicus, sed etiam PROVINCIA TOTA, vel EIVS PARS, uti oppidum cum territorio: unde PAGENSES, qui eiusdem sunt Provinciae seu Diœceseos.*

In Notis
ad cap. Madriacensem pagum ex minorum numero fuisse, colligitur primò; quòd angustis contineretur limitibus, ab Oriente clausus Ebroicensi, ab Occidente Vilcassino & Pissiacensi: deinde quòd pars esset Diœcesis seu Comitatus Ebroicensis. In pago enim Madriacensi situm fuisse Monasterium S. Leufredi (quod ab ipso Ebroicorum capite Mediolano duobus circiter millibus abest) docet Vita S. Leufredi; nec non & charta Caroli Simplicis, quam adfert Aimoinus. Et *S. Leufredus*, qui ab Vsuardo ponitur in pago Madriacensi; à Petro de Natalibus, & à Cæsare Baronio collocatur in pago Ebroicensi. Sed ab Andreâ Saussayo rectius *Madriacensis pagus* ponitur in Diœcesi Ebroicensi: quod idem est ac in Ebroicensi Provincia, siue Comitatu. Ecclesiasticam quippe iurisdictionem à laicâ normâ accepisse satis constat. Siquidem Archiepiscopus, vti Dux, multis præcerat ciuitatibus & pagis. Gregorius Turonensis: *Wintrio Dux à PAGENSIBVS SVIS depulsus, Ducatu caruit, finissetque vitam, nisi fuga auxilium præbuisset.* Episcopus autem, vti Comes, vni tantum præpositus erat ciuitati, cuius territorium pagis constabat, & isti villis: vnde in capitulis Caroli & Ludouici Impp. hæc habetur lex: *Vassallos suos casatos secum non retineat, sed cum COMITE, cuius PAGENSES sunt, ire permittat.* Et apud Gregorium iam laudatum: *Episcopus cum clericis & PAGENSIBVS urbis sue similia sacramenta dedit.* Atque ob illam Episcopi & Comitis in territorio paritatem, à secundæ stirpis Francorum Regibus sancitum est; *vt EPISCOPI & COMITES concordes sint;* & COMITES, eorumque ministri, EPISCOPIS atque eorum ministris in omnibus adiutores sint. Similiter Imperator Carolus in legge Longobardorum: *Volumus vt EPISCOPI & COMITES concordiam & dilectionem inter se habeant; vt EPISCOPVS svo COMITI, ubi ei necessitas poposcerit, adiutor & exhortator existat, qualiter suum mini-*

Cap. 10.

21. Junij.

In Martyr.

Lib. 8.

Lib. 3.

cap. 73.

Lib. 10.

cap. 9.

Capit.

add. 4.

tit. 24.

Tit. 54.

cap. 1.

LAMPADES HISTORICÆ.

31

*ministerium explere posset. Sed & ex Marculfi formulâ clarè colligitur, Comitem pluribus præfectum fuisse pagis, vribus, vicens, castellis; sic enim habet: Ille Rex COMITI N. dum & nos, vna cum consensu Form. 39 Procerum nostrorum, in Regno nostro N. glorioſo filio nostro N. regnare præcipimus; ideo iubemus, ut OMNES PAGENSES vestros, tam Francos quam Romanos, vel reliquias nationes, * BANNIRE, & locis congruis per CIVITATES, VICOS & CASTELLA congregare faciatis.*

* Id est,
edicto con-
nocare,

Quæ cùm ita sint, manifestum est, pagum Madriacensem, arctis terminatum limitibus, non fuisse Comitatum per se, sed maioris territorij portionem, quæ cum alijs pagis Comitatum & Diœcesim Ebroicensem componebat. Hic autem censoriâ notâ inurendus Aſſertoris Gallici Geographicus error, vbi Abbatiam Crucis S. Leufredi Pag. 19. ponit in Diœcesi Eboracenſi, quæ Albionis Insulæ pars est, vulgo Yorck; confunditque cum Ebroicensi, quæ in Normanniâ est Eureux: quâ eadem oscitantiâ stemmatiſ suis aliena capita permisſuit, & fictiios Madriaci Comites in Neustriâ perperam collocauit.

Adde, quod in monumentis, quæ Genealogista nouus edidit, nulla fit mentio Comitis vel Comitatus Madriacensis; sed *pagi Madriacensis* dumtaxat, & *Potestatis Madriacæ*, seu *Matriacæ*; quæ significatur iurisdictio, quam in Madriacensi pago exercebat Vicarius Comitis Ebroicorum. Comes enim Prouincialis in primario sui Comitatus pago suum habebat Procomitem; qualis erat *Florus* ille, qui sub Theodoberto I. Rege VICECOMES erat in *Andegauensi* pago. In alijs autem minoribus satrapiæ suæ pagis Comes Vicarios habebat & Centenarios, qui eius vicem getebant; ut *Animodus* Vicarius pagum quemdam iudicariâ regebat POTESTATE sub Turonicæ urbis Comite. Vnde Potestaria erat Potestas vicaria. Petrus de Vineis: *Iurisdictionis tuæ VICARIAS* seu *POTESTARIAS* habentes, & *salaria singulorum*, qui, quot, & quales sint, & in quibus VICARIIS, POTESTARIIS, & Castellanijs, sub quibus salarijs vel expensis Officiales hactenus existiterint. Illi porro Madriacæ potestati seu Madriacensi Neustriæ pago nomen inditum existimo a copioso madramine, seu materiamine, hoc est, aptâ ædificijs & pergulis materia, quam *sylua Equilina*, seu verius *Esculina*, Pagensibus præbebat. *Madramen* Latinis est *materia*, Hispanis *madera*, Gallis *marrein*. Leges Bajoariæ: *Si quis alicuius materiam in sylua aut propter inimicitias vel inuidiam truncauerit, vel laſerit, &c.* Leges Salicæ: *Si quis in sylua alterius MATERIAMEN furatus fuerit, &c.* Leges Ripuariæ: *Si quis Ripuarus in sylua communi, seu Regis, vel alicuius locata, MATERIAMEN vel ligna fissa abstulerit, &c.* Chrodegangus denique Metensis Episcopus in chartâ anni DCC. XL. pro

Faustus
in Vitâ
S: Mauri.

Capitul.
I. 2. c. 28.

Turon.
I. 10. c. 5.

Lib. 3.

Ep. 63.

Tit. 11.
cap. 7.

Tit. 8. §. 4.

Tit. 76.

Mona-

32 AD VINDICIAS HISPANICAS
Monasterio Gorziensi: *Donamus ad nouum Sartum medietatem de illâ syluâ, ubi illi Fratres, vel illorum homines, MADRAMEN possint facere.*

Sed adducit Eginarthum vir eruditus, qui meminit Thietberti Comitis Matricensis; quem contendit eumdem fuisse cum fictitio Madriacensi Comite Theodeberto. Atqui iam ostendi, Thietberti Matricam in Austrasiâ sitam fuisse, multis parasangis à Madriaco in Neustriâ distantem; quod nouis eo firmatum argumentis.

L A M P A S III.

*Rursus expenduntur Eginarthi verba de Thietberto
Matricensi Comite, & eius filia nuptijs in
Arduennâ celebratis.*

Ad an.
822.



AEC sunt Eginarthi Scriptoris synchroni verba de Ludouico Pio: *Peraetô conuentu, qui ATTINIACI habebatur, Imperator venandi gratiâ ARDVENNAM petijt: LOTHARIVM verò filium suum in Italiam misit; PIPINVM autem in Aquitaniam ire præcepit: eum tamen PRIVS filiam THIETBERTI COMITIS MATRICENSIS in coniugium fecit accipere; & POST NUPTIAS CELEBRATAS, ad OCCIDVAS REGIONES profici. Quæ omnia quid velint, tametsi satis iam antè docuerim, iterum tamen ad maiorem lucem atque ad incudem reuocabo.*

Attiniacus palatum erat regium in parochiâ seu Episcopatu Remensi, teste Hincmaro apud Flodoardum: notus hodie locus ad Axonam fluuium, multis olim synodis & placitis Regum illustris: eius meminit Saxonicus Poëta, vbi de Widokindo & Abbone, Saxoniæ Maioribus, qui Carolo Magno se dediderant:

Lib. 2.
an. 785.

properarunt protinus AMBO

Ad Regem, iam tunc fuerat qui fortè reuersus

Ad VILLAM PROPRIAM, quæ dicitur ATTINIACVS:

Hic ijdem Proceres sacri baptismatis vndâ

Perfusi, tandem Regi mansere fideles.

Eo loci conuentum habuit Ludouicus Pius anno DCCC.XXII. mensse Augusto; quo absolute, Arduennam petijt, syluam (Iulio Cæsari) totius Gallæ maximam, quæ à ripis Rheni, finibusque Treuirorum, ad Nervios usque & ad initium Remorum pertinebat: hoc est, à Reno fluamine vique ad Mosam & Scaldim. Fredegarius de Dagoberto Rege: *Cum exercitu de Regno Austrasiorum, de METTIS urbe promouens, transito ARDENNA, Magontiam magno cum exercitu adgreditur, dispa-*

nens

LAMPADES HISTORICÆ.

33

nens Rhenum transire. Eginarthus de Ludouico Pio: *Aquas grani re-* Ad an.
uersus est, & post paucos dies per ARDVENNAM iter faciens, TREVE-
ROS & Metis venit. Vbi ergo à Remis & Attiniaco Mosam flu-
uim traiecit, & Arduennam petijt Ludouicus Pius, ab occiduâ
Franciâ ad ortuam progressus est.

Ille porro ingens & syluosus Arduennæ tractus plures complectebatur Comitatus, & inter illos Arduennensem Prouinciam, cuius hæc habetur mentio circa annum c.m. in Miraculis S. Huberti: *Comitatum Arduennensem agebat THEODORICVS, cuius frater ALE-* Num 170.
RANNVS partes equabat eiusdem Comitatus: ille autem pluribus con-
stabat pagis: vnde litteræ Epternacensium anni m. c. XCII. ad
Henricum IV. Imperatorem sic incipiunt: Non moueat dignitatem
Maiestatis vestre, Clementissime Domine, quod discretioni Serenitatis ve-
stre scribere presumimus, licet parum vobis adhuc cogniti, ut pote in arduis
ARDENNAE finibus depositi. Epternacum tamen in Bedensi pago
situm erat, non in Ardennensi.

Itaque Ludouicum Pium iam habemus in Orientali Franciâ ci-
 tra Rhenum; videamus quid ibi egerit: *Lotharium vero filium suum in Italiam misit; Pipinum autem in Aquitaniam ire præcepit.* Aderant Imperatori duo filii eius; Ludouico mandauit vt iret in Italiam, Pi-
 pinus in Aquitaniam; sed huic adhibitâ conditione & morâ, quam sic
 exprimit Scriptor: *Eum tamen PRIVS filiam THIETBERTI Comitis Matricensis in coniugium fecit accipere.* Consentit Auctor Vitæ Ludo-
 uici Pij: *Pipinum autem filium cum in Aquitaniam mittere statuisset,* Ad an.
PRIVS illi coniugem filiam THEOTBERTI Comitis iunxit: hoc est, 822.
reuerâ copulauit. Vnde Annales Fuldenses: *HLotarius in Italiam; Pipi-*
nus frater eius & ipse, vxore duxta, in Aquitaniam missus est.

Eginar-
thus in
Ann.

Iam quod attinet ad locum, vbi nuptiæ Pipini cum INGELTRV-
 DE, Thietberti Comitis Matricensis filiâ, celebratæ sunt; dixi apud
Theodonis villam; quo loci immorari solebat Imperator, cum subsi-
 steret in Arduennâ. Id porro firmat celebris conuentus inibi habi-
 tus eodem anno DCCC. XXII. de quo sic Albericus: *Tempore Herri Treuirensis, Ebonis Remensis, Haistolphi Maguntinensis, Concilium fuit apud Theodonis villam.* Vbi nempe Imperator præsens aderat; vt in
 alio præcedenti anno ibidem celebrato, cuius meminit Eginarthus;
 in quo Lotharij nuptiæ cum Irmgardie Alsaticâ celebratæ sunt.
 Qui autem ab Alberico dicitur *Herrius Treuirensis*, à Brouero nun-
 cupatur *Amalherius*, qui Vazzoni successit anno DCCC. X. excessit-
 que è viuis anno DCCC. XXXII. *Haistulphus Moguntinensis Episcopa-*
 tum incepit anno DCCC. XIV. rexit ad annum usque DCCC. XXVI.

In Annal.
Treuir.Serarius in
Mogun-
tiaco.

Ebo

AD VINDICIAS HISPANICAS

34

Coluener.
in Catal.
Episc.
Rem.

Ebo ordinatus est Remensis anno DCCC. XXII. qui certus est character illius conuentus habiti apud Theodonis villam anno eodem, quo Pipinus ibidem matrimonio illigatus est.

Palatium autem illud Theodonis Regum frequentia in primis clarum erat. In Annalibus Fuldensibus dicitur *Theoden houe*; quod Flandricè sonat *Theodonis hortum*. Sed antiqui Germani *houe* dicebant, pro eo quod nunc *hoeff* id est *villa rustica*, seu *predium*; & in chartis antiquis *hoba*, seu *huba*. Vnde alij reddentes Latinè *Theoden houe*, dixerunt *Theodonis villam*, non *Theodonis hortum*.

Pag. 171.

Subiungit iam dictis Eginarthus: *ET POST Nuptias CELEBRATAS, ad occidas regiones proficisci.* Vnde colligitur, itineri ad occidas Galliae partes non se commisisse Pipinum, antequam in ortu ex patris, qui præsens aderat, mandato uxorem sibi copulasset. Ex quibus manifestum est, à Dominico perperam affirmari, Pipini nuptias Atriniaci in occiduâ Franciâ celebratas, antequam Ludouicus Pius in Arduennam se conferret; cum id in ortuâ ultra Mosam factum constet ex verbis Eginarthi & aliorum recte intellectis. Mihi equidem credi nolo, sed antiquis Auctoribus.

L A M P A S I V.

*In Austrasiâ stabilitur Thietberti Comitis Matrica,
qua fuit Romanum opus, & specula tutandi
ad Mosellam limitis.*

In Anti-
quit. Ma-
tiscon.
Lib. 4.
cap. 110.
Lib. 8.
cap. 20.



ETRVS San-Iulianus Teutbertum Comitem Matricensem, qui filiam suam Pipino Regi Aquitaniæ in uxorem dederat, interpretatur *Matisconensem*, quia in Aimoino quodam ms. legerat *Matticensis* pro *Matricensis*. Et certè *Matisconem* Cæsaris ad Ararim sitam Gregorius Turonensis vocat *urbem Maticensem*; & in Notitiâ Prouinciarum & Ciuitatum Galliæ, ex veteri membranâ Alexandri Petauij legitur *Castrum Maticense* pro *Matisconense*. Sed quia in alijs omnibus Aimoini Codicibus, in Eginarcho, Conrado Vrspergensi, Annalibus Metensibus & Bertinianis constanter legitur *Matricensis*; non est quod *Matricam*, vel *Matricum*, in Matiscone ad Ararim inuestigemus. Quinimò si San-Iuliani lectio illa sincera esset, posset quis suspicati, *Matticensem* Thietberti Comitatum fuisse *Mettingowensem*, in quo situ olim erat Luxemburgum: circa quod oppidum supersunt vestigia nominis *Matticensis* in loco *Mettendal*, duobus inde paruis milliaribus; & in alio *Metzich*,

Metzich, æqualis à Luxemburgo distantiæ, vbi Romana monumēta effodiuntur.

Vero similius Sanmarthani, Fauchetus, & Dupleixius, propterea quòd ex Eginartho clarè colligeretur, Matricensem Comitatum in Austrasiâ situm fuisse, pro *Matricensi* verterunt *Metensem*; ac si *Mediomatricenses* per aphæresim dicti essent *Matricenses*. Figura certè illa passim & olim obtinuit, quam tamen Prænestini præcipue peculiari vitio usurparunt, vt notare est in Plauto:

Rabonem habeto, mecum vt hanc noctem sies.

Trucul.
act. 3. sc. 2.

Perij, RABONEM? quam esse dicam hanc belluam?

Quin tu ARRABONEM dicas? AR. Facito lucri;

Vt Prænestinis CONIA pro CICONIA est.

Notant alij, hoc exemplo *Syriam* pro *Affyriâ* dici, *Spaniam* pro *Hispaniâ*, *Spalense* pro *Hispalensi*: vt vero simile sit potuisse scribi *Matricensis* pro *Mediomatricensis*; sicuti licentiâ eadem *Mediomatricos* populos Hadrianus Lunius vocavit *Matricos*, & Blondus Flavius *Matricores*. Verum quia vetustiorum non suffragatur auctoritas, malo in eâ permanere iententiâ, quòd *Matricensis Comes* dictus sit à *Matricâ*, de quâ, præter ea quæ iam attuli, alia haud vulgaria hîc subijcio. Certè vt veteris monetæ pretium à multis ignoratur; sic & priscae huius vocis, quam raro usurparunt Scriptores, neque Grammatici enuclearunt.

In No.
menc.
c. 51.
L. I. dec. I.

Vt ergo in Geographiâ multiplex occurrit *Mediolanum*, *Vienna*, *Colonia*, *Lugdunum*, & similia; sic & *Matrica* multiplex olim fuit. *Matricam* in *Paphlagoniâ* L. X. stadijs à *Gangrâ* distantem memorat Metaphrastes: quo in loco Callynicus Martyr insigne miraculum patrauit. *Matricam* alteram in *Pannoniâ* inferiori sic indicauit Antoninus in Itinerario: *Vetussalina IN MEDIO Matrica*. Hoc est, vt *Pan-* cirolus explicat, *in medio à Matricâ itinere*. *Vetussalina* enim *Matricam* inter & *Intercisam* media pingitur in Notitiâ Imperij Romani, sub Duce Prouinciæ Valeriæ.

Apud Su-
rium 29.
Iul. c. 29.

Comm.ad
Notitiam.

Tertiam in Austrasiâ, siue mediâ Franciâ, illustrem præ alijs *MA-TRICAM* indigitat ciuitas *Metensis*, dicta olim *MEDIOMATRICVM* & *MEDIOMATRICA*, vti *Mediolanum* & *Mediolana*; *Louanium* & *Louania*. Ab Aimoino Monacho inter Belgarum vrbes inclytas & famosas nominatur *Mettis*, quæ & *MEDIOMATRICVM*. Vita Ludouici Pij de Rege Lothario eius filio: *Vosagum per Mauri Mona-sterium transiit, & MEDIOMATRICVM, quæ altero nomine METIS vo- catur, peruenit*. Regino de Ludouico Pio in insulâ Rheni iuxta Ingelheim vita functo: *Inde MEDIOMATRICVM deportatus, in Basilicâ 840.*

E 2 S. Ar-

36 AD VINDICIAS HISPANICAS

- Ad an. 865. *S. Arnulphi honorabiliter sepulturæ mandatur. Annales Metenses de Coloniensi & Treuirensi Archiepiscopis: Libellum obtulerunt, in quo continabantur gesta synodalia, quæ MEDiomatrico & Aquis ab eis statuta fuerant. Annales ijdem de Normannis: Ciuitatem Treuirorum flammis exurentes, MEDiomatrico dirigunt aciem. Regino iterum: Compositis in Orientali Franciâ rebus, Rex MEDiomatricum venit.*
- Ad an. 882. *Vetus membrana Hilariaci, scripta anno DCC. XXXIV. Sigibaldus*
- Ad an. 905. *MEDIOMATRICAE Metropolis Antistes. Charta Gorziensis anni*
- Apud. Meuriss. p. 151. *DCCC. XLIX. iam à nobis adducta: Drogo gratiâ Dei MEDIOMATRICAE Vrbis Ecclesiæ Archiepiscopus, & Sacri Palati primus Capel- lanus. Lotharius Imperator in chartâ anni DCCC. LV. vbi loquitur de Monasterio S. Arnulphi: Quod est constructum haud longè à mœnibus MEDIOMATRICAE urbis. Chronicum manuscriptum S. Trudonis:*
- P. 2. l. 3. 6. 7. *Anno Domini DCCCC. XLIV. Adelbero MEDIOMATRICAE Sedis Episcopus, onus prælature huius Monasterij assumens, Abbas efficitur. Wibertus in Vitâ S. Leonis PP. IX. vbi agit de Adelberone, qui deinde fuit tertius eius nominis Metensis Episcopus: Qui postea ad An- tistitium MEDIOMATRICAE urbis voto cleri & plebis magis quam suo assumptus. Charta anni M. LXV. ex Archiuo sancti Trudonis:*
- Anno 1046. *Domnus Theodoricus MEDIOMATRICAE Sedis Episcopus in Cœnobio S. Trudonis per aliquot dies moratus.*
- Miræus Donat. piar. c. 55. In Itiner. p. 408. *Ad hæc audiendus Zurita, vbi Antonini Augusti isthæc verba, Ad statuas, in medio Alisca, sic interpretatur: Hoc titulo quid Auctor in- dicet ex his verbis IN MEDIO, satis apparet; id est, IN MEDIO ITI- NERE, ex vnâ ad alteram mansionem, insignem aliquam relinqu stationem. Sequiori æuo intra montium Vogesi claustra surrexit Monasterium,*
- Brouuerus ad an. 768. *quod MEDIANVM appellari placuit, quia inter duo non obscuri nominis alia staret MEDIVM, alterum Senonense, alterum Deodatense. Pari ra- tione, propterea quod Metis ciuitas media via erat à Matricâ ad Tullum Leucorum, dicta est Mediomatrica. Quia ergo Matricam sic habemus in Austrasiâ, vbi Ludouicus Pius Pipinum filium Thiet- berti Comitis Matricensis filiæ iunxit; non est quod huius Comita- tum Matricensem in Normanniâ inuestigemus. Adieci, frequenter tunc fuisse in Austrasiâ Theuberti siue Thietberti appellatio- nem; quod stabilitur Euæ Comitissæ Caluomontensis chartâ anni CM. LXIII. quæ firmata est signo Friderici Ducis, SIGNO THIEBER- TI Palatini Comitis, & aliorum.*
- Chesne prob. Lux. pag. 4. *Effertur Matrica nostra Teutonicè MAKEREN, hoc est opus; cui appellationi respondet Latinum Matrica, hoc est structum ex mate- riâ opus. Sic autem definitur materia in veteribus Glossis verborum Iuris:*

Iuris : *Materiæ rā eis oīnodouū n̄ iōōprwōn drayngia ξύλα: Ad ædificandum vel substruendum necessaria ligna.* Nam quod comburendi causâ param est, materiae nomine non comprehenditur. Atque à materia dictus est *Materiarius*. Plautus in milite: *Si non nos MATERIARIUS remoratur, quo quidem opus est, citò erit parata nauis.* A materia item dicta est *Matrica*, & *Matricarius*; *Matricula*, & *Matricularius*. Glossæ Basilicæ: *Materiūn n̄ avayegon ḥ̄ segnorū*: *Matricula index militum.* Quia nempe Catalogus ille fiebat in libro, siue cortice arboris, tenuiore ligni materia, diminutè dicebatur *Matricula*. Opportunè Cedrenus: *Liber & codex idem habentur. Propriè autem codex truncum significat, liber corticem.* Eadem *MATRICULA* (*Materiūn*) nuncupantur: & *MATRICARII*, qui ligna conficiunt. Ita vertit Xylander. Extenditur tamen (docente Vossio) *Matricarij* significatio ad *Materiarios*, De Vitijs siue Fabros quoscumque, qui tractant materiam duram, operibusque sermonis omnibus idoneam, ut lignum, ferrum, æs, faxa, lapides, & similia. Cui explicationi Plinius fauet, vbi *Dædalum tradit inuenisse MATERIARVM fabricam, & in eâ ferram, asciā, perpendiculum, terebram;* quæ sunt fabrilia materiae durioris instrumenta. Fauet quoque Imperatoris Nouella XIIII. de Prætoribus populi: *Assistunt autem eis (in incendijs) & viceni milites, & triceni matricarij:* illi nempe ad arcendos fures, isti verò ut fabrilibus instrumentis, seu ferreis, seu ligneis, agant quæ sunt necessaria.

Vt ergo *Materiarij* dicti sunt à materia; *Matricularij* à *matriculâ*; sic & *Matricarij* à *matricâ*, id est, ab opere, quod ipsi perficiebant. Et quemadmodum *Fabri* opus dictum est *fabrica*; sic & *Matricarij matrica*; maxime cum tot occurrant in Geographiâ *Matrica*, quæ sunt structa per architectos iussu Principum Castella, Burgi, Præatoria. Vnde ut à *fabricâ* factum est *Fabricensis*; sic etiam à *matricâ* *Maticensis*.

Ceterum *Matricam nostram opus fuisse Romanum arx probat*, quæ in monte apud *Makeren* ruinosa extat, vbi numismata æternis Cæfarum factis impressa effodiuntur: & profectò mihi non est dubium, Thietberti Comitis *Matricam* accenseri debere villis, de quibus Ausonius suppressis nominibus agit, & ex illis vnam sic describit:

*Illa tenens COLLEM, qui pluribus imminet AMNI,
Vsurpat faciles per culta, per aspera visus;
Et que suis fruitur diues SPECVLATIO terris:
Quin etiam RIGVIS humili pede condita PRATIS,
Compensat CELSI bona naturalia MONTIS;*

L.55. D.
de Legat. 3

In Comp.
Histor.

L.7. c.56.

In Mosel-
lä, versu
324.

AD VINDICIAS HISPANICAS

*SUBLIMIq; minans irrumpt in aethera TECTO,
Ostendens ALTAM, Pharos ut Memphytica, TVRRIM.*

Hic plane depingitur *Matrica nostra*, ad cuius pedem rigua prata longè porriguntur, in quibus situm est hodiernum *Makeren*, riuulo ex monte delapso præterflente oppidum. Nec in toto inferiori Mosellâ, quem maximè Ausonius descriptis, nullus est locus ubi collis & mons tanta ad pedem prata habeat, eaque irrigua, sicut apud istud *Makeren*.

In Ann.
Treuir.

At ne quis sententiæ meæ diffidat, Mosellæ cursum in illo tractu sic descripsit Brouuerus: *Mosella maiore iam aquarum pabulo letus, & per agri fertilissimi prata diffusior, ubi iuxta Reiseburgum Ornum recepit, Theodonis villam versus tenet impetum: quod oppidum (caroli Magni commoratione & Regum conuentibus) est celebre. Hinc in Orientem ferè spectans, eadem facie REGIS MACHRAM [Coningsmakeren] peruenit; & varijs inde ambagibus Circium oppidum, mox agros fructuosos, montesque vitiferos hinc & inde latificans, non sine nemorum umbbris adit COMITIS MACHRAM [Greuenmakeren:] atque ita cursu in Solstitiali orientem posthac abducto, surgentium iam inde montium crepidine magis incipit premi.*

Cononem Treuirorum Archiepiscopum imitatus est Brouuerus, qui in *Chronico Treuirensi*, quod vulgo *Cononis* vocant, ante annos ferè CCC. *Matricam nostram* nominauit MACRAM. Alibi ostendi locorum vocabula, quæ Galli breuiabant, Latinos produxisse; vnde ex *macra* factum est *Matrica*; vt ex *maltra* (genus est mensuræ frumentariæ) *maltera*: quod legitur apud Scriptores rerum Germanicarum ab *Vrstitio* editos. Sic etiam in Mosellæ tractu *Alcia* fluuius in chartis Latinis vocatur *Alsoncia*; & ab Ausonio *Alizontia*: qui etiam *Vates Sarram & Dronum* Latino more extendens, *Saruum* dixit & *Dronum*.

Matrica porro nostra bellis olim diruta, à Thietberto Comite ad habitandum instaurata, nuncupata est *Greuenmakeren*/ hoc est *Comitis Matrica*: vti in eodem tractu *Koninsmakeren*/ siue *Regis Matrica*, nomen inde habet, quod à Ioanne Boheiæ Rege, Luxemburgi Comite, muris cincta fuerit: quemadmodum etiam non longè à Luxemburgo villa *Greuenscheun* in Documentis Clarifontis Cœnobij Virginum Cisterciensium prope Aralunum vocatur *Grangia Comitissæ*, eò quod Ermesindis, mater Henrici Blondelli Comitis Luxemburgij, eam villam construxerit.

In quo porro latè patentis Arduennæ tractu sita fuerit *Matrica nostra*, docemur à Dagoberto Rege, cuius hæc sunt verba in chartâ Codicis

Codicis Monasterij de Horreo, datâ Treuiris anno Regni eius secundo : Comperiat ergo omnium Sanctæ Dei Ecclesiæ fidelium præsentium & futurorum industria, quia rogatu dilectæ coniugis nostræ NANTILDIS, in Monasterio in Treuericâ valle, in honore Sanctæ Dei Genitricis ab IRMINA filiâ nostrâ construeto, & Sanctorum coadunatione decorato, ex rebus proprietatis nostræ, in pago Muslense, in MARCA Burense, has villas, MACHARA, Corniche, Baldebrunæ, Hildanesheim, Walchein, Speia, Brunneche, cum ceteris cultis & incultis, &c. legali auctoritate contradimus, &c. Ut gemmis nubeculæ quædam interueniunt, quæ splendorem fuscant ; sic & chartæ huic regiæ vitium est ; quod eius nitorem lœdit : vbi enim scribitur, in Marca Burense, planè mendum amanuensis videtur, legendumque Bedense. Etenim qui Macharæ adiacent alij pagi sunt isti, Moslensis, Waldeleflinganus, Mettingowensis, Eiffensis, qui ad Burense vocabulum non possunt referri. Præterea ex chartis antiquis Dundeba (Luxemburgum inter & Macharam, à quâ distat leucâ horariâ) erat in Comitatu Bedensi. In Moslensi vero pago, leucâ similiter vnâ supra Macharam, sita est Warmeringa. In eodem pago Bilacus, dimidiâ leucâ Macharam infra. Ex quibus optimè infertur, Bedensem pagum prope Macharam Moslensi pago insertum fuisse ; adeoque Macharam fuisse tractus illius Marcam, ut insinuat Rex Dagobertus. Marca enim, siue Marcha, erat limes, seu finis cuiusque ditionis & Prouinciæ, cui Comes Marcæ, Marchio, siue Marchisus præpositus erat. Vnde colligitur, Thietbertum non fuisse modò Arduennæ Comitem, sed etiam Matricæ incolam, & limitis ad Mosellam Marchisum, cum iure indicendæ vigiliæ ; & ex illâ habitatione cognominatum fuisse Comitem Matricensem : vti in Legibus Neapolitanis memoratur castrum, unde Baronia, vel Comitatus, nomen assumpsit. Ad illam porrò Thietberti Marcam iuuat quod de Matri. L.3. tit.14. lege 1. cā nostrâ Ausonius cecinit :

Ostendens ALTAM, Pharus ut Memphytica, TVRRIM.

Illam turrim Ægyptiam sic descripsit Plinius: Magnificatur & ALTA L.36.c.12. TVRRIS à Rege facta in Insula Pharo, portum obtinente Alexandria, quam constitisse oct ingentis talentis tradunt; magno animo, ne quid omitteremus, Ptolomæi Regis, quod in eâ permiserit Sostrati Gnidij Architecti struetura ipsius nomen inscribi. Vsus eius nocturno nauium cursui ignes ostendere ad prænuntianda vada, portusque introitum. Turris Matricæ nostræ alta, quam Memphyticæ comparat Ausonius, haud absimilis erat specula, ex quâ statarij excubitores ad loci custodiâ & limitis tutelam aduigilabant.

L A M P A S V.

*Matrica Thietberti Comitis sita erat ad viam militarem,
qua à Divoduro seu Mediomatricâ Treuiros tendit.*

L. 3. c. 10.

NTER Virbis admiranda recenset ex Dionysio Lipsius
viarum munitiones, quæ totam Imperij superficiem ut ra-
mosi riuorum discursus describebant: vsus erat ad mili-
tum iter, ne ambulantes recederent à signis. Ad illas autem
vias sitæ erant ciuitates, oppida, villaæ, prætoria, in quibus comœ-
tuum parata sibi subsidia milites inuenirent, donec ad locum peruenissent,
vbi fessis exercitibus requies ministrabatur.

Pag. 173. *Dixi Matricam Thietberti Comitis sitam fuisse ad viam militarem, quæ à Mediomatricâ Treuiros ducit; quod cum inficietur Dominicus, operæ pretium est iterum examinare, Matrica nostra si quâ potestur inuestigari VIA, vt loquitur Pacuvius.*

Cluverius
in præf. de
Geogr. antiquâ.

Itineraria duo, quæ habemus, Antonini & Peutingeri, mutila sunt, manca & detorta: nam præterquam quod valde varia sunt in designandis locorum distantijs exemplaria; multa in illis omit-tuntur itinera, quæ etiamnum extant: pleræque mansiones, vici, vil-læ, castella in uno reperiuntur, quæ absunt ab alio. Cum enim, Ve- getio tradente, militari gradu viginti millia passuum horis quinque dum-taxat æstiuæ confienda essent; vbi longius erat iter inter duas ciuitates, necessariæ erant intermediæ stationes & mansiones, in quibus milites quiescerent, cibo se reficerent, & pernoctarent. Profectò quamuis olim æstiuæ horæ diei naturalis longiores hybernis essent; quinis tamen miles armis sarcinisque onustus, & lente gradiens, vi-cies mille passus confiscere non poterat. Intelligendum ergo illud iter à Vegetio indicatum, vbi celeritate opus erat; vt dum Cæsar, periclitante M. Cicerone, cum M. Crassus horâ diei tertiatâ aduenisset, eo die circiter viginti millia passuum progressus est. Hodie propter impedimenta, carros, & maiora ex ære tormenta, exercitus Regij tot millia passuum uno die confiscere non possunt.

Lib. 5.
Com.

In medio foro Bagaci Neruiorū (oppidum est Hannoniæ Bauay) superest columna milliaria, ex quâ septem viæ Romanorum militares (alij octo numerant) oriuntur: Prima tendit Tornacum, & inde disperita Taruanam, Gessoriacum, & Castellum Morinorum; Secunda Cameracum, & inde Samarobrinam Ambianorum; Tertia Suesiones; Quarta Durocortorum Rhemorum; Quinta Augustam Treui-

LAMPADES HISTORICÆ.

Treuirorum ; Sexta Aduagam Tungrorum , & inde Mosæ Traiectum; Septima Insulam Batauorum. Nihilominus in Itinerario Antonini prima, secunda & quarta dumtaxat indicantur; quatuor aliæ, quarum hodieque vestigia supersunt, prætermittuntur. In alijs itidem itineribus Antoninus, omissis mansionibus intermedijs, præcipuas tantum ciuitates collocat. Exemplum è re nostrâ.

A Diuoduro seu Mediomatrica plures viæ militares Treuiros ducunt: prior ad dextram fluentis Mosellæ fluminis in Itinerario Antonini non extat: sic autem exprimitur in Peutingeri Tabulâ:

AVGVSTA TREVIORVM. XX.

Treves.

RICCIACO. X.

Ritzich.

CARAMVS CA. X.

Accaberg.

DIVODVRVM MEDiomATRICORVM. XLII. Metz.

Diuodurum ea est Belgicæ primæ ciuitas, quæ à Gregorio Turonen-
si cognominatur *Metensis*; ab Aduentio Episcopo *vrbs Metica*; ab alijs
Mediomatrica, & *Metis*, hoc est, *Media* dicitur. Illâ ergo viâ à Treuiris
Diuoduruim usque notantur millia passuum LXII. Sed emendat
Cluierius, & in postremo numero pro millibus XLII. reponit XXII.
Ego demerem solum L. cum à Caramuscâ Diuodurum usque sint
dumtaxat millaria duodecim Romana.

Ceterum duabus leucis infra Theodonis villam, vbi ex aduerso
littore *Canera* fluuiolus apud *Kuningsmackeren* in Mosellam influit,
mons est dictus ACCABERG; vbi multa rudera & nummi Romani
inueniuntur. Per hunc montem vestigia viæ militaris à Ricciaco
Metas usque apparent. Hunc censem esse *Caranuscum*, siue *Cara-
nuscum* tabulæ Peutingerianæ: conuenit enim stationum ordo, vt
Treuiris Ricciacum, inde Caranuscum, hinc Metas pergatur. Fauet
similitudo nominis; nam ex *Accarano* facile fit *Caranusca*; præsertim
si adsit syllabarum diuortium, vt olim in tabulis Geographicis, &
nunc interdum sit. Potuit enim sparsim in antiquioribus scriptum
sic fuisse, CARANVS; quæ rudis libellio male iungens scripserit AC-
CARANVS CA, cum scribendum esset ACCARANVS, supple mons.
Hac admissâ coniectura, sic corrigendum esset iter:

AVGVSTA TREVIORVM. XX.

Treves.

RICCIACO. X.

Ritzich.

ACCARANVS. X.

Accaberg.

DIVODVRVM MEDiomATRICORVM XII.

Metz.

Vt sint in totum à Treuiris Metas usque, hoc itinere, millia passuum
Romana XXXII.

Altera militaris via ad lœvam defluentis Mosellæ, à Diuoduro,

F siue

AD VINDICIAS HISPANICAS

⁴² siue Mediomatica, Treuiros fertur per Rodemakeren; vnde dicit ad Preisch; tum per planiciem, quæ est inter Fildorff & Dalem, ad Hassel, & supra Flacseiler transiens, per syluosa loca fertur ad Greuenmacheren, desinitque in Augustam Treuirorum. Totum illud iter suis ipse oculis lustrauit litteratissimus Societatis IESV Sacerdos Alexander Wiltheim Luxemburgensis, & Dalemi obseruauit castrorum vestigia, in quibus numismata, vrnæ, & alia æui Romani monumenta reperiuntur: vt iam negare non possit Dominicus Matricam nostram fuisse ad viam militarem, quæ à Diuoduro seu Mediomatica Treueros dicit. In Itinerario tamen Antonini illæ mansiones intermediae non exprimuntur.

In itinere à Lugduno, capite Germaniarum, Argentoratum.

NOVIOMAGVM. M. P. XXXVII.	Neumagen.
TREVEROS. M. P. XIII.	Treues.
DIVODVRVM. M. P. XXXIV.	Metz.
PONTEM SARVIX. M. P. XXIII.	Sarbruch.
ARGENTORATO. M. P. XXII.	Strasburg.

A Treuiris Diuoduru[m] usque, hoc itinere, numerantur millia passuum xxxiv. quæ ne pleno quidem gradu, qui citior erat, milites perficere poterant. Erant ergo aliæ in medio mansiones, quas prætermisit Antoninus. illas enim in vijs frequentes fuisse clare docuit Hilarius Pictaviensis sæculo quarto: *In communib[us] & terrenis vijs legem meminimus esse in statu[m] mensuras, cum PASSUVM MILLE interualllo quadam legis VIÆ signa statuuntur; cum MANSIONVM REQVIES disponitur; cum usque AD VRBEM, refectio[n]e VIANTIUM, congrua rursum MANSIONVM interualla dimensa sunt.*

In alio itinere, de Pannonijs in Gallias, per mediterranea loca.

ARGENTORATVM. M. P. XXXIX.	Straßburg.
TABERNAS. M. P. XIV.	Sauerne.
DECEM PAGOS. M. P. XX.	Dieuze.
DIVODVRVM. M. P. XX.	Metz.
* * *	• • •
M. P. XII.	

TREVEROS. M. P. XVI.

Pag. 53. Sic habet accuratior editio Hieronymi Zuritæ ex Ouetensi vetustissimo exemplari, quod seruatur in Bibliothecâ Regiâ ad S. Laurentium in Escuriaco, cum illâ sine nomine lacunâ, vbi haud dubie domicilium & statio aliqua insignis erat. Quia porro totum illud iter breuius, à Diuoduro Treuiros, est millium passuum xxviii. si demantur sex millia passuum Romana, quæ sunt inter Treuiros & Makeren; supererunt inter Makeren & Diuodurum millia passuum

LAMPADES HISTORICÆ.

43

sum xxii. iustum iter Romanum à Diuoduro Tullum Leucorum, quod ab Antonino sic describitur.

In itinere à Durocortoro Diuodurum usque.

N A S I V M. M. P. IX.

Nancy.

T U L L V M. M. P. XVI.

Toul.

S C A R P O N N A M. M. P. X.

Charpaigne.

D I V O D V R V M. M. P. XII.

Metz.

Milliaria enim nostra Romanis non respondent. Quandoquidem igitur Diuodurum medio itinere situm erat inter Macram Comitis & Tullum Leucorum; iure merito credi debet *Macram* illam fuisse *Matricam veterem*, à quâ *Diuodurum* dictum est *Medio Matrica*; quemadmodum in Pannoniâ inferiori *Vetus Salina* ab Antonino ponitur in *Medio-Matrica*, quia in medio ab aliâ *Matrica* itinere constituta erat. Neque minor est ratio cur *Makeren* sumatur pro *Matrica* Austrasîæ, quam *Theten* pro *Matrica* Pannoniæ, ut istam interpre-
tatur Simlerus.

Panciro-
lus.

In Schol.
ad Ant.
Itiner.
Ep. 175.

Aliud iter ab Argentorato Diuodurum, quod litteraturæ ostentatione Dominicus ex Peutingeri tabulâ refert: alia item duo, à *Durocortoro Diuodurum*, quæ ex Antonini Itinerario, ad rem nihil faciunt; cum *Matricam nostram Treuiros* inter & *Diuodurum* sitam fuisse clarè affirmarim.

Denique quoniam à *Medio* ortum est *Mete Teutonicum*, *Latinum Metis*, & *Gallicum Metz*; non est dubium, *Mediomatricam* compositam esse vocem à *Medio* & *Matrica*; & ab illâ populos *Mediomatricos*, vel *Mediomatrices* cognominatos, non autem ab illis *Mediomatricam*. In ambiguis potior est accipienda significatio, reiectâ eius rei imagine, quæ falsâ quadam specie nobis illudit. Itaque sublato *Madriaci* & *Matricæ* rudi æQUIUOCO, *Comites Madriacenses* in Neustriâ imaginarij manent; & origo Hugonis Capeti, quam *Bouchetus* ut veram obrudit, omnino fabulosa. Quæ *Seneca decipiunt*, nihil habent solidi: tenue est mendacium; perlucet si diligenter inspiceris.

Seneca
Ep. 79.

L A M P A S . V I .

Aliæ Dominici tricæ genealogicæ leui manu dissoluuntur.

I. DE DVOBVS HVGONIBVS CAROLI MAGNI NOTHIS.

Pag. 205.



VAMQVAM ostenderim meridianâ luce clarius, Carolo Magno duos fuisse filios naturales nomine *Hugones*, sc̄cūs tamen visum aduersario, quòd vnius tantum ex Reginâ procreati meminerit Eginarthus : sed & alia Autorem illum alioqui fidum latuere, quorum nihilominus certa perspectaque fides: ille siquidem filiam Regis Longobardorum Desiderij, quam matris hortatu vxorem primam duxit Carolus Magnus, & post annum repudiauit, non nominat; quam tamen nuncupatam fuisse *Sibiliam* Albericus annotauit. Omisit etiam Eginarthus nomen concubinæ, quod memoriam non occurrebat ; & filiæ, quam ex illâ Carolus habuerat viuente Fastradâ vxore ; hoc est, ante annum DCC. XCIV. quo Fastrada obiit. Non ergo mirum, si *Hugonem* Caroli filium, Noualiciensem in Italiam Monachum & Abbatem, prætermisit, qui natus erat circa an. DCC. LXV. quo Carolus Regio iure nondum imperabat, neque in eius aulâ ipse Eginarthus verlabatur.

Ad an.
770.

28. Ian.

Ad an.
813.

Ad an.
815.

Vrget Dominicus (cuius crebræ catapultæ in me frustrâ comimant) & opinioni suæ suffragari ait Vitam ipsius Hugonis, quam daturum se spopondit Clariss. Societatis Iesu Presbyter Ioan. Bollandus, dum Sanctos XIII. Junij celebratos prosequetur. Atqui nihil tale pollicitus est veteris sanctimoniae doctissimus instaurator, qui à me per litteras rogatus, ut Vitam illam, si haberet, mecum communicaret; sic respondit x. mensis Maij huius anni M. DC. XLVIII. *Vitam Hugonis Abbatis filij Caroli Magni nullam habeo, nisi quæ extat Tomo II. Francorum scriptorum Du Chesne : imò ne nomen quidem illius in collo Martyrologio ad XIII. Junij extat. Doleo mihi hanc deesse. A. D. V. gratificandi opportunitatem.* Illa autem Acta Hugonis, quæ ex Chronico Noualiciensi Chesneus edidit, ad antiquiorem alium Hugonem spectant, quam qui à Reginâ concubinâ in lucem emissus est: de isto posteriori sic Autores meminere. Bedanus Presbyter in Chronico Moissiacensi de Carolo Magno: *Commendauit ei [Ludouico Pio] filios suos, DROGONE, THEUDERICO, ET HVGONE.* Nithardus de Ludouico Pio: *Fratres quoque adhuc tenerâ etate, DROGONEM, HVGONEM atque THEODERICVM participes mensæ effecit, quos & in palatio*

LAMPADES HISTORICÆ.

45

latio unā secum nutriti præcepit : & Bernardo nepoti suo , filio Pipini, Regnum Italæ concessit: qui quoniam ab eo paulò post defecit , capitur, & à Bertmundo, Lugdunensis Prouincia Præfecto, luminibus pariter & vita priuatur. Hinc autem metuens, ne post DICTI FRATRES populo sollicitato eadem facerent, ad conuentum publicum eos venire præcepit , TOTONDIT, ac per Monasteria sub libera custodiâ commendauit. Iterum Bedanus de Ludouico Pio: Fratres suos ex concubinis matribus, id est, Dragōnem, Theudericum, & Vgonem, quos ei pater commen^tauerat, CLE. Ad an. 817. RICOS fieri iussit , & per singula misit Monasteria. Eginarthus ad annum DCCC. XXII: Imperator , consilio cum Episcopis & Optimatibus suis habito , FRATRIBVS SVIS , QVOS INVITOS TONDERI iussit, reconciliatus est; & DE HOC FACTO publicam confessionem fecit , & POENITENTIAM egit ; quod in eo conuentu, quod eodem anno mense Augusto Attiniaci habuit , in praesentia totius populi peregit. Albericus anno DCCC. XXXV: Hugo frater Imperatoris factus est Abbas sancti Quintini. Anno deinde DCCC. XXXVI: Anno LVDOVICI Imperatoris XXII. Abbatis Hvgonis, fratris eiusdem, anno secundo, eleuatum est corpus sancti Quintini VIII. Kal. Nouembris , & optimo loco repositum in praesentia Eychardi Nouiomensis , & Simonis Laudunensis, Episcoporum. Si quidem Abbas Fulradus, qui fuit ante dictum Hugonem, Ecclesiam illam in melius renouando dilatauerat. Tot characteres clarè docent illam tumulationem non factam anno DCCC. XXV. vt ex Auctore incerto, & haud dubie corrupto, suadere nisus est Dominicus. Annales Pag. 208, Bertiniani ad annum DCCC. XXXVIII. de Ludouico Pio: Inuitante Hvgone fratre, & beati Quintini Martyris Monasterij Abbe, eiusdem Martyris festiuitate honorificè alacriterque celebrata , Attiniacum perueniens, Carolum redeuntem suscepit. Fuit itaque clericali militiae adscriptus Hugo Reginæ filius anno DCCC. XVII. libertati redditus anno DCCC. XXII. factus Abbas S. Quintini non ante annum DCCC. XXXV. Quidni ergo totis tredecim annis , quibus liberam vitam duxit, iniure coniugium potuit, ac deinde vxore orbatus vitam Ecclesiasticam serio amplecti ? Nihil ergo attulit Dominicus, quod de sententiâ me dimoueat.

II. DE CHRONICO DIVIONENSI.

OSTENDI, quod nunc seruatur in Monasterio S Benigni sequioris æui apographum esse mendosum & interpolatum. Nunc eadem quæ à me iam explosa & reiecta sunt, iterum adfert Dominicus; additq; Patrem Vignerum, Congregationis Oratori apud S. Maglorum Parisijs Præfectum, palam agnoscere, Codicem, qui nunc habetur

F 3

Pag. 192.

AD VINDICIAS HISPANICAS

46

betur Diuione, illum eumdem esse quo annus eius Nicolaus usus est. Nicolaus tamen in Chronicō rerum Burgundicātūm, & in libello de Nobilitate familiæ Capeticæ, diserte affirmat, *Chronicum Diuionense testari, Hugonem Abbatem ROBERTI fratrem fuisse, Odonem & Robertum fuisse filios Roberti.* Quibus clare insinuat in primigenio exemplari, quod ipse viderat, scriptum fuisse FRATRIS, non autem FRA-TRES. Si ergo in Codice, qui nunc Diuioni superest, legitur FRA-TRES; profectò Pater Vignerius aucto suo litteratissimo vel oscitantiæ vitium, vel falsitatis crimen imponit: & quo pacto inde se extricer equidem non video. Chronicī apographa apud varios, quæ nobis obijciuntur, quia ex mendoſo Diuionensi Codice recens sunt exscripta, nullam merentur fidem.

III. DE ADELAIDE CONRADI VXORE, MATRE ROBERTI FORTIS.

L.7. c.6.
edit. vet.

P.14. **A**DVERSARI nequaquam probarunt, Adelaidem fuisse filiam Ludouici Pij Imp. quam dilucidè ostendimus patrem habuisse Hugonem Burgundiæ Ducem: singamus tamen illam Ludouico Pio genitam fuisse, & sic ratiocinemur. Notant San-Marthani ex Francorum Annalibus, copulatam fuisse Ludouico Pio Ermengardem anno DCC. XCVII. eam verò è viuis excessisse anno DCCC. XVIII. Bouchetus autē legitimas ex illo matrimonio proles recenset hoc ordine:

1. LOTHARIUS Imp. & Rex Italiae: qui obiit anno 855.
2. LUDOVICVS Rex Germaniae: qui obiit anno 877.
3. ADELAIS uxor Conradi Comitis, deinde Roberti Fortis.
4. GISLA uxor Euerardi Duci Foro-Iuliensis.
5. ALPAIS uxor Beggonis Comitis.
6. ROTRUDIS.
7. HILDEGARDIS uxor Theodorici Comitis: quæ obiit anno 857.
8. PIPINVS Rex Aquitaniæ: qui obiit anno 838.

Ex istâ serie Ludouicus Pius intra connubij cum Ermengarde annos XXI. octo suscepisset proles, quarum ordine tertia esset Adelais; nata idcirco quam tardissimè, circa annum DCCC. VII. Constat porro ex Herrico, Adelaidem fuisse vxorem Conradi Comitis, qui diem obiit anno * DCCC. LXII. quo anno Adelais vel minime (si verus esset ordo natalium à Boucheto seruatus) annum ætatis egisset LV. adeoque secundò nupta Roberto Forti, non potuisset quinque proles ex illo suscepisse, quia concipiendi annos iam pridem excessisset. Sed reuerà Adelais Ludouico Pio genita non est: neque Roberti Fortis vxor, sed mater fuit.

* Necrolog. S.
Germ.
Autissiod.

IV. DE

IV. DE ROBERTI FORTIS LIBERIS.

QVIA dixi, Bouchetum Roberto Forti quinque proles assignas-
se; insurgit Dominicus, meque in hac causâ subdolè versari ait,
cùm quatuor dumtaxat liberos Roberto Forti Bouchetus adscripsérit.
Atqui Bouchetus in suâ tabulâ quinos recensuit, & istos quidem:

- 1. O D O N E M Regem.
- 2. R O B E R T V M I. Regem.
- 3. HILDEBRANTAM, Heriberti II. Viromanduæ Comitis vxorem.
- 4. N. Emenoni Comiti Egolismæ nuptam.
- 5. R I C H I L D I M, Richardi Trecensis coniugem.

Pag. 127.

Totidemque numerarunt Boucheti sequaces San-Marthanî in po-
stremâ Operis sui editione. Vnde non in me dolus, non fraus, non ca-
uillatio, sed in ipsum Dominicum cadit.

V. DE BEATRICE ROBERTI I. REGIS VXORE.

ACTOR Fragmenti de Destructionibus Ecclesiæ Corbeiensis, qui falsò tradit Robertum I. Regem habuisse sororem Heriberti de Peronâ in coniugio; quamuis ab Andreâ Chesneo editus fuerit ante Flo- doardum, non idcirco sequitur eo antiquiorem fuisse; quippe quem veteres Ecclesiæ suæ destructiones, diu postquam contigerant, verisimile est descripsisse. Et si rectè expendatur postrema eius narratio de Eimmone & Godardo Lotharingis, qui post Hunnos Corbeiam oc- cuparunt, præteritum pridem Monasterij statum illic exprimi liqui- dò apparebit. Ceterum, in hoc exsoluendo nodo vsus sum auctori- tate Flodoardi, æqualis & accurati Scriptoris; cui tantam fidem Baro- nius tribuit, ut ex eo alios omnes mendacij redarguerit.

Anno 933.
n. r. 954.
n. r.VI. DE NATALIBVS ERMENGARDIS
ET IVDITHÆ IMPERATRICVM.

ATQVE h̄ic iterū velim agnoscas, Dominice, me non moro-
sum esse, non imprudentem, non cauillatorem, quibus tu con-
uicijs me affisis; sed ingenuum & amantem veritatis, quæ odium in
me tuum concitauit. Scio Guidonem & Albericum de Ermengarde
agentes postponendos Thegano & Auctori Vitæ Ludouici Pij: &
idcirco dixi, non deesse, qui malent audire Guidonem & Albericum; non
ego ipse malui; sed animi potius causâ quam doctrinæ locutus sum.
Neque mirum est hominem non omnia humana nouisse.

De Iuditha Auctores meos produxi; eiusdem cum San-Marthanis
sententiae fui; etsi hæreo, & probabile iam existimo Fridericum VI-
traic-

AD VINDICIAS HISPANICAS

48.

traie&tensem ob aliam causam, quām quōd Iudithæ nuptias reprehenderet, cæsum. Diu enim continuisset iram Iuditha, & seras ex prompsisset querelas Fridericus, cūm illa nupserit anno DCCC. XIX. hic anno DCCC.XXXVI. fuerit occisus. At nullum h̄ic quæstum facis, vir erudite, neque ex parte Ermengardis pro Septimaniæ Ducibus; quandoquidem Childebrandi totum stemma falsum esse demonstravi: neque ex parte Iudithæ; quia si coniugis sui Ludouici Pij consanguinea non fuit, ipsum est quod petebam. Quoad reliqua, tuas ioculatorum cantilenas nihil duco; nec enim, vt olim *Marius Maximus, homo omnium verboſiſſimus*, mythistoricis voluminibus me implico.

Vopiscus
in Fimo.

VII. DE ADELAIDE ROBERTI II. REGIS MATERE.

Pag. 236. **E**cce quām leuiter agat nouus sacri Consistorij consiliarius. Hæc sunt Helgaldi verba in Vitâ Roberti Regis, quam Franc. Cheyneus edidit: *Fuit Rex Francorum ROBERTVS origine natus nobilissima, patre Illustri HVGONE, matre ADELAIDE vocitatâ; quæ adeò benè laudata tanti FILII extitit prærogatiua. Eius inelyta progenies, sicut IPSE suis sanctis & humillimis asserebat verbis, ab AVSONIAE partibus descendaverat.* Censet Dominicus originem illam Ausoniæ attinere ad ipsum Robertum; quam tamen Helgaldi verba disertè referunt ad eius matrem; quod & ipsi constanter agnouere San-Marthani. Sed pueriliter nugatur nouus Historicus, vbi addit, *ex Roberti Regis relatione colligi, in ipsius familiâ Ansberti & Ferreolorum traditionem nondum perisse; quos quia Romanos (licet Galli fuerint) audierat nuncupatos; ex Ausoniæ siue Italiæ partibus se descendisse bonâ fide suaserit.* Error unicus fundamentalis noui Consiliarij mentem præcipitat ad hæc effugia, ineptias, deliria. Robertus II. Rex eamdem cum parente Hugo Capeto Saxoniam fortiebatur originem, & sic minimè Romanam, Narbonensem aut Italicam.

In vtrâque
editione.

VIII. DE WILLELMO NANGIO PERPERAM ADDVCTO ET EXPLICATO.

Pag. 239.

Hæc sunt verba Nangij, quæ Dominicus edidit: *ERMEN-*
GARDIS vero nupta Comiti Namurciae, de quâ descendit BAL-
DVINVS Comes Hannoniae; cuius filiam ISABELLAM desponsauit PHI-
LIPPVS Augustus Rex Francorum, & genuit ex eâ LDOVICVM Re-
gem, quem dicimus ETIAM HOC MODO descendisse de progenie Caroli
Magni. Hic me bonâ fide non agere admiratur vir alioqui de lit-
teris

teris benè meritus , cùm ex Nangio tradidi , *Isabellæ Hannoniae coniugio cum Ludouico VIII.* (dixi cum Philippo Secundo) *Regnum Francorum ad progeniem Caroli Magni rediisse.* Sed contrà haud sincerâ fide mecum agit, cùm illi Nangij loco duos alios subiecerim, qui idipsum clarè affirmant. Prior est eiusmodi: *In hoc ergo [Ludouico VIII.] REDIIT REGNUM ad stirpem CAROLI MAGNI Imperatoris, de quâ originem ex parte matris dignoscitur contraxisse.* Alter verò : *Per quem Ludouicum VIII. qui fuit pater S. Ludouici Regis, constat REGNUM Francorum REDVCTVM ad progeniem Caroli Magni.* Quod autem attinet ad clausulam, *etiam hoc modo, quâ Nangium usum Dominicus ait, vt ostenderet Imperatoris Magni genus ad Ludouicum Regem pluribus alijs ramis peruenisse; profectò apud Nangium nullus alias occurrit Carolini sanguinis in Reges Capetinos ductus, præter eum, quem à Mathilde (quam Ludouici iunioris Imperatoris filiam facit) in ipsum Hugonem Capetum deriuat; sed falsò, vt fusè docui in Vindicijs Hispanicis capite secundo, & Lumine genealogico decimo quarto.*

Ceterū vbi consequenter Nangius adfert vaticinium SS. Walerici & Richarij in fauorem Capetinæ stirpis, hæcce verba ad Hugonem Magnum Sanctis adscribit : *Pource que tu as fait nostre requeste, nous te faisons à scauoir, que ta generation regnera au Royaume de France jusques à sept generations.* Ita legitur in Chronico ms. quod ipsem Nangius se ex Latino in Gallicum profitetur conuertere: vnde colligitur editioni Latinæ fraudulenter adiectum, *id est in perpetuum.*

Reliquæ Dominici tricæ soluuntur ex fabulo Childebrandi stemmate, quod passim obtrudit, à nobis funditus destruncto ; ex Adalelmi, Odonis Regis auunculi, fictitio stemmate, in quo Robertum Fortem à Thietberto Matricensi Comite falsò deduxit ; denique ex alijs plerisque mythistoricis, & æquiuocis, ex quibus, vir alijs ingeniosus, friuolas adeò conclusiones passim elicuit, vt confutari singillatim haud mereantur: neque otium suppetit, vt omnibus eius viceribus medicinam adhibeamus.

Vind.
Hisp.
P. 34.

In Chron.
ad an. 987.

Seruatur
Bruxellæ
in Bibliot.
Regiâ.

L A M P A S VII.

*Ortus PHILIPPI IV. Regis Catholici à CAROLO MAGNO
per Mathildem & Albradam, LUDOVICI IV. Regis filias.*

Pag. 247.

Editus à
Ioanne Pi-
storio.

Historia
Erphesf.
cap. II.

Cap. 10.

Albertus
Argentin.
in Chron.



VT præcelsas splendidasque Regum nostrorum origines inimico animo eleuaret Dominicus, scripsit, Austriacorum Principum à Carolo Magno per feminas deducetum genus commune esse cum omnibus Germaniæ Principibus, quos Auctor Stemmatis Lantgrauiorum Thuringiæ affirmat ortum duxisse à genere Carolorum. Sed auctoritatem absolute non meretur *Anonymous* XIII. sæculi Scriptor, qui in Historiæ suæ vestibulo caput stemmatis Thuringici constituit quemdam *Giselæ consanguineum* (sic de illo dubiè loquitur) *de genere Caroli & Ludouici, nomine Ludouicum cum barbâ*: cuius in hunc modum meminuit alter incertus æquè ac barbarus, qui sæculo XV. historiam suam absoluit: *Anno Domini M. XV. CONRADVS Francigena, quidam Dux Francorum, Imperator, habebat duos consanguineos, scilicet HVGONEM, & LUDOVICVM fratrem suum, de stirpe Regum Francie progeniti, & multum pecuniosi. Quem ergo prior fecit consanguineum Giselæ, Conradi Salici vxoris, alter eiusdem Conradi affirmauit consanguineum.*

Subiunxit deinde *Anonymous* ille musteus à Dominico laudatus hasce fabulas: *CONRADVS Imperator, Salicus dictus, genus duxit à nobilibus Romanorum, scilicet ab Æneâ, & posteris suis: & uxor eius GISELA originem habuit à nobilibus Francorum, & à Priamo Troiano: unde factum est, ut HENRICVS filius eorum, dictus Niger, tertius Rex, & secundus Imperator, omnem illam nobilitatem, scilicet Romanorum & Troianorum, in se haberet, & omnes posteri eius. Verum equidem est, Giselam Imperatricem à Carolo Magno prosapiam duxisse, & plerosque per illam Europæ Principes; sed præcipue, & cum natalium prærogatiuâ, nostros Burgundiæ & Flandriæ Comites, Duces Burgundiæ, Austriacosque Reges & Imperatores, ut clare ostendi in Vindicijs Hispánicis.*

Est præterea certo certius, sanguinem Carolinum in plerosque Germaniæ Principes à RUDOLPHO I. Cæsare Habsburgensi deriuatum; quippe qui quatuor Imperij VII. Viris totidem filias matrimonio iunxit; GVTAM Wenceslao Regi Bohemiæ; MECHTILDIM Ludouico Palatino; AGNETEM Alberto Saxoni; HEDVIGIM Othoni Brandenburgio; per quas præclarus Caroli sanguis in alios S.R.I. Principes labentibus sæculis per connubia copiosè diffusus.

Nec

LAMPADES HISTORICÆ.

51

Nec negauit Capetinos Reges à Carolo Magno per feminarum coniunctiones legitimè procreatos; (non sic sensi de Hugone Capeto;) sed originis primatum nostris vindicaui. *Est quidem Princeps in GE-* Lib. 4.
NERE monstrando, inquit Sidonius, PARTIS PATERNAE prærogatiua: Ep. 21.
sed tamen multum est quod debemus & MATRIBVS: non enim à nobis
aliquid exilius fas est honorari, quod pondera illarum, quam quod istorum
semina sumus. Subiungit deinde Sidonius exemplum ex Virgilio, qui
narrat Hetruscos, cùm peregrinum quærerent & externum Ducein,
qui aduersus Mezentium exercitum regeret, eligere Pallantem Euandri filium non potuisse, quod ex materno genere Italus esset, adeo-
que non peregrinus; quod patriæ pars computanda sit & regio materna.
Sunt autem hæc Euandri verba apud Maronem:

Gnatum exhortarer, ni misitus M A T R E Sabellæ,

8. Aeneid.

Hinc PARTEM PATRIAE traheret.

Alio loco idem Apollinaris ius ad Regna ex matribus sic insinuat:

— Ricimerem

Car. 2.

In Regnum DVO REGNA vocant; nam PATRE Suevus,
A GENETRICE Getes:

id est *Gothus*: illum enim P. Diaconus *pro sapientia Gothum* nuncupat. In Leone
Ostendi pluribus tabulis, PHILIPPVM IV. Regem Catholicum per Aug.
plerasque ex Carolinâ stirpe proauias, propter ortus primitiuam, ad
Regnum Franciæ capessendum iure merito vocari.

Quia tamen obiter dixi, me non inuenisse Reges nostros à Mathil- Lum. Ge.
de Ludouici Regis, dicti Transmarini, filiâ originem traxisse; lapsus neal. 14.
fuit memoriae paulò audiū ad alia properantis; quandoquidem lu- vindic.
culentum ab illâ ortum iam indicaram, & in hunc quidem modum: Hispan.
c. 10.

10. CAROLVS MAGNVS Imperator: vxor Hildegardis.

11. LUDOVICVS PIUS Imperator: vxor Iuditha.

12. CAROLVS CALVVS Imperator: vxor Ermentrudis.

13. LUDOVICVS BALBV S Rex: vxor Adelheis.

14. CAROLVS SIMPLEX Rex: vxor Otgiua.

15. LUDOVICVS TRANSMARINVS Rex: vxor Gerberga Saxonica.

16. MATHILDIS vxor Conradi Regis Burgundiæ, mater Rodulphi.

17. GERBERGA, siue Guepa, vxor Hermanni Ducis Sueviæ.

18. GISELA vxor Conradi Salici Imperatoris.

Vide reliquam seriem in Vindicijs Hispanicis paginâ 98.

Albericus ad annum M. XXIV: Soror autem ultimi LOTHARII

G 2

Fran-

AD VINDICIAS HISPANICAS

Francorum Regis, & Ducis KAROLI, nomine MATHILDIS, post mortem primi mariti, Balduini tertij Flandrensis Comitis, Regi Burgundiae CONRADO peperit Regem Rodulfum, & sororem eius GVEPAM (alias Gerbergam) quæ fuit mater huius GISELAE. Wippo in Vita Conradi Salici: Dilecta Regis coniux GISELA, cui pater erat HERMANNVS Dux Allemaniae: mater eius KERBIRGA, filia CONRADI Regis de Burgundia fuit: cuius parentes de CAROLI MAGNI stirpe proceſſerant. Recte dixit Albericus Mathildem Francicam nupsisse Conrado Burgundiæ Regi; sed errauit, dum Balduino tertio Comite Flandriæ marito prius orbam fecit. Mathildis enim Balduini Flandrensis vidua, filia fuit Hermanni Ducis Saxoniæ, quæ deinde nupsit Godefrido Ardennensi, seu Einhamensi, ut disertè traditur C.7. & 8. in Chronico Flandriæ Sancti Gisleni, & in Supplemento Sigeberti Anno 1005. ex m.s. Orteliano. Illæ temporis eiusdem Mathildes Historicos in permutationem facile induxerunt. Nunc de Albradâ Mathildis Lum. gen. forore, per quam Reges Hispaniæ à Carolo Magno genus traxisse 14. clare ostendi.

Progenies Gerberga Saxonicae, filie Henrici I. sororis Othonis I. Imperatorum, quæ matrimonio bis copulata fuit.

PRIMVS TORVS GERBERGÆ.

1. GERBERGA vxor Gisleberti Ducis Lotharingiæ.

2. HENRICVS, obiit puer. 2. GERBERGA sponsa Bertholdi Ducis Bauariæ.

SIGEBERTVS anno CM.XXVII: Henricus Rex, inspectâ industria & potentia GISLEBERTI, filiam suam GERBERGAM ei despontet, & eum Lotharingie iterum preficit.

Lib. 2.

Albericus anno CM.XLIII: Ducatum Ducis GISLEBERTI dedit Rex Otho cuidam fideli suo Othoni. causam Witikindus adfert: Regioni Lothariensem præfecit Otho Rex Odonem (feu Othonem) Ricuini filium; & ut nutriret nepotem suum, filium GISLEBERTI, nomine HENRICVM.

Sigebertus eodem anno, sed serius: Vxorem Gisleberti GERBERGAM, sororem scilicet Othonis Imperatoris, LDOVICVS Rex duxit vxorem: Filiam vero GISLEBERTI, neptem suam (Reusnerus & Butkens Gerbergam nominant) Imperator BERTALDO Duci Bajoariorum despontet.

L.4. c.13.

Luitprandus Ticinensis: Hoc in tempore BERTHOLDVS Bajoariorum

LAMPADES HISTORICÆ.

53

rum Dux, Arnulphi Ducis frater, vir strenuus, Regis partibus toto fa-
uebat conamine: volens itaque Rex, ut quemadmodum tribulationis præ-
teritæ, ita & lætitiae præsentis fieret particeps; sequenti die, quanta erga
eum Dominus beneficia egerit, nuntijs directis aperuit: cui etiam in
augmentum lætitiae, quoniam coniugali minimè connubio tenebatur, de-
mandauit, ac iuramento promittere fecit, ut si sororem suam, scilicet
GISLEBERTI vxorem, habere posset, eam illi coniugio copularet: quod
si minus procederet, ipsius GISLEBERTI ex eadem sorore GENI-
TAM, quam penes se habuerat, FERE IAM NVBILEM, maritali ei
coniugio traderet. Quo auditio BERTHOLDVS immenso est gaudio affe-
ctus, elegitque nondum nubilem potius FILIAM expectare, quam matrem
quæ iam nupserat tollere.

TORVS ALTER GERBERGÆ.

1. GERBERGA Gisleberti Ducis vidua,
Ludouici IV. Regis Franciæ vxor.

1.	2.	3.
2. LOTHARIUS Rex Franciæ natus anno 941.	MATHILDIS Regina Burgundiæ nata 943.	CAROLVS, alias Carlo- mannus, natus anno 945. mortuus puer.
4. 2. ALBRADA in lucem edita an. 947.	5. LVDOVICVS natus 948. ob. 954.	6. CAROLVS Dux Lotha- ringiæ inferioris, & Hen- ricus, gemelli, nati anno 953.
3. ERMENTRUDIS vxor Othonis VVillelmi Burgundiæ Comitis; à quibus Hispaniæ Reges orti sunt.		

FLODOARDVS rerum sui temporis sedulus & accuratus Scriptor, anno CM. XXXIX: Ludouicus Rex in Regnum Lothariense regressus, relietam Gisleberti GERBERGAM duxit vxorem, Othonis scilicet Regis sororem.

Anno CM. XLI: Ludouico Regi FILIVS nascitur, scilicet Lotharius, qui ei successit in Regno. Primus partus.

Anno CM. XLIII: Hugo Dux FILIAM Regis [Mathildem] ex la-
uacro sancto suscepit. II.

Anno CM. XLV: Gerberga Regina filium Lauduni peperit, qui KAROLVS ad catechizandum vocatus est. Obiit puer Rothomagi, da-
tus Normannis obses pro captiui parentis liberatione. III.

Anno CM. XLVIII: Conradus Dux FILIAM Ludouici Regis [Al-
bradam] sacro de fonte suscepit. IV.

Ad finem eiusdem anni: Nascitur Regi Ludouico FILIVS, quem v.

G 3 Praeful

54 AD VINDICIAS HISPANICAS

Præsul Artoldus de sacro fonte suscepit, patris ei nomen imponens. Obiit anno CM. LIV.

VI.

Anno CM. LIII: Gerberga Regina Lauduni geminos est enixa; quorum unus KAROLVS, alter vocatus est HENRICVS: sed Henricus mox post baptismum defunctus est.

Anno CM. LIV: Ludouicus Rex morbo confectus diem clausit extremum, sepultusque est apud sanctum Remigium.

In sex allatis Gerbergæ Reginæ puerperijs duæ dumtaxat filiæ recensentur, quæ nominatim exprimuntur in Supplemento Flodoardi ex Diuionensi exemplari: MATHILDIS & ALBERADA filie fuerunt Gerbergæ. De MATHILDE processit Rodulphus Rex; de ALBERADA Ermentrudis. Si Albrada fuisse Gerbergæ filia ex priori coniugio, ordine natuitatis Mathildi præposita fuisse. Eodem modo Genealogia S. Arnulphi Metensis: GIRBERCA, soror Hadwidis, genuit Lotharium Regem Franciæ, & Karolum Ducem, MATHILDEM, & ALBRADAM, fratres & sorores. Deinde post nonnullam: ALBRADA soror Lotharij Regis, Karoli Ducis, & Mathildis, genuit ERMENDRUDAM: nullâ proflua prolium Gisleberti Ducis factâ mentione.

L.2. c. 35. L.4. c. 14. Rectè igitur Andreas Chesneus in Historia Burgundiæ, Albradam fecit Ludouici Regis filiam ex Gerbergâ: nec apertè sententiam mutauit in Historia Couciacæ, vbi in hæc yerba locutus est:

L.6. c. 2. L.4. c. 30. 35. & 36. Gertrudis (Gerbergam dicere voluit) soror Othonis Magni Imperatoris, & vxor in primo toro Gisleberti Lotharingiae Ducis; tum in secundo Ludouici Transmarini Franciæ Regis; unam inter alias filiam habuit nomine ALBRADAM. Quod tamen addit Chesneus, Albradam Ragenoldo Comiti, qui Rouciacum castrum ædificauerat, matrimonio iunctam fuisse; ut verum quidem fatear, non intelligo; cum in Historia Remensi per Flodoardum scriptâ, & in eius Chronico legatur, Abbatiam S. Medardi anno CM. XLIV. à Ragenoldo deprædatam; necnon & anno CM. XLVIII. (quo anno Dux Conradus Ludouici Regis filiam Albradam de sacro fonte suscepit) munitionem super Axonam flumum, in loco, qui dicitur Rauciacus, ab eodem Ragenoldo Comite ædificatam fuisse.

Vita Lud. Pij. Possem equidem plures alios Regum nostrorum à famosissimo Regum CAROLO femineos ortus in medium proferre; sed sufficit ostendisse illorum præ alijs natalium prærogatiuam, siue vt stipiti Carolino proximiiores sunt, siue vt à Regibus, qui ultimi sceptro Franciæ potiti sunt, cum ætatis prærogatiuâ, sincere oriundi: unicum dumtaxat, quod non leue momentum habet, hic adiiciam.

LAM-

L A M P A S VIII.

Ortus PHILIPPI IV. Regis Catholici à CAROLO MAGNO Imperatore, medijs Comitibus Bononiæ Belgicæ ad fretum Morinorum.

BONONIA; sive Bolonia, Galliæ Belgicæ ciuitas in Morinis ad fretum Oceani sita, proprios olim Comites habuit, à quibus hunc in modum ortus est PHILIPPVS IV. Rex Catholicus.

1. CAROLVS MAGNVS Imperator: vxor Hildegardis.

2. LVDOVICVS PIVS Imperator:
ex Judith vxore secundâ: ex Ermengarde vxore primâ.

3. CAROLVS CALVVS Imperator:
vxor Ermentrudis.

4. LVDOVICVS BALBV Rex: vxor Adelheis.

5. CAROLVS SIMPLEX Rex: vxor Odgiua.

6. LVDOVICVS TRANSMARINVS Rex: vxor Gerberga.

7. CAROLVS Dux Lotharinijæ inferioris: vxor Bona Ardenensis.

8. GERBERGA Bruxellensis Comitissa, vxor Lamberti Comitis Louaniensis.

9. MATHILDIS, vxor Eustachij primi Comitis Bononiæ.

10. EVSTACHIVS II. Comes Bononiæ: vxor Ida Lothariensis.

11. GODEFRIDVS BVL-
LIONIVS Rex Ierusa-
lem: ob. cœlebs an-
no 1100.

11. EVSTACHIVS III.
Comes Bononiæ: vxor
Maria filia Malcolmi
R. Scotiæ.

3. LOTHARIUS Imperator: vxor Ermengardis.

4. LVDOVICVS II. Imper. Rex Italijæ & Prouincijæ: vxor Engelberga.

5. ERMENGARDIS vxor Bosonis Prouincijæ Regis.

6. CHVNEGUNDIS vxor N. Comitis Ardennenfis.

7. GODEFRIDVS CAPTIVVS, Ardenensis, Comes Virdunensis: vxor Mathildis Saxonica.

8. GOTHILO MAGNVS Dux Lotharingijæ inferioris: vxor Iunca.

9. GODEFRIDVS MAGNVS Dux Lothar. inferioris: vxor Doda.

10. IDA, vxor Eustachij II. Comitis Bononiæ.

11. BALDVINVS Rex Ierusalem: obijt anno 1118.

12. MATHILDIS I. Comitissa Bononiæ, vxor Stephani Belfensis, Regis Angliæ.

13. MA-

56 AD VINDICIAS HISPANICAS

13. MARIA Comitissa Bononiæ, vxor Matthæi, filij Theodorici
Comitis Flandriæ.

14. MATHILDIS, vxor Henrici I. Ducis Lothar. & Braban. an-
no 1179.

15. HENRICVS II. Dux Lothar. & Brab. ob. 1247. vxor Maria
Philippi Imp. filia.

16. HENRICVS III. Dux Lothar. & Brab. Comes Bononiæ: vxor
Aleydis Burgunda.

17. IOANNES I. Dux Lothar. Brab. & Limburgi: vxor Marga-
reta Flandrica.

18. IOANNES II. Dux Lothar. Brab. & Limburgi: vxor Marga-
reta Anglicæ.

19. IOANNES III. Dux Lothar. Brab. & Limburgi: vxor Maria
Ebroicensis.

20. MARGARETA Antuerpiæ Domina, vxor Ludouici Malani
Comit. Flandriæ.

21. MARGARETA Flandriæ Comes, vxor Philippi Audacis
Ducis Burgundiæ.

22. IOANNES INTREPIDVS Dux Burgundiæ: vxor Marga-
reta Bauara.

23. PHILIPPVS BONVS Dux Burgundiæ, Comes Bononiæ iure
& possessione: vxor Isabella Lusitana.

24. CAROLVS AVDAX Dux Burgundiæ, Comes Bononiæ iure
& possessione: vxor Isabella Borbonia.

25. MARIA Burgundiæ Ducissa, vxor Maximiliani I. Imp. Bono-
niæ Comitatu iniquè spoliata à Lud. XI. Francorum Rege.

26. PHILIPPVS I. Archidux Austriae Rex Hispaniæ: vxor Ioanna
Regum Catholicorum filia.

27. CAROLVS V. Imp. Rex Hisp. vxor Isabella Lusitana.

28. PHILIPPVS II. Rex Hisp. vxor Anna Austriaca.

29. PHILIPPVS III. Rex Hisp. vxor Margareta Austriaca.

30. PHILIPPVS IV. Rex Catholicus, iustus heres stirpis Bono-
niensis, & gloriæ Ierosolymorum Regum.

Proba-

Probatur origo Comitum Bononiae à CAROLO MAGNO Imperatore.

ORDERICVS Vitalis de Eustachio II. Consule seu Comite Lib. 4.
Bolonensi, Godefridi Bullionij patre: *Erat idem Comes magnæ Ad an.
nobilitatis, ex PROSAPIA scilicet KAROLI MAGNI, Francorum stre-
nuissimi Regis: erat quoque magnæ potestatis, utpote sublimis Princeps
trium Comitatuum, Boloniensis, Guiennensis, & Taruanensis.* 1067.

Idem de Godefrido Bullonio: *De constitueudo ibi Regem [Ieroso- Lib. 9.
lymis] consiliati sunt; & octauo die post captam urbem, communi con- P. 756.
filio GODEFRIDVM Ducem in Regem elegerunt. Erat autem VIR RE-
GII SANGVINIS, à proavis Christianæ professionis.*

Idem de Balduino Bullionij fratre germano: *Erat enim idem miles Lib. 9.
statura procerus, pulcher & magnanimus, scientia litterarum præditus, Ad an.
multimodaque probitate & honestate præclarus, eximia quoque nobilita- 1098.
te, utpote DE PROSAPIA KAROLI MAGNI Imperatoris.*

Baldricus Dolensis Archiepiscopus de electione Godefredi in Re- Lib. 4.
gem: *GODEFRIDVM Ducem eligamus, quem huic ciuitati subrogatum
præficiamus: est enim (ut omnes nouimus) VIR REGII SANGVI-
NIS, à proavis Christianæ professionis.*

Genealogia S. Arnulphi Metensis: *MATHILDIS, filia GERBER-
GAE, genuit EVSTACHIVM Comitem Bononensem. Eustachius Comes
genuit BALDVINVM Regem Ierusalem, GOTFRIDVM Ducem, & post
Regem Ierusalem, ex IDA.*

Paternum à Carolo Magno Godefridi Bullionij ortum per Ma-
thildem, Gerbergæ Bruxellensis Comitissæ filiam, sic etiam indica-
uit * Albericus: *Dux GODEFRIDVS in Regem electus, filius fuit Comitis
EVSTACII Bononiensis, qui per maternum genus ad MAGNI KAROLI
LINEAM spectabat.* Gerbergam autem Ermengarde natu maiorem
fuisse clare docet antiquus Scriptor Nieuellensis: *HENRICO apud
Tornacum occiso, successit in Principatu Brabantæ frater eius GODEFRI-
DVS cum barba, princeps excellentissimus, QVI PRIMOGENITA obti-
nens stirpis CAROLI MAGNI, industria suâ meruit institui in Ducatu
Lotharingie. Godefridus Barbatus Gerbergæ Bruxellensis Comitissæ
pronepos erat. Vnde ^a Petrus Diuæus, ^b Ioannes Molanus, ^c Pon-
tus Heuterus, ^d Andreas Chesneus, ^e San-Marthani fratres, & ^f Can-
terellus Faber, Ermengardi Gerbergam meritò præposuere.*

De matre Godefridi Bullionij sic loquitur Andreas Chesneus: IDE de Lorraine sa mere auoit eu pour grande ayeulle paternelle CHVNE-
H GONDE, Drocensis.

GONDE, fille de Madame ERMENGARDE de France, dont le pere estoit le Roy LOVYS, arriere filz de Charle Magne.

An. 1079. Itaque Guido Basochius verè scripsit: *Fuit autem GODEFRIDVS Dux religiosus vir, & in omni virtute sua commendabilis & Deo placens, virtute vero & exercitio militari omnium iudicio singularis; AB UTROQUE PARENTE de antiqua KAROLI MAGNI LINEA trahens originem, & cui verè plurimus inerat KAROLVS tam sanguine quam mente.*

Albericus ad annum M. C: *Hæc autem Regina Scotorum Malcolmum peperit tres filios Reges, Edgarum, Alexandrum, & David patrem Henrici; & duas sorores eorum, Mathildem prædictam Anglorum Reginam, & MARIAM, quam habuit COMES BONONIAE, frater Ducis Godefredi, EVSTACHIVS.*

In Genealogijs. *Balduinus de Auennis: GERBERGA vero filia KAROLI, fratri Lotharij, peperit HENRICVM seniorem de Bruxella. Et hic HENRICVS genuit Henricum, Lambertum, & MATHILDEM, quæ Comiti de Bolonia EVSTACHIO peperit EVSTACHIVM & Lambertum. EVSTACHIVS vero ex IDA, filia Godefredi Ducis Lotharingia, genuit GODEFRIDVM de Bullonio, postea Regem Ierusalem; & EVSTACHIVM, qui de filia Regis Scotie MARIA genuit MATHILDEM, quæ STEPHANO filio Stephani Comitis Blesensis peperit MARIAM. Ex hac autem MARIA, postquam monialis facta est & Abbatissa, propter defecatum heredum Boloniensem, genuit MATHAEVS, frater Philippi Comitis Flandriæ, duas filias; & reuersa est vxor sua dicta MARIA ad suum Monasterium.*

Idem Balduinus alio loco: *Hic igitur GODEFRIDVS (Dux Lotharingia & Brabantia) postquam Ducatum tenuerat XLVII. annis, mortuus est anno Domini M.C. XC. cui successit filius eius HENRICVS. Albertus factus clericus, & postea Leodiensis Episcopus, occisus est iuxta ciuitatem Remensem. HENRICVS itaque Dux uxorem duxit MATHILDEM, filiam Comitis Bolonienfis MATTHAEI, Philippi Comitis Flandriæ germani; ex qua genuit duos filios, & tres filias. Primogeniti nomen HENRICVS, alterius Godefridus. Filiarum primogenita MARIA Imperatori nupsit OTTONI; secunda nomine AELIDIS Comiti Aluerniæ GVILLELMO; tertia nomine MATHILDIS Comiti Hollandiæ Florentio, strenuo militi pro tempore suo: qui iuuenis mortuus est in torneamento apud Bouos.*

L A M P A S . I X.

*Quarituer an EVSTACHIVS II. Comes Bononia ex IDA
uxore tres dumtaxat filios genuerit, an vero quatuor.*

*Ternarius filiorum numerus probatur:
Primo, ex Actis publicis.*

PRIMA charta pro Ecclesiâ S. Petri Bulloniensis: Ego GO-
DEFRIDVS, legitimus successor & heres Ducis GODEFRI-
DI Barbati, filijque eius potentissimi, & iustissimi Ducis GO-
DEFRIDI auunculi mei, &c. hanc meam intentionem cùm re-
tulisse matri mee IDAE, prædicti Ducis filiæ, & FRATRIBVS MEIS,
BALDVINO & EVSTATHIO, &c. Actum publicè Bulioni anno Do- Anno
minicæ incarnationis M. XCIV. indict. II. 1094.

II. Pro Monasterio Affligemensi: Ego IDA, Boloniensis Comitissa, Cap. 119.
humilis Christi ancilla, notum fieri cupio, &c. Igitur in alodo meo & vil-
lā, que vocatur Genapia, pro salute anime mee, patris quoque mei Ducis
GODEFRIDI, & Comitis EVSTATHII Domini mei, Ecclesiam, cum de-
cimis & vniuersis eius redditibus, perpetuo iure tenendam dedi supradictis
Fratribus, in idipsum FILIIS MEIS, GODEFRIDO, EVSTATHIO, &
BALDVINO, mihi cooperantibus, &c. Factum est autem hoc anno Anno
M. XCVI. indict. IV. anno profectiōnis Christianorum contra Paganos Ie- 1096.
rusalem.

III. Pro Monasterio S. Bertini in Artesiâ : Ego IDA, Boloniensium In Cod.
Dei gratiâ Comitissa, notifico tam futuris quam præsentibus quibuslibet, donat.
quod ob salutem animæ mee, nec non pro animâ Domini mei Comitis EV-
STATHII, & pro incolumitate filiorum meorum, EVSTATHII, GODE-
FRIDI, & BALDVINI (qui contra Paganorum incursus ex præcepto Apo-
stolico Hierosolymam profecti sunt) omnes consuetudines, & Comitatum,
& quidquid ad me pertinebat de terra, quam Ondigiz & Berewoldus Deo
& S. Bertino ad eleemosynam pauperum tradiderunt, dono Lamberto Ab-
bati, &c. Actum in Villa Merck anno Domin. incarn. M. XCVIII. in- 1098.
dictione prima.

IV. Pro Bertinianis iterum: Ego EVSTATHIVS, Dei gratiâ Bono- Cap. 75.
nensis Comes, notum facio tam futuris quam præsentibus quibuslibet, ad
salutem animæ mee, nec non per omnia patris mei Comitis EVSTATHII,
matrisque mee IDAE Comitissæ, & fratrum meorum GODEFRIDI Hie-
rosolymitani Regis, atque BALDVINI, qui ei in Regno succeſſit, terram
H 2 quam

60 AD VINDICIAS HISPANICAS

Anno
1122.

quam beatus Bertinus infra ministerium de Merck pertinet, &c. Huius autem libertatis concessio facta est à me EVSTATHIO apud Capellam, post redditum meum ab Hierosolymis anno XX. Dominicæ autem incarnationis M. C. XXII. indit. XV.

Totis illis viginti octo annis, ab anno nempe M. XCIV. ad M. C. XXII. trium dumtaxat Eustathij & Idæ filiorum mentio fit in antiquis instrumentis, quibus derogari fidem nemo cordatus velit.

Probatur II. ex tribus Vitis sanctæ Idæ, Bononiensis Comitissæ, XIII. Aprilis.

Ex Hagio-
logio Ru-
beæ vallis
p. i.

Ex prioris capite primo: Fuit quædam virgo nobilissimâ exorta prosapiâ, insignis adolescentula nomine IDA, cuius pater, nomine GODEFRIDVS, primus apud Imperatorem extitit, & Comes Ardennensis claruit: mater vero eius non minus nobilis DODA vocabatur. Eo autem tempore inclitus Comes Boloniae nomine EVSTATHIVS, filius EVSTATHII & MATHILDIS Bruxellensis Comitissæ; cuius secundi EVSTATHII uxor sancta IDA effecta est. TRES ex eâ FILIOS genuit, videlicet GODEFRIDVM, BALDVINVM, & EVSTATHIVM. Horum GODEFRIDVS post mortem auunculi sui GODEFRIDI GIBBOSI maiorem partem Brabantie possedit, & postmodum electus est Rex & Princeps in Hierusalem, postquam terra sancta recuperata fuit à Christianis; ac post eum frater eius BALDVINVS: qui multis claruerunt victorijs contra perfidam gentem Saracenorum.

Ex ms.
Ultraiecti-
no S. Sal-
uatoris.

Ex alterius Vitæ breuioris capite item primo: Eo autem tempore Comes Boloniae nomine EVSTACHIVS, cuius uxor IDA effecta est; ex eâ TRES FILIOS genuit, EVSTACHIVM, GODEFRIDVM, atque BALDVINVM.

Ex ms.
Soc. Iesu
Brugis.

Ex tertiae prolixioris lectione primâ: Recepta namque ut decuit honorifice [S. Idæ] copulata est Comiti Boloniae, scilicet EVSTACIO, pro more Ecclesiæ Catholicæ. Celebratis igitur nuptijs solemniter, venerabilis IDA, quæ Dei erant curiosa, sub CONSULARE dignitate, amabat fideliter; quæ mundi autem videbantur, non inquirebat pertinaciter: seruato nempe castè coniugio coram Dei clementiâ, TRES FILIOS genuit. Primus fuit EVSTACIVS, vir potens, & in omnibus actibus sæculi ac religione laicali egregius: iste vero patris imitans nobilitatem, & ut notum est, tenuit hereditatem viriliter. Secundus quippe fuit GODEFRIDVS, aui sui vocabulo & possessione Dux vocitatus; qui, Deo propitiante Turcis triumphatis, sub nouâ gratiâ Rex primus fuit in Hierusalem prædestinatus. Huic autem natu posterior, sed non minus in actu potentiaque potentior, fuit ter-

tius

LAMPADES HISTORICÆ.

61

tius bonæ memorie BALDVINVS, Acconensis ciuitatis eidemque subiacentium Proconsul & Dominus; ac demum, post obitum fratris sui GODFRIDI, ut Regis vices expleret, honore regio ditatus: quo regnante omnis Hierosolyma in cursu malo descendit ad ima. Factum est autem, cum tantorum venerabilis IDA mater esset filiorum, adhuc illis in cunabulis iacentibus, non sinebat alienis, sed proprijs lac dare vberibus, timens ut prauis contaminarentur moribus.

Probatur III. ex antiquis Genealogijs.

Ex Genealogiâ ante annum M. C. scriptâ, quæ legitur ad cal-
cem Chronicorum Hugonis Floriacensis, quod Petrus Monachus
descripsit anno M. CC. XXVII. & S. Quintino de Monte in Vero-
manduis obtulit: GERBERGA, soror Ermengardis, genuit Henricum se-
niorem de Brussella, Comitem Lambertum, & MATHILDEM. Hanc Ma-
thildem duxit uxorem Comes EVSTACHIVS DE BOLONIA, & genuit
ex eâ duos filios, Eustachium & Lambertum. EVSTACHIVS accepit fi-
liam Godefredi Duci IDAM nomine, genere nobilem & moribus; & ge-
nuit ex eâ TRES FILIOS, EVSTACHIVM, GODEFRIDVM DUCEM
* NVNC Lotharingia, & BALDVINVM.

Seruatur
Brugis in
biblioth.
Soc.Iesu.

Ex Genealogiâ S. Arnulphi Metensis: Mathildis, filia Gerbergæ, ge-
nuit Eustachium Comitem Boloniensem, & Gerbergam Friderici Duci
uxorem. Eustachius Comes genuit Balduinum Regem Hierusalem, Gode-
fridum Ducem, & post Regem Hierusalem, ex IDA.

* Nota
atatem
Auctoris.

Ex aliâ Genealogiâ Ducum Lotharingiæ & Brabantiae, quæ desi-
nit in Ioanne III. Duce: EVSTACIVS Comes Boloniensis genuit ex san-
cta IDA EVSTACIVM Comitem Boloniensem, & GODEFRIDVM Du-
cem Lotharingia, & BALDVINVM.

Ex Codice
Niuel-
lensi.

Probatur IV. ex aequalibus finitimis, alijsq; proba fidei Scriptoribus.

GVIBERTVS Abbas Nouigenti, in Laudunensi pago, à Bono- L. 2. c. 12.
Gniensi haud multum distante, qui scripsit regnante Balduino
Godefredi Bullonij fratre: *Dux GODEFRIDVS, Eustachij Boloniensis
Comitis filius, duos habuit fratres, BALDVINVM, qui Edeffene virbi
præfuit, & post ipsum fratrem Rex effectus Ierosolymæ * NVNC usque ** Nota
*regnat; & EVSTACHIVM, qui paterno Comitatui * PRÆEST. Hi pa-*
*trem habuerunt potentem, & secularis ingenij virum; sed & matrem lit-
teris quidem, nisi fallor, eruditam; sed potissimum ingenitâ serenitate, &*
H 3 magna

magnâ erga Deum animi deuotione præstantem, cuius diutinæ religioni debentur tam spectabilium, ut credimus, gaudia filiorum.

Ordericus Vitalis, natione quidem Anglus, sed Uticensis in Franciâ Monasterij alumnus, qui Historiam suam ad annum usque M. C. XLI. perduxit, sic de Eustachio II. Consule seu Comite Boloniensi: *Generosam & religiosam nomine ITAM habuit uxorem, Godefredi Lotharingiae Ducis sororem, quae peperit ei TRES FILIOS, GODEFRIDVM, BALDVINVM, & EVSTACHIVM; & FILIAM, quae nupsit Quarto Henrico Imperatori Allemanorum.*

Lib. 4. ad
an. 1067.
Lib. 9.
Cap. 18.
Cap. 103.
Cap. 3.
In Chron.

Idem alio loco: *EVSTACHIVS enim Boloniensis Comes, qui cum Guillelmo Senlacum in Angliâ bellum peregit, ITAM sororem GODEFREDI Lotharingiae Ducis uxorem duxit, ex qua GODEFRIDVM, & BALDVINVM, & EVSTACHIVM genuit: quos gratia Dei diutius & virtutibus in hoc saeculo multipliciter honorauit; præcipueque in expeditione Hierosolymitanâ probauit, corroborauit, atque sublimauit.*

Lambertus Ardensis, Bononiæ finitus, qui suam Historiam absolvit anno M. C. LXXXI. hoc de S. IDA reliquit elogium: *Lotharie Ducis Godefredi quondam filia, Boloniensis Comitis EVSTACHII quandoque vidua, GODEFRIDI & BALDWINI Regum Hierosolymorum, & EVSTACHII nobilissimi Comitis mater. Alio item loco de Arnoldo Ardensi Domino sic loquitur: Torneamenta diligendo, & ardentissime frequentando, multis in regionibus notus, Boloniensi Comiti EVSTATHO, nobilissimæ prolis, EVSTACII videlicet, GODEFRIDI, & BALDWINI auctori & patri, notissimus fuit & familiarissimus.*

Historia vetus ms. Cœnobij Broniensis in Comitatu Namurenensi: *De cuius germine [militis Heliæ] Lotharingorum Duces egressi, GODEFRIDVM Bullionis Ducem, & BALDVINVM Regem, & EVSTACHIVM Comitem, felices & strenuos in armis fratres, & Saracenorum expugnatores effuderunt; quorum gesta Robertus Abbas Remensis styllo Tulliano describens, rutilo sermone conclusit. Horum igitur SORORIS filius MANASSES extitit, castrum & oppidum quoddam HIRGIAM nomine, villas & redditus satis tenues, quantum ad tantæ claritatis virum, possidens.*

Albericus ad annum M. LXXVI: *GODEFRIDVS iuuenis, frater BALDWINI & EVSTACII, per matrem IDAM factus est heres Bullonij.*

Idem Albericus ad annum M. XCVI: *IDA Bononiensem Comitissam tradidit Affigemio Ecclesiam, quæ est in villa Genapia, cum decimis & uniuersis eius redditibus, consentientibus filiis suis, GODEFRIDO Duce Bullonij, & EVSTACHIO, & BALDWINO. Idem GODEFRIDVS Dux filius eius in eadem villa quinque mansos Affigemienſi Monasterio tradidit,*

tradidit, ad quos ipsa posteā quasdam partes circumiacentes, plenē vnum mansum continentes, in augmentum concessit.

Magnū Chronicum Belgicū de Godefrido Barbato Duce:
Genuit GODEFRIDVM Gibbosum Ducern, & sanctam YDAM, matrem GODEFRIDI, EVSTACHII, & BALDVINI, fratrum Boloniensium.

Gerbrandus Leydensis de Godefrido Gibboso Duce: *Habebat so-* L.14. c.4.
rorem S. YDAM nomine, quæ erat matrimonio iuncta EVSTACHIO Co-
miti Boloniensi; cui genuit TRES FILIOS, scilicet GODEFRIDVM de
Bullion, BALDVINVM, & EVSTACHIVM. Hac antiquorum canâ
fide, meo iudicio, testatoria adferri non possunt.

Pro numero filiorum quaternario testimonia.

VILLELMVS Tyri in Syriâ Archiepiscopus, qui anno M.C. LXXIV. res in Oriente annis octoginta quatuor gestas descripsit, de Godefrido Bullionio loquitur in hunc modum: *Fuerant porrò huic TRES ex utroque parente FRATRES; quibus & morum dignitas, & virtutum præstantia, tanti Principis dabat esse germanos: Dominus videlicet BALDVINVS Comes Edessanus, qui eidem posteā successit in Regno: Dominus quoque EVSTACHIVS Comes Boloniensis, qui in bonis succedens paternis, post patrem obtinuit Comitatum. Tertius fuit Dominus WILELMVS, vir inclitus, à paternâ & fratrum simul honestate & strenuitate non degener. Duo primi Dominum & fratrem suum in expeditione secuti sunt, tertio domi remanente.* L.9. c.5.

Historia Willelmi Tyrij annis abhinc benè trecentis Gallicè versa, & in pergameno descripta, cuius duo exemplaria seruantur Bruxellæ in Bibliothecâ regiâ, sic de Godefrido Bullionio: *Il ot III. freres, qui estoient moult sages & bons cheualiers. Li vns fu BAVDOIN, qui fu Cuens de * Roars, qui fu Roys apres luy. Li segons fu ESTACES, qui portoit le nom son pere, & fu Cuens de Boloigne. Li tiers fu GVILLEME, vaillant, prous, & loiaus: ne ne se descordoit mie de la bonté à ses frères. BAVDOIN & ESTACES suivirent lor Seignor & lor frere el pelerinage d'outremer. Li tiers fu GVILLEME, qui demort en son pay, pour garder sa terre.* * al. Ro-
bes,

Latina Tyrij exscripsit S. Antoninus Florentinus, qui obiit anno M. C.D. LIX. sic vt eius testimonium idem cum Tyriano censeri debear. Itaque iam percontor, cui potior adhibenda fides, an Tyrio soli, homini Asiatico, ac de rebus Occidentis parum instructo; an tot alijs insignibus ex eadem cum illis Principibus regione viris; nec non & patibus ætate testimonij, actisque publicis: quorum fidei adiungas

adiungas velim, nec Bononiæ, nec vllibi terrarum, vlla illius Guillelmi Bononiensis germana superesse monumenta. Hic elicere malui aliorum sententias, quâm meam ptonuntiare. Statuant illi, quos in summo doctrinæ gradu Minerua collocauit.

L A M P A S X.

Ius PHILIPPI IV. Regis Catholici ad Comitatum Bononiensem.

Meyerus
ad an.

1307.
Chesne de
Vrb.Fran-

ciaæ c. 11.
Meyerus
an. 1075.

Chroni-
cum Ber-
tinianum.

Chesne
Guise
l.2. c.6.

Oliu. Vre-
dius in
Sigillis
Com.
Fland.

Donat.
piar. cap.
104.
Ad an.
1237.

BONONIA Belgicæ secundæ ciuitas pertinebat olim ad Comitatum Flandricum; sed per calliditatem Gallorum alias que partitiones hereditarias auulsa fuit. Eustachius II. Bononiæ Comes, Godefridi Bullionij pater, Bononia tenuit in fide & clientelâ Comitum Flandriæ. Rinaldus Comes de Domno-Martino, IDAE Bononiensis Comitissæ sponsus, pro Bononiensi Comitatu fecit hominum Balduino IV. Comiti Flandriæ.

Sed auulsa postmodum fuit à Flandriæ Comitatus corpore Bononia: quod quando & quâ ratione factum paucis aperiâm. Philippus Alsatiæ Flandriæ Comes anno M. C. L X X X. ISABELLAE nepti suæ nubenti PHILIPPO Augusto Francorum Regi ARTESIAM dedit cum supremo iure clientelæ, quo BONONIENSIS, S. Pauli, & Guisnarum Comites, Comitibus Flandriæ adstringebantur: à quibus nuptijs Artesiæ Principatus petenda est origo. Primus itaque Artesiæ à Flandriâ separatæ Dominus fuit Philippus Augustus Francorum Rex per Isabellam, Balduini Hannoniæ Comitis & Margaretæ Flandriæ filiam, cui matrimonio iunctus fuit.

Isabellâ postmodum defunctâ, filius eius ex Philippo Augusto Ludouicus VIII. Rex, secundus Artesiæ Dominus agnitus est: qui deinde moriens anno M. CC. XXVI. ROBERTO filio suo tertio genito adhuc impubi Artesiam testamento reliquit; quod anno M. C C. XXXVII. S. Ludouicus IX. Rex Roberto fratri suo confirmauit, & de novo concessit diplomate, quod Miræus edidit; eiusque summam sic refert Albericus: *Apud Compendium in octauis Pentecostes, in praesentia Regis, & omni frequentia nobilium Franciæ, frater eiusdem Regis ROBERTVS cingulo militiae de novo accinctus, nuptias suas celebravit cum MATHILDE filia Ducis Brabantæ; & Rex dedit ei COMITATVM ATREBATENSEM, & Sanctum Odomarum, & Ariam, & cetera de matre Domini Ludouici patris eius sibi contingentia.* Inde porro ROBER-

ROBERTVS ille ab Historicis *primus Artesiaæ Comes* nuncupatur, qui ex Mathilde, filiâ Henrici II. Brabantiaæ Ducis, filium reliquit ROBERTVM II. Artesiaæ Comitem, à quo deinde alij Comites prodiere.

Ab illâ igitur ætate Comites Atrebates pro clientibus habuerunt Comites BONONIENSES, sancti Pauli, & Guisnenses. Nilominus Ioannes Biturigum Dux, copulatâ sibi Ioannâ Bononiae Comitissâ, LUDOVICO MALANO, Flandriæ & Artesiaæ Comiti, hominum pro Bononiensi Comitatu præstare recusauit. *Incidit contentio,*
inquit Meyerus, *inter LUDOVICVM & IOANNEM Biturigem de Co-*
mitatu BONONIAE, quem iure uxorio tenebat Biturix. Atrebates & Bo-
nonia ad corpus Flandricum olim pertinebant. Possederunt longo tem-
pore Comites Bononiae suam ditionem in fide & clientelâ Comitum Atre-
batum. Nunc autem natalium suorum splendore superbiens Biturix, soli
volebat fidem præstare Regi: Ludouicus autem Comes Atrebas id sibi iure
fieri debere contendebat. Eò discordia controversia processit, ut pugionem
suum Biturix Ludouico in pectus projiceret: accidit in die festo Epiphaniae
Domini: eoque ex vulnere, tertio post die, Ludouicus obiit: Consentit
plenæ auctoritatis Chronicum vetus Flandriæ M S. quod seruatur
Bruxellæ in Bibliothecâ regiâ: Le Comte Loys mourut à Saint Bertin
l'Abbaye; car le Duc de Berry luy ietta sa dague en son cœur, pource que
il ne le vouloit laisser possésser le Comté de BOULOGNE, dont il auoit
espousé la Dame; & le Comte vouloit qu'il luy en faisist hommage comme
appartenoit; & cela ne vouloit point faire. Scelus atrox, cuius causâ
Comitatus Bononiae ad directos feudi Dominos Artesiaæ Comites,
Ludouici iniquissimâ cæde pereempti successores, redire pleno iure
debuit. Si enim vasallus morti Domini veneno, vel gladio, vel aliter
insidiatus fuerit, beneficium amittit. Sed addit paulò infra Meyerus:
Tecta & dissimulata videtur cædes à Biturige facta: quis enim vindi-
casset? Burgundio [PHILIPPVS AVDAX] Biturigis frater latus in tantas
successit opes.

Primus itaque ex Ludouici Malani successoribus, qui iure suo in Bononiam usus est, nec Turrianos pro Bononiae Comitibus agnouit, fuit PHILIPPVS BONVS Burgundiaæ Dux; quippe qui Comitatum illum pacifice possidebat anno M. C D. XXXV. tam ex iure ob Biturigis noxam, qui ius clientelare violauerat, Maioribus suis quæsito, quam alio antiquiori à Brabantiaæ Ducibus deriuato; quod hic explicare placet præmissis gradibus genealogicis, qui lucem dabunt meæ ratiocinationi.

Lib. 13.
an. 1383.

Lib. 2.
Feud. tit.
24.

Stemma Comitum Bononiae ex Brabantinâ stirpe.

13. MARIA Comitissa Bononiæ, vxor Matthæi, filij
Theodorici Comitis Flandriæ.

14. IDA Comitissa Bononiæ, vxor Rainaldi Comitis de Domno-Martino. 14. MATHILDIS, vxor Hen-

15. MATHILDIS II. Comitissa Bononiæ, nupta Philippo Comiti Clarimontis, ac deinde Alphonso Lusitano; sed cum isto sine liberis: ob. 1258.

16. IOANNA Philippi & Mathildis filia, vxor Galcheri de Castellione: ob. ante matrem sine liberis.

15. HENRICVS III. Dux Brabantiae: obiit 1247. vxor Maria, Philippi Imp. filia.

16. HENRICVS III. Dux Brabantiae, Comes Bononiæ: obiit 1260. vxor Aleydis Burgunda: à quibus alij Brabantiae Burgundiae que Duces, & Hispaniae Reges.

15. MARIA Comes Bononiæ, vxor Othonis IV. Imper. ob. anno 1259. sine liberis.

16. MATHILDIS, vxor Roberti I. Artesiae Comitis, mater secundi; nupta deinde Guidoni Comiti S. Pauli.

15. ALEYDIS, vxor Guillelmi Com. Aluerniæ, deinde Arnoldi de Wese-mael.

16. ROBERTVS I. Comes Bononiæ & Aluerniæ, à quo alij, qui ad Comitatū Bononiæ ius obtinerunt, Aluer-ni & Turriani.

MA THILDE II. Bononiensi Comitissâ sine liberis diei suum obeunte, Bononiæ Comitatus iure ordinario devoluebatur ad Henricum III. Ducem Brabantiae, Henrici II. Mathildis defunctæ consobrini, filium: quo nihilominus posthabito, Pares Curiæ Atrebatenſis Bononiæ possessionem adiudicarunt Mathildi Brabantæ, sorori Henrici II. Ducis, tunc S. Pauli Comitissæ, collatâ ipsi gratiâ illâ; propterea quod Roberti II. Comitis Artesiae ex priori marito mater erat. Illâ tamen Senatus Parisiensis decreto postmodum exclusâ, adscripta fuit Bononia Mariæ Brabantæ, Othonis IV. Imp. vxori; quia, ut aiebant, *Atrebatenſis consuetudo locum non dabant representationem.*

Hæc autem Maria Imperatrix prole carens totum in Bononiam ius suum transtulit in Henricum III. Brabantiae Ducem, suum ex fratre nepotem. Cessionis instrumentum edidit Christophorus Butkens ex Archiu Brabantiae; & in hanc quidem formam:

MARIA Dei gratia quondam Imperatrix Romanorum, universis praesentes litteras inspecturis salutem in omnium Salvatore. Universitatem vestram scire volumus, quod Nos Illustri Principi, karissimo fratreli nostro,

Miratus in Chron. pag. 264. Chesne Chastillon, l. 3. c. 3. & s.

In Trophaeis Brabantiae, Probat. p. 75.

LAMPADES HISTORICÆ.

67

nostro, HENRICO Duci Lotharingiae & Brabantiae, quidquid iuris habemus, vel habere poteramus in Comitatu & terra BOLONIAE, cum omnibus pertinentijs suis, per successionem hereditariam, ex morte Dominae MATHILDIS, olim Comitissæ dicti loci, filia materteræ nostræ, libere & absolutè contulimus, nihil iuris nobis in ijsdem bonis referuando, vel in posterum reclamando. Promittimus insuper, quod ad Curias & Dominos, de quibus dicta bona descendere dignoscuntur, quotiens à p̄fato Domino DVCE fuerimus requisitæ, instabimus, laborabimus, & intendemus bonâ fide, sicut pro nobismetipsis, quod prælibatus Dominus Dux in hac parte ius suum plenariè assequatur, & prædicta bona totaliter possideat, tamquam HEREDITATEM SVAM, pacifice & quietè. In cuius collationis & promissionis testimonium & firmitudinem, sigillum nostrum præsentibus duximus apponendum, adhibitis his testibus, Arnoldo Domino de Wesemale, Domino Gerardo de Marbaix, Domino Roberto de Hoesden, Domino Henrico de Hautem, Domino Henrico & Domino Ioanne de Filfordia, & alijs. Datum & actum apud Atrebatum mense Februario, Feria quintâ post octauas Purificationis B. Virginis, anno Domini An. 1258.
M. C. C. L V I I I.

Mortuâ deinde Mariâ Imperatrice, soror eius Aleydis, vidua Willelmi Comitis Aruerniæ, vxor tunc Arnoldi Wesemali, ius etiam omne, quod in Bononiâ habere poterat, transtulit in iam dictum Henricum III. Brabantiae Ducem, suum pariter nepotem. Hæ sunt Probatio-
cessionis litteræ, quas laudatus Butkens euulgauit.

num pag.
98.

ERNOV L Cheualier, Sire de Wesemale, & ALIZ, que fu Contesse d'Anuergne, sa femme, à touz cheux qui ces lettres verront & orront salut. Nous faisons à sauoir à touz cheux qui sont, & qui à venir sont, ke pour l'espécial amour que nous auons à nostre chier Signeur LE DVC de Lorreigne & de Brabant, & pour le grant biens que nous afaet, & pour les dons que nous a donne, & mement pour la grant mise qu'il a faet apré le Contey de BOLOIGNE, pour nostre droet aporchacer, auons regardé à leauté, que NOVS LI DONNONS LA CONTEY DE BOLOIGNE, & les appartenances, A LVY ET A SES OERS, tout le droet que nous y auons, & que auoir pouons, & que eschou est sur NOE ALIZ devant ditte de part ma chier seur MARIE, que fu Emperis jadis, que eschoet li estoit de par nostre cousine germaine la Contesse MAHAVT DE BOLOIGNE: & li donnons TOVT ENTIEREMENT en fruitz & en profiz, & en quant que eschoer peut sur la Conté, & quant que nous li poons donner A LVY, & à un de SES OERS, quel que voudra, en fief & en hommage heritablyment à tous iours, la quinte partie de cele Conté, ou la quarte, ou la terche, ou pour moins de la moitié, ou plus, se

I 2

nous

nous faire le poons, tout ensi que il nous requerra, & toutes les foes qu'il nous en requerra, à tenir de nous, ou del Signeur dont la terre meut, lequel que luy plaira, & deuons aleir pour requerre cele Conté, par tout là où il nous voudra meneir à son coust, & deuons faire & dire quant que bon lui semblera par lui ou par son Conseil, & enchartreir toutes les foes que il voudra, soit en la Court le Roy de Franche, soit en la Court d'Artois, soit en la Court de Teroeane, ou en autres lieus, se besoigne estoit; ne ne deuons faire, ne dire, ne enchartreir, ne auoer fait chose, ne enchartreir que greueir puist ne doie à nostre Signeur le Duc deuandit, ne à ses oers, des conuenances que deuant sont dites. Et pour che que ces conuenances soient fermement tenus à nostre Signeur le Duc, nous obligons enueirs luy de ceu que deuant est dit, sour peine de deus cens mil liures de Parisis, que il & ses oers nous porront demandeir, si nous venons encontre les choses que deuant sont dites, & obligons nous & nos biens quant que nous auons & auer poons, & quel heet nous & eschoer nous puet, & en queill lieu que ce soit. Et ce don & ces conuenances auons nous iuré seur seint, & fanché corporeauement, à tenir bien & leaument; & à ce tenir fermement, renonchons à exception de priuilege de crois & de Cheualerie, & à tous priuileges donnés & à donner, & à tous autres exceptions & aides de droet & de faet que nous pourrent auoir eu, soit deuant iuges de Seinte Eglise, soit deuant iuges seucleirs, & que pourent greueir à nostre Signeur le Duc deuant dict & à ces oers. Et pour ce que chi don & ces conuenances soient fermes & estables, nous auons ceste charte presente saelée de nos seals. Che fu faet l'an del Incarnation Iesu Christ M. C C. L X. le Lundy enpres la fieste Seint Barnabé.

An. 1260.

Tabulas easdem edidit quoque Christophorus Iustellus in Historia Comitum Aluerniæ; sed adiecit præterea hancce chartam:

Probat. *Vniuersis præsentes litteras inspecturis ROBERTVS COMES ALVER-*
P. 52.53. NIAE salutem. Noueritis quod nos conuentiones factas inter DOMINVM
55. NOSTRVM HENRICVM DUCEM Lotharingiae & Brabantie ex parte
vnâ, & Nos ex alterâ, DE COMITATV BOLONIAE, cum suis perti-
nentijs, de quadraginta millibus libris Paris. soluendis à nobis dicto Domi-
no nostro Duci statutis terminis, sicut in litteris super hoc confectis plenius
continetur, promittimus, iuramento præstito corporali sine fraude & dolo,
firmiter obseruare. Et si contigerit Arnoldum de Wesselale decedere ante-
quam cum Domina ALEYDE Comitißâ Aruerniæ, uxore suâ, Comitus
& terræ BOLONIAE habeat inuestituram; Nos sub dicto iuramento labo-
rabimus cum omni diligentia, ut ipsa Domina MATER NOSTRA ipsam
habeat inuestituram, & nos postmodum per eamdem: & iam ex tunc, post-
quam inuestiti fuerimus, præfatus Dominus DVX noster de dictis quadra-
ginta

ginta millibus lib. Paris. habebit pagamentum à nobis , sicut in litteris dictarum conuentionum plenius continetur. In cuius obligationis & rei testimonium, sigillum nostrum proprium præsentibus duximus apponendum. Datum apud Falebeke die Martis post Purificationem Beatæ Virginis , anno An. 1260.
Domini M. CC. LX.

Henricus III. Dux Brabantiae è viuis excessit illo eodem anno M. CC. LX. vt videre est in eius Epitaphio Louani in templo S. Dominici : adeoque illi persoluta non est ea summa pro tantâ ditione perexigua ; pro quâ Ioannes I. Dux Brabantiae , filius eius , anno M. CC. LXXV. litem adhuc habebat cum Roberto Comite Aruer- niæ: qui Robertus obiit anno sequenti M. CC. LXXVI. Illam autem summam à nemine persolutam arguimento est, quod Philippus Bonus Burgundiæ Dux, & Atrebatum Comes, aucti iuris conscius, Bononiæ adiuerit possessionem. Cuius aditionis aliam præterea causam adfert Ioannes Dauffayus, Betuniensis Artesius, in libro ms. de Verâ & legitimâ successione Mariæ Burgundiæ aduersus Ludouicum XI. Franciæ Regem: *Quia, inquit, Comitatus BONONIAE reuersus erat ad eius manus ob defectum clientelaris professionis, aliarumque debitiorum haud præstitarum, post iniicias & legitimas interpellationes.* Eius autem Philippi Boni iuris & possessionis extat hæc mentio in pacto Atrebatenſi , anni M. CD. XXXV: *Item quia dictus Dominus Dux Burgundie ius sibi vindicat in Comitatum BONONIAE IVXTA MARE, quem nunc tenet ac possidet; & pro bono pacis, dictus Comitatus erit & manebit dicto Domino Duci Burgundiæ, & eo fruetur in omnibus prouentibus & emolumentis, pro se, & LIBERIS suis MASCVLIS de suo corpore procreatris solummodo.* Et postmodum erit & redibit ille Comitatus ad eos , qui ius ad illum habent, aut habebunt. Et debebit Rex componere cum dictis prætendentibus , & illis satisfacere; ita ut ipsi interea nihil de eo petant , aut controuersiam moueant , nec lite persequantur dictum Dominum Burgundiæ Ducem, vel masculas eius proles. Artic. 25.

Ille qui tunc obtendere ius dicebatur ad Comitatum Bononiensem erat Bertrandus de Turre , filius Mariæ Comitissæ Aluerniæ, quæ iactabat se successisse iuri Ioannæ Bituricensis Ducissæ; quod tamen, si quod fuerat , amissum palam est , tum ob capitalem noxam mariti sui Ioannis Biturigum Ducis , tum ob defectum præstiti Comiti Artesiæ hominij.

Ceterum mirari subit Carolum VII. Regem , stirpe Valesiâ , qui ad Comitatum Bononiæ nullum ius habebat, illum Atrebatenſi puto solis masculis Philippi Boni Burgundiæ Ducis addicere voluisse, qui toties ad feminas deuolutus fuerat : illam idcirco iniquam conditionem

AD VINDICIAS HISPANICAS

70

ditionem emendauit postea Ludouicus XI. Rex fœdere Confluentino, quod cum Carolo, Cadilegij Comite, Philippi Boni filio, pepigit anno M. C D. LXV. in quo hæc habentur: *Insuper, cùm Atrebatenſi pæto inter alia constitutum fuerit, ut Comitatus Bononie effet & maneret dicto noſtro auunculo Duci Burgundie [Philippo Bono] & PROLIBVS eius MASCVLIS ex ipſius corpore procreatib; & quod dictus Dominus & parens noſter [Carolus VII. Rex] teneretur eos remunerare qui ius in il- lum obtendunt; Nos ob has causas, & absque pacti Atrebatenſis reſcicio- ne, conſenſimus & declarauimus, conſentimus & declaramus dicto fratri & cognato noſtro [Carolo Comiti] ut ipſe, & LIBERI eius, tam MA- RES quam FEMINAE, ex ipſius corpore in matrimonio procreatib; eorum vita durante tantum, poſſideant, & poſſidere poſſint dictum BONONIAE COMITATVM, formâ & medio, quo dictus frater & cognatus noſter pa- cto Atrebatenſi illum poſſidere potuit; & illo liberè ut fundo proprio frui. Ad quod eorum conſenſum procurabimur, qui in illum Comitatum ius ob- tendunt; tenebimurque illis ſatisfacere, dictumque fratrem & cognatum noſtrum, eiusque liberos pacatos ſeruare.*

Carolo postmodum Burgundie Duce & Comite Bononie apud Nanceium cæſo, Tres Ordines Comitatus Atrebatenſis, BONO- NIAE, & sancti Pauli, cum alijs omnibus Belgicarum Prouinciarum Or- dinibus, conuenerunt in vrbe Gandauensi, ubi Dominam MARIAM, Ca- roli Ducis filiam & heredem unicam, exceperunt, & palam agnouerunt pro Domina, Comitissa & Principe naturali dictarum Prouinciarum: ubi etiam inter alios coram adfuere, & vna cum alijs subſcripsere, Consul & Scabinus unus ciuitatis Bononiensis.

Nihilominus contra fidem ritu ſolemni ſirmatam Ludouicus XI. Rex Bononiam occupauit, quæ ad Mariam, Caroli filiam, vel vi ſola Confluentini fœderis attinebat: rem ſic enarrat Ioannes Molinetus Burgundie domus Historiographus: *Bononia iuxta mare, muris & fossis mirum in modum munita, ad deditioñem vocata fuit, & arx eius ſimi- liter; quod Centuriones & ciues audire noluerunt. Rex tamen obſidio- nem parari inſiit, & tormenta bellica ſic diſpoſauit, ut ipſi vrbs cum arce dedita fuerit. Rex introgressus publice ſignificauit, quod etiā Bononia per- tineret ad Dominum Bertrandum de Turre, Comitem Aluernie, illam nihilominus pro ſecuritate Regni ſeruare ſibi vellet, cum ſufficienti dicti Turria- ni remuneratione. Comitatus Bononie prius tenebatur in feudum à Comiti- bus Artesiæ; ſed tunc Rex nonum eius Dominum ſe fecit, & hominum pro illo praefuit glorioſa Virginis Deiparæ diſcretus, & flexo genu, in ipſius templo, praefente Abate, Religiosis, Consule, Scabinis, ciuibusque: & pro afferendo illo iure, ante imaginem Deiparæ obtulit cor ex auro puro, quod fo- latos*

Tomo 1.
cap. 41.
an. 1477.

LAMPADES HISTORICÆ.

71

latos aureos bis mille pondebat: mandauitque, ut sui successores Franciae Reges dictum Comitatum deinceps tenerent à Maria Virgine, paremque ipsi facerent oblationem.

Petrus Matthæus, qui eadem refert, scribit Ludouicum XI. fuisse Lib. 8. &
Principem, qui religionem suis aptabat consilijs, non consilia religioni. 11.

Addit Hallianus, illum res quidem specie bonas fecisse, sed iniquâ mente; Deoque & hominibus simulatâ pietate illudere intendisse. Ille igitur in primis Confluentinum fœdus violauit, quo Maria, Caroli Ducis heres vnica, post patris obitum possidere Bononiam debebat. Deinde occupatâ præter ius Bononiâ, & Comitatu Loraguesij Bertrando Turriano, pro iure, si quod in Bononiam habebat, permutatione concessò, Virginì Deiparæ vanâ religionis simulatione obsequium clientelare professus est; quod Mariæ Burgundæ, Artesiæ Comitis, soleanni more præstare tenebatur. Vnde commissi pœnâ ad ipsam Mariam Bononia iterum redire debuit, quæ ad eius Maiores dudum deuoluta fuerat, vt iam ostendi.

Comitatus ergo Bononiensis nullo iure pertinet ad Regem Franciæ, sed perquam optimo ad Philippum IV. Regem Catholicum, Brabantiaæ Ducum & Artesiæ Comitum iustum successorem & heredem: quandoquidem — *sanguine misto*

Texitur alternis è gentibus una propago.

Prudent.
lib. 2. con-
tra Sym-
mach.

L A M P A S X I.

Hispaniarum Catholici Reges merito dici possunt Noni Orbis Apostoli, & ad salutem gentium à Deo destinati. Reges Franciæ non sunt primogeniti Ecclesia filii; nec ijs præcipius supra Reges alios titulus Christianissimi.



V C T O R Vitæ S. Genulfi causas inter, ob quas CARO- Lib. 2. c. 5.
L V S I. Imperator M A G N I cognomentum sortitus est, hanc adfert: *A magnitudine Fidei, quæ religiosus viue- re studuit; & ab excellentia virtutis, quæ GENTIS SAXO- NVM, vel aliarum gentium virtutem stravit, & ex Idololatria Christo credulos fecit.*

Saxonicus Poëta, qui florebat circa annum DCCC. xc, sic de Magno eodem Imperatore:

*Nullus A P O S T O L I C I S tunc iure propinquior illo,
Vt res ipsa docet, C O E T I B V S effo valet:*

Lib. 5. fi.

Nam

AD VINDICIAS HISPANICAS

Nam cùm Iudaico præcesserit agmine PETRVS

Stipatus, cuius dogmate crediderat:

PAVLVS totius, licet si dicere, mundi

Gentes saluatas duxerit ore suo:

ANDREAS populos post se producet Achiuos:

IOANNES Asiae proferet Ecclesiás:

MATHEVS Æthyopes nüeos baptimate factos;

Indorum THOMAS ducet ad astra greges:

Tum CAROLVM gaudens SAXONVM turba sequetur;

Illi perpetuae gloria lætitiae.

Alius Scriptor gente Saxo, qui translationem S. Liborij litteris consignauit, circa annum Christi C M. de eodem Carolo Magno sic verba facit: *Quem arbitror nostrum [SAXONVM] iure APOSTOLVM nominari, quibus ut ianuam Fidei aperiret, FERREA quodammodo LINGVA predicauit. Qui cum toties victoriâ potitus, quoties in procinctu positus, multas sibi gentes, multa Regna subiecit. Constat tamen eum gloriofissimè etiam de diabolo triumphasse, cui tot animarum millia, prius sub eius tyrannide captiua, in conuersione NOSTRÆ GENTIS eripuit, & Christo Domino acquisiuit: à quo illum hoc recipere præmium & confidimus, & optamus, ut fruatur in cælis APOSTOLORVM consortio, quorum functus est in TERRIS OFFICIO.*

Fridericus I. Imperator in diplomate dato Aquisgrani anno Dom. incarnationis M. C. LXVI. de eleuatione corporis S. Caroli Magni: *In fide quoque Christi dilatanda, & in conuersione Gentis Barbaricæ, fortis Atleta fuit, & VERVS APOSTOLVS [Carolus Magnus;] sicut Saxonia, Fresonia, atque Westphalia, Hispani quoque testantur, & Wandali, quos ad Fidem Catholicam VERBO conuertit & GLADIO. Hallucinari Fridericum I. Imp. notat doctissimus Bollandus, quia non conuertit Hispanos Carolus Magnus, sed solum nonnullas eorum vrbes, & quidem ad Regni fines, à Saracenorum manibus eripuit.*

Haud absimilem gloriam Recaredo Gothorum in Hispaniâ Regi Catholico adscriperant Concilij Toletani III. Patres, postquam Gothorum & Sueorum in Hispaniâ Gentem ab Ariana perfidiâ ad Catholicam Fidem conuerterat anno Christi D. LXXXIX. acclamarunt quippe omnes, quod merebatur APOSTOLICVM MERITVM, quia APOSTOLICVM impleuerat OFFICIVM. Vnde Cardinalis Baronius post Concilij Patres haud dissimulanter: *Religiosissimus ipse Rex in conuersione Gothorum & Sueorum APOSTOLI vice functus.*

Quandoquidem igitur Carolus Imperator, ob subactam armis, & mancipatam Christo Saxoniam, cognominatus est *Magnus*, nec non

Cap. 5.
apud Sur.
23. Iulij.

28. Ian.

Baron.
an. 589.
num. 33.
num. 42.

LAMPADES HISTORICÆ.

73

non & Saxonum *Apostolus*; potiori ratione Hispaniarum Catholici Reges censeri debent Maximi, & *Noui Orbis Apostoli*; qui velut filij tonitrii, non vnam *Saxoniam* (etsi Eginartho non modicam Germaniae partem) sed barbaras in Indijs infinito numero Gentes, quæ ferarum ritu lustra potius quam domicilia habebant, non solum certis in sedibus collocarunt, verum etiam ad veram pietatem & religionem traduxerunt: illum autem præcipue AMERICANVM ORBEM anteà incognitum, qui est dimensionis ter mille & quingentarum leucarum communium; & qui OCTODECIM amplissima complectitur REGNA; in quibus tanta opum omnis generis est abundantia, ut uniuersum Orbem perpluat AVRO, ARGENTO, UNIONIBVS, GEMMIS, alijsque rebus innumeris, tum ad humanae vitæ necessitatem, tum ad delicias.

In Vita
Caroli
Magni.

Cl. Cle-
mens in
Dissert.
§.3.& 4.

Argenti quantitas (inquit Alphonsus Douaglia) quæ ex America Lib. 4.c. 4: translata est in Europam, tanta est, ut ex inito millionum, qui classibus sunt aduecti, certo computo; & facta comparatione cum distantiâ, quæ est inter Hispaniam & Americam, repertum sit, ab uno ad aliud extremum fabricari potuisse pontem ex palis argenteis, longis palmos nouem. Et præterea, quod si tota illa argenti vis uno aliquo in loco posset iterum coniri, montem ex illâ, POTOSIO, ex cuius visceribus maximè effossa sunt illæ opes, maiorem posse excitari.

Illa ergo Tua est potentia, PHILIPPE REX MAXIME, in ORBE Pag. 257. NOVO, quem Assessor Gallicus non nisi inuia & deserta loca esse scribit. Illæ sunt vires & diuitiæ Tuæ, ob quas Tibi non solum, vt Carolo primo Imperatori, Magnitas; vt alijs Regibus, Maiestas; verum etiam, vt Arnobij voce vtar, Maximitas, hoc est, Maxima iure per quam optimo competit magnitudo. Thesauri hostium in bonorum à subditis rapinâ consistunt: Tui in ipsâ naturâ radices habent æternas & inexhaustas. In tuis omnibus Regnis, quam latè per vtrumque Orbem extensa sunt, æquum & rectum iudicatur:

Lib. 6.

Nullæ Nobilium cædes, non crimina vulgo
Texuntur; patriâ mœstus non truditur exul:
Non infelices tabulæ, non hasta refixas
Vendit opes, auidusque emptor non voce citatur:
Nec TUA priuatis crescunt AERARIA donis.

Claudia-
nus de
Honorio.

Ad extremum, quia Apostoli, dum viueret, Christo laterales erant, quippe quos (ait Tertullianus) præcipuos Christus Dominus LATERI SVO adlegerat destinatos NATIONIBVS MAGISTROS: quos etiam defunctos Deus præ cunctis terræ Regibus voluit honorari, & ad regia illorum vestibula Imperatores excubare. Sic etiam Catholici Hispaniarum

Lib. 1. de
Præscript.
cap. 20.
Baron.
an. 337.
num. 21.

K Reges,

AD VINDICIAS HISPANICAS

74

Reges, qui verè sunt *Noui Orbis Apostoli*, & nationum magistri, supremo Orbis Pontifici, potestate Petro, unctione Christo, laterales esse, & Regibus alijs omnibus antestare debent: ut perperam imponatur Regibus Franciæ titulus *Primogeniti Ecclesiæ filij*, quem haud multis abhinc annis temere usurpatum colligitur ex Ioanne Iuuenali Vrsino, vbi refert accessum Caroli VI. Regis ad Clementem VII. Antipapam, Auenione agentem, quem Galli pro legitimo Pontifice agnoscebant: *Honorem debitum ipsi exhibuit, ut ECCLESIAE FILIVS,* (comme filz de l'Eglise) *summiso genu, pedem, manum & labia osculatus.* Erat ergo *filius Ecclesiæ* Carolus VI. sed non *primogenitus*; id enim annotare non omisssisset Iuuenalis Vrsinus, Rhemensis in Galliâ Archiepiscopus, Par Franciæ, partiumque Caroli & Gallorum Magnus sectator. Iam indicare debent Franci, quinam Caroli VI. in Regno successor illam honoris prærogatiuam à Summo Pontifice postmodum sit adeptus.

Neque Regibus Francorum peculiaris est titulus *Christianissimi*; quandoquidem alijs Regibus & Imperatoribus passim attributus fuit. D. Ambrosius GRATIANVM Imperatorem nominat *Christianissimum Principem*; Felix Papa Tertius ZENONEM Imperatorem Orientis, *filium nostrum, Christianissimum Principem*; S. Gregorius Magnus, & Summus Pontifex MAVRITIVM, *Christianissimum nostrum Imperatorem*. Leo II. Papa, in Epistolâ ad Eruigium Regem Hispaniæ, CONSTANTINVM POGONATVM vocat *Christianissimum nostrum, imò Dei Ecclesiæ filium, Imperatorem*. Glaber Rodulphus Franco-Gallus: *Regnibus duobus CHRISTIANISSIMIS Regibus, HENRICO scilicet Apud Sur. 3. Martii.* Saxonum Rege, & ROBERTO Francorum. In Vitâ S. Cunegundis, HENRICVS II. Imperator, eius maritus, nuncupatur *Christianissimus*. Otho Frisingensis ad annum M. CII: *Conradus, filius Henrici Imperatoris, Christianissimus.*

RECAREDVS Hispaniarum Rex Catholicus, anno D. XCVIII. in Conilio Toletano III. dictus est *Christianissimus, & amator Dei, Gloriosissimus Dominus*: in Barcinonensi, anno D. XCIX. *Christianissimus & piissimus Dominus*. Alphonsus à Chartagena Episcopus Burgensis de SISEBUTO Hispaniæ Rege: *Hic Christianissimus per Historiatores vocatur*. In Conilio Toletano VI. CHINTILANVS Rex Hispaniæ dicitur *Excellentissimus & Christianissimus Princeps*. Leo II. Papa, in Epistola ad Quiricum, ERVIGIVM Regem Hispaniæ vocat *Præcellentissimum atque Christianissimum Regem, filium suum*. ALPHONSVS III. MAGNVS, Rex Oueti & Galliciæ, à Ioanne VIII. Papâ per Epistolam dictus est **Rex Christianissimus*; scilicet Constanti-
num

num & alios Christianissimos imitatus, qui firmamentum Imperij in religione collocarunt. Luitprandus Ticinensis, & Sigebertus ad annum CM. XLIV: *In Hispania Addaram Rex Saracenorum à RADAMIRO L.s.c. r.* Christianissimo Rege Galitiae in bello superatus est. Albericus ad annum M. C. XV: *In Hispaniâ ciuitas Columbria à Rege FERNANDO Christianissimo per beatum IACOBVM de manu Saracenorum fuit recuperata.*

Hermannus Contractus ad an. DC. XXXIV. de Anglorum Regibus: OSWALD tertius, filius EDILFRIDI, *Christianissimus.* Albericus ad annum CM: *Elfredus Rex Angliae Christianissimus.* Dudo in Historia Normannorum ad annum CM. XCV: *Alstenus Rex Anglorum Christianissimus, omnium Regum probitate præcellentissimus.* Denique Glaber Rodulphus iam laudatus: *Rex Vngrorum STEPHANVS Lib. cit. Christianissimus.* Quod igitur honoris nomen ad Imperatores Orientis & Occidentis, ad Hispaniæ, Angliae & Hungariae Reges meritò spectauit, non attinuit ad solos Franciæ Reges, nec ijs supra alios præcipuum & peculiare fuit.

L A M P A S XII.

Antiqui Franciæ Reges cum Imperatoribus fœdera percutebant; non seorsim cum Imperij Principibus aut Statibus, qui Cæsaribus infidi essent.



ORMANNI veteres ut Regnum Franciæ, quod minori Caroli Simplicis ætate iam peruagando vastauerant, denuò depopularentur, ac datæ fidei illuderent, dixerunt in speciem, *se cum Rege Francorum mortuo Carlomanno tandem, non cum Francis pacis pepigisse pactum.* Verum hodie vice versa, ut vastum Imperij corpus paulatim conficiant Franci, profitentur palam, *se cum Imperio, non cum Imperatore iunctam fœdere societatem iniuisse;* *veterem esse inter Franciæ Reges & Imperij Principes necessitudinem.* Quod postremum quam à vero sit alienum, coniunct Regum Franciæ cum Imperatoribus, non autem cum Imperij Principibus, congressus amici plures; quos hinc inde dispersos in unum collectos dabo.

Regino
an. 884.
Sigebertus
an. 885.

Sleidanus
lib. 8.

*Primus congressus Lotharii Imperat. cum CAROLO
CALVO Rege Francie.*

Lib.4.
Anno 843.

NITHARDVS Caroli Magni nepos: Mediante Ianio, Feria vide-
licet quintā, propter ciuitatem Madaconem, in insula, quæ Anilla
dicitur, cum æquo numero Primorum LODHARIVS Imperator, LODHWI-
CVS Rex Germaniæ & KAROLVS Rex Franciæ occiduæ conueniunt,
& hoc sacramentum mutuò sibi iurauerunt; videlicet, ut ab eâ die, &
deinceps, iniicem sibi PACEM conseruare deberent.

**II. LDOVICI II. Imp. cum Lothario Rege Francia
media, sine Lotharingia, & CAROLO Rege Provincia.**

Anno
856.

ANNALES Francorum Bertiniani: LDOVICVS Imperator Italiæ,
& Lotharius frater eius Rex Franciæ, cum Karlo puerō, germano
suo, apud Urbam CONVENIVNT; ubi adeo pro Regni paterni portionibus
disident, ut pñè armis inter se decernant: Karlo tamen fratri suo Pro-
uinciam & Ducatum Lugdunensem iuxta paternam dispositionem distri-
buunt, eripientibus eum à fratre Lothario Optimatibus, qui illum molieba-
tur in clericum tonsurare.

**III. LDOVICI I. Germaniæ Regis cum CAROLO CALVO
Francia Rege, & Lothario Rege Lotharingia.**

Anno
859.

ANNALES Francorum Fulenses: LDOVICVS Rex [Iunior
Imperator] quasi inchoante Verno tempore Wormatiam venit, cùm
frequentibus Legatorum suorum discursibus fratris [Caroli Calvi Fran-
ciæ occiduæ Regis] ac nepotis sui [Lotharij Regis Lotharingiæ] ani-
mos reconciliare studeret, eorumque responsa per internuncios reciproca re-
latione susciperet: tandem condicō tempore singuli, cum æquo numero Prin-
cipum suorum, ex aduersa parte nominatim expressorum, iuxta Anternacum
castellum, in quādam insula Rheni fluminis nauigio vecti CONVENE-
RVNT, reliquo singulorum comitatu super littus ex utrāque parte fluminis
considente: ubi cùm diu varia & anceps aëtarum simul & agendarum
rerum agitata esset disputatio, condicō placito Autumni temporis, iuxta Ba-
salam communiter habendo, singuli cum suis ad propria reuersi sunt.

IV. Lv-

IV. LUDOVICI I. *Germanie Regis cum CAROLO CALVO Francie Rege.*

HERMANNVS Contractus: LUDOVICVS Rex Germanie & Anno
frater eius CAROLVS Rex Galliarum CONVENIENTES, debita 864.
sibi inuicem relaxant, & FOEDVS PACTVMQVE innouant, & con-
firmant.

V. ARNVLPHI *Imperatoris cum ODONE occiduo Francie Rege.*

ANNALES Fulenses: His auditis Rex [Arnulphus Imperator] Anno
Franciam petijt; habitoque ad Franconofurt generali conuentu, dispo-
suit aduentare Wormaciam: quod ODO [qui Franciam Occidentalem
vsurpauerat] comperiens, salubri utens consilio, contestans se malle Re-
gnum suum gratia cum Regis pacifice habere, quam vlla iactantia contra
eius FIDELITATEM superbire; veniensque HUMILITER ad Regem,
gratanter ibi recipitur. Rebus ab utrâque parte prout placuit prospere
dispositis, unusquisque reuersus est in sua.

VI. ARNVLPHI *Imp. cum ODONE & CAROLO SIMPLICE, Francie Occidentalis Regibus.*

HERMANNVS Contractus: ARNOLFVS Rex cum ODONE Anno
Galliarum Rege ad se veniente PACEM firmat: Caroloque, filio 895.
Regis Ludouici Balbi, non multò pôst VENIENTI, & MVNERA OFFE-
RENTI, auxilium denegat. Regino Abbas: ODO Rex cum magnis mu-
neribus ad ARNOLPHVM venit, à quo honorifice suscepitus est; omnibus-
que impletatis pro quibus venerat, in Regnum reuertitur.

VII. HENRICI I. *Imp. cum CAROLO SIMPLICE Francie Rege.*

FLODOARDVS in Chronico: CAROLVS SIMPLEX in Regnum Lo- Anno
tharij abijt; receptisque per vim quibusdam Ricuini infidelis sui præ- 921.
sidijs, & FACTA PACTIONE usque ad Missam S. Martini cum HEN-
RICO Principe Trans-Rhenensi, reuertitur ad montem Lauduni. Ad-
ditur in fine illius anni: CAROLVS iterum PACEM cum HENRICO
firmat.

VIII. HENRICI I. *Imp. cum ROBERTO I.*
Francia Rege.

Anno
923.

FLODOARDVS iterum: ROTBERTVS in Regnum Lothariense proficiscitur locuturus cum HENRICO, qui ei obuiam venit in pagum Ribuarium super fluum Ruram; ubi se inuicem pauerunt, & PACTA AMICITIA, datisque ab alterutro muneribus, discesserunt.

IX. HENRICI I. *Imp. cum CAROLO SIMPLICE*
Francia Rege.

Anno
922.
lege 923.

SIGEBERTVS Gemblacensis: KAROLVS Rex Francorum cum auxilio Lothariensium iuxta urbem Sueffonis pugnans contra ROBERTVM fratrem ODONIS Regis, qui contra fe Regnum Francorum inuadebat, cum multis perimit; & se & FRANCIAM HENRICO REGI submittit; eique in pignus PERPETVI FOEDERIS ET AMORIS mittit manum pretiosi Martyris Dionysij Parisiensis auro gemmisque inclusam.

X. Eorumdem.

Anno
923.

SIGEBERTVS iterum: Reges HENRICVS & KAROLVS apud Bonnam CONFOEDERANTVR; & KAROLVS reddit HENRICO Regnum Lotharingiae, Episcopis & Comitibus utrumque iureiurando rem confirmantibus. Otho Frisingensis: Dum HENRICVS cis Rhenum regnaret, & de Belgicâ cum KAROLO disceptaret, ex voluntate amborum, ad huius litis scrupulum decidendum, die Bonnae constituta, Belgica HENRICO ceſſit, & KAROLO Celtica tantum & Aquitania.

Lib. 6.
c. 18.

XI. OTHONIS I. *Imp. cum LUDOVICO IV.*
Francia Rege.

Anno
942.

FLODOARDVS: LUDOVICVS Rex OTHONI Regi obuiam proficiscitur, & amicabiliter se mutuo fuscipientes, AMICITIAM SVAM mutuo firmant conditionibus.

XII. Eorumdem.

Anno
946.

CONTINVATOR Reginonis: LUDOVICVS Rex à suis Regno expulsus, auxilium petens Regem OTTONEM ADIIT, & ut desiderauerat

LAMPADES HISTORICÆ.

rauerat obtinuit. Nam validâ manu Rex GALLIAM intravit, & Remensem urbem, & Laudunum, aliaque castella quamplurima firma & munita LUDOVICO reddi fecit, ipseque hostiliter usque Rothomagum peruenit. Inde omnibus pâne, excepto Hugone, Ruodberti filio, Regni Maioribus Regi suo subactis, in patriam regreditur. 79

XIII. Eorumdem.

FLODOARDVS: LUDOVICVS Rex Aquis Pascha cum Anno OTHONE Rege celebrat, & regis honoratur ab eo mu- 947.
neribus.

XIV. Eorumdem.

FLODOARDVS iterum: Rex LUDOVICVS ad OTHONEM Anno Regem proficiscitur trans Mosellam, consilium quarens & auxilium 950.
ab eo de PACE fienda inter se & Hugonem.

XV. OTHONIS I. Imp. cum HVGONE MAGNO Francorum Duce.

SIGEBERTVS: Rege OTHONE secundam expeditionem in Anno Franciam parante, HUGO virtutem eius non ferens, ei iuxta flu- 950.
uum Charum occurrit, & PACTO PACIS secundum nutum Regis facto,
manus ei dedit. Witichindus Saxo: Hugo autem expertus potentiam Re- Lib. 3.
gis, virtutemque Saxonum, non passus est ultra terminos suos hostiliter
intrare; sed pergenti in eamdem expeditionem anno sequenti occurrit
iuxta fluum, qui dicitur Car; manus dedit, iuxtaque IMPERIUM
REGIS PACTVM iniit, utilisque proinde remansit. Fragmentum Hi-
storiæ Franciæ: HUGO MAGNVS eodem anno ad Regem OTHONEM
pergens, duos illi leones præmisit; & inde bene remuneratus remeans, à
Duce Conrado usque ad Maternam fluum deductus est.

XVI. OTHONIS I. Imp. cum LoTHARIO Rege Francie.

CONTINVATOR Reginonis: Imperator in Ingelheim Pascha cum Anno magno gaudio celebrauit: inde nauigio Coloniam attingens, matrem 965.
suam Dominam MATHILDEM, & sororem suam GERBIRGAM Reginam,
filiumque eius Regem LoTHARIVM, sibi obuios, condigno ibi amore &
honore

80 AD VINDICIAS HISPANICAS

honore tractauit. Flodoardus: OTHO Imperator ab urbe Româ regrediens Coloniam venit, ibique GERBERGAM Reginam, sororem suam, cum filiis, LOTHARIO Rege, CAROLOq; puero, ad se venientem exceptit: Et cum eis, aliisque magnis Proceribus, placitum magnum habuit. Addit Sigebertus: Vbi omnis illa Regalis prosapia tanto ad inuicem congratulationis iubilo est affecta, ut in omni vitâ eorum vix aliquid gaudij huic letitiae potuerit equiparari.

XVII. Eorumdem.

An. 980. SIGEBERTVS: OTHO Imperator & LOTHARIUS Rex conuenientes supra Charum fluuum PACIFICANTVR, datis inuicem sacramentis: & Rex LOTHARIUS Lotharingiam abiurat. Baldericus Nouiomensis: Decursis autem temporum spatijs, OTTO Imperator & Rex LOTHARIUS inter se fœderati PACANTVR, & utrumque Regnum factâ tranquillitate quieuit. Ditmarus Episcopus: Imperante tunc prædicto OTTONE sex annos, LOTHARIUS Rex, cum filio suum, ac muneribus magnificis ad eum venit, & sibi satisfaciens, AMICITIAM EIVS firmiter acquisuit.

XVIII. HENRICI II. Imp. cum ROBERTO II.
Francia Rege.

An. 1023. SIGEBERTVS rursum: HENRICVS Imperator & ROTBERTVS Rex Francorum super Charum fluuum apud Euosium conueniunt, de statu Ecclesiæ, REGNI & IMPERII tractaturi: & condicte ut super his confirmandis etiam Papam Romanum simul Papiæ opportune conuenirent, Imperator Regem & suos, multos etiam qui ad demirandam IMPERIALEM MAIESTATEM conuenerant, tanta liberalitate donauit, ut opibus Regum Persarum aut Arabum posset comparari L. 3. c. 37. Imperatoris munificentia. Baldericus Nouiomensis fuse & perspicue: Hinc autem IMPERATOR egressus, ad EVOSIVM villam pulcherrimam, quam beati videlicet GAVGERICI natiuitas inlustravit, cum PRIMORIBVS quidem SVORVM PALATINORVM intendit; ibi scilicet cum ROTBERTO Rege COLLOQVIVM habiturus; sed & de statu Imperij, ac non tantum de mundanis, verum de spiritualibus locuturus. Sapienter quippe disposito, ut in eo loco, ubi beatissimum GAVGERICVM nouerat ortum, eius gaudiosam festinatatem, que III. Idibus Augusti est, celebrare veniret. Qui nimurum QVANTO MAIOR, TANTO HVMILIOR, Regi ROTBERTO, cum AD SE VENIRET, in villa MOSOMO, in

in die festo S. LAVENTII occurrere estimauit : in crastino vero S. Gau-
gerici VENIENTEM AD SE cum summâ veneratione suscepit. Hoc aus-
tem tam SPECIALE COLLOQVIVM , & tantæ solemnitatis CON-
VENTVM, non est meæ paruitatis euoluere, ubi quidam diuersarum natio-
num Duces ac Satrapæ , ubi summorum & illustrium virorum , tam
Episcoporum videlicet quam & Abbatum, in numero confluxere personæ.
Ad hoc autem plurimi conuenerunt , ut DIGNITATEM IMPERATO-
RIAM mirarentur, quam tantoperè fama laudabat. Ibi certè PACIS &
IVSTITIAE summa diffinitio , MVTVAEQ; AMICITIAE facta recon-
ciliatio. Ibi quoque diligentissime de PACE sanctæ Dei Ecclesiæ maximè
tractatum est. & quomodo Christianitati , quæ tot lapsibus patet , melius
subuenire deberent. Exin vero sese inuicem consulentes , ubinam iterum
CONVENTVR: Domnum etiam Apostolicum , unâ cum tam citrâ quam
ultrâ Alpinis Episcopis secum habeat , nusquam aptius quam PAPIAE de-
cernunt . His ita gestis , cùm ab inuicem discedere debuissent , ac vero
quis tanta & tanti ponderis munera sufficienter poterit estimare , quibus
vicissim Imperator Regem donauit , ab Archiepiscopo videlicet Colonien-
sium , & à Domno Gerardo Episcopo , sed & à Duce GODEFRIDO simul
oblatis ? Rex IMPERATOREM donare cupiens , quacumque potuit mune-
ra ut susciperet presentauit : qui omnibus cum gratiarum actione remissis ,
utpote DITISSIMVS , dentem tantummodo S. VINCENTII martyris , ne
immunis wideretur , retinuit. Nec solum autem Imperator Regem putauit
donandum , verum etiam omnes tam Episcopos quam Abbates ; sed &
maiores quoque preciosis muneribus accumulans , nullum pñne indonatum
reliquit. Quicunque ergo illuc conuenerant IMPERATORIAM MAGNI-
FICIENTIAM cognituri , mirati profectò qua widerant , dicebant se plura
vidisse quam rumor fuisse. Nullum enim Regem aut Persarum , aut
Arabum huic conferre audebo , quamuis eos cunctis gentibus opibus præ-
stare legissim.

San-Marthani fratres apertæ rei alienam inducunt speciem , vbi Lib. 12.
scribunt Henricum hunc Imperatorem cum exiguo comitatu adiuisse Ro-
bertum Regem ; cuius idcirco inferiorem se agnoscebat. Humanissimus
Imperator Regem amicum ad se venientem anteuertit ; Primo L. 3. c. 2.
namque manè surgens , inquit Glaber , cum paucis ad Regem transiit.
Nec propterea se minorem Rege , sed urbani moris scientem
ostendit.

XIX. HENRICI III. *Imperatoris cum
HENRICO I. Francia Rege.*

An. 1048. **H**ERMANNVS Contractus: *Autumnali tempore HEINRICVS Imperator & HEINRICVS Galliarum Rex in Metensi territorio conuenientes, PACEM PACTVMq; inter se iuramento confirmant.*

XX. FRIDERICI I. *Imp. cum LUDOVICO VII.
Francia Rege.*

An. 1162. **C**HRONICVM Affligemense: *Imperator FRIDERICVS, à Rege Francorum inuitatus, vt sublato schismate Ecclesiae Romane PAX firma redderetur, Concilium in territorio Vesunctionum, in * Ladona villa, supra Saonam fluvium, in decollationem S. Ioannis Baptista, conuocauit. Sed Rege Franciae ab Imperatore auerso, quique sine effectu, eadem & adhuc grauiore permanente discordia, in sua redierunt. Addit Auber-tus Miræus ex ms. Orteliano: Mensē Septembri FRIDERICVS Imperator cum Octauiano iuxta Saonam fluvium consedit; & Rex Franciae LUDOVICVS Divione, congregatis ex vtrâque parte multis Episcopis, Abbatibus, clericis, laicis, tam Principibus quam popularibus, vt schismati Ecclesiae finem facerent, si possent: & non potuerunt, sed cum magna dissensione & similitate ab inuicem recesserunt.*

XXI. FRIDERICI II. *Imp. cum PHILIPPO II.
Francia Rege.*

An. 1212. **A**LBERICVS in Chronico: *Rex Siciliæ FRIDERICVS contra OTTONEM in Allemanniâ regnaturus Tullum venit: cui Dominus LUDOVICVS, Regis Franciae filius, apud castrum VALLIS COLORIS occurrit; & COLLOQVIVM SOCIETATIS ad inuicem habuerunt. Rigordus de illo congressu: Eodem anno celebratum est COLLOQVIVM inter eumdem FRIDERICVM & PHILIPPVM, magnanimum Regem Francorum, apud VALLEM COLORIS, Metensi Episcopo mediante: cui tamen non interfuit ipse Rex, sed LUDOVICVS filius eius primogenitus, cum Magnatibus Regni: & percusserunt FOEDVS inter se, & renouarunt AMICITIAS PERPETVAS, sicut fuerunt inter eorum prædecessores. Hoc est antiquum FOEDVS, quod vetustate propemodum obsoletum PHILIPPVS Augustus aureis describi litteris, & sanctiori loco reponi iussit.*

In Gestis
Phil. Aug.

Sleidanus
lib. 24.

XXII. H E N-

XXII. HENRICI VI. Romanorum Regis cum
LUDOVICO VIII. Rege Francie.

ALBERICVS iterum: Dominus Cardinalis Conrardus à Roma An. 1224. egressus, & PER IMPERIVM constitutus LEGATVS Leodium venit; ibique Vallēm benedictam Ordinis Cisterciensis de nouo fundatam circa Pentecostem consecrauit. Deinde Tullum venit in Octauis B. Martini cum Colonensi & Moguntinensi Archiepiscopis, & cum Imperatoris filio Rege HENRICO, & Maioribus Allemaniae: Rex quoque Franco- rum LUDOVICVS cum suo colloquio, & consilio, IN EODEM CONFNIO, apud castrum VALLIS COLORIS. Et sequenti die VTRIVSQUE REGNI CONCILIATORES in unum conuenientes, congruum colloquium ad inuicem habuerunt.

XXIII. ALBERTI I. Imp. Austriaci cum PHILIPPO
PVLCHRO Rege Francie.

HISTORIAE Australis pars plenior: ALBERTVS Rex Romano- An. 1299. rum & Rex Francie PHILIPPVS cum magna pompa militum apud GADIOR AMICABILITER conuenerunt: ubi prædictus Rex Francie sororem suam Dominam BLANCAM filio Regis Romanorum RVDOLPHO copulauit in uxorem in die Conceptionis B. Mariæ Virginis. Hac facta sunt supradicta IN CONFINIO REGNORVM Regis Romanorum & Regis Francie, in prato infra Tol & Gadior. Censet Brouerus pactum Lib. 16. illud fœdus ad Fagense castrum, vulgo Foulx; quod ille vocat Villam Annal. Treuir. Foulziam supra Tullum oppidum. Papirius Massonus adfert ipsum Alberti Cæsaris diploma datum apud QVATVOR VALLES die Martis, Lib. 3. octaua mensis Decembris, anno Domini M. CC. XCIX. Vnde Historia Australis Auctor ex Quatuor corruptè potuit fecisse Gadior. Existimare ego per Quatuor valles intelligi Vallis coloris oppidum, à quo ad Tullensem usque ciuitatem sunt amoenissima prata: deinde quia locus est alijs Imperatorum & Regum congressibus illustris. Denique propterea quod Nangius, Belleforestius, Dupleixius, alijque fœdus istud sancitum diferte scribunt apud Vallēm coloris: quamquam id factum apud Tullum affirmet Pius II. Papa; cuius hæc sunt verba: *Philippus [Dux Burgundiae] indignè agere Regem aiebat* Lib. 3. *[Carolum VII.] qui nonnulli in Ducatu Luxemburgensi, id est in Imperij ditione, oppida occupasset aduersus ANTIQVM FOEDVS, quod Francie Reges cum Imperatoribus apud TULLVM percussere, in quo cætum sit,* ad an. 149.

IMPERATOR IN REGNO FRANCIAE, REX IN IMPERIO NE DOMINATVM SIBI VENDECET, ETIAMSI VOLENTES ALIQVI SE DEDANT; iniuste Regem agere, qui FOEDVS violet, & oppigneratum sibi Luxemburgensem Ducatum molestare audeat.

XXIV. MAXIMILIANI I. Imp. Austriaci cum LDOVICO XII. Francia Rege.

An. 1501.

IN Consilio Pacis Tridenti habito anno M. DI. inter MAXIMILIANVM I. Romanorum & LDOVICVM XII. Franciæ, Reges, iste fuit articulus foederis octauus: *Quod Christianissimus Franciæ Rex promittat & policeatur, quod nequaquam villo aut quocumque modo se circa subditos, & de rebus Imperij Romani, absque scitu & voluntate Romanorum Regis intromittere velit. Poterunt tamen nihilominus ambo Reges subditos utriusque Regni ad omnia alia sua seruitia in seruitores accipere. Regis Franciæ declaratio super illâ Tridentinâ pactione Blessis factâ eodem anno M. DI. isthac fuit: Touchant le VIII. article commençant; Quod Christianissimus Franciæ Rex promittat & policeatur; le Roy entend cest article non seulement auoir lieu pour l'Italie, mais généralement pour tous les aultres lieux & Pays qui sont de l'Empire.*

Cum Imperatoribus igitur, & Romanorum Regibus, non cum Imperij membris, seorsim ab eius capite, Reges olim Franciæ bona fide foedera percusserunt. Primus qui à Maiorum recto itinere deflexit, & prauo consilio societatem iniuit cum Principibus Imperij, Carolo V. Imperatori rebellibus, fuit HENRICVS II. Franciæ Rex; sic enim de Mauritio Saxone Franciscus Belcarius Episcopus Metensis: *De inferendo CAESARI bello cum HENRICO Galliæ Rege pacatus erat, Ioanne Fressano Baionensi Pontifice pactionis interprete, qui iam ad illum CLAM missus erat. Similiter Iac. Aug. Thuanus: Constat certè MARITIVM iam tum cum Rege HENRICO TACITAM CONVENTIONEM fecisse interuentu Ioannis Fraxinei, Lapurdensum Episcopi, viri diu in Germaniâ versati, & linguae periti, qui praetextu aliorum negotiorum apud ipsum erat. Subiungit deinde post nonnulla: Adiectum conventionibus, videri è re omnium esse, ut Rex quamprimum Cameracum, si posset, Diuodurum, siue Metim, Tullum, & Virodunum, Lotharingiæ ciuitates, occupet, & presidio firmatas VICARII IMPERII nomine in posterum teneat: item ut bellum in Belgio excitet, quo Cæsar's vires, pluribus locis oppugnati, distrahat. Clandestinum ergo iniustumque Henrici II. Regis consilium fuit, & perniciosa cum seditionis factio; mercatura fuit, non amicitia: auxilia enim caro vendidit, non gratis subministravit,*

Lib. 25.
cap. 44.
an. 1551.

Anno eodem, l. 8.

strauit, dum ciuitates Imperij, METIM, TULLVM, & VIRDVNV, in Lotharingiâ Superiore sitas, specie protectionis emunxit.

Similem societatem contra antiqua Maiorium suorum fœdera nuperimè iniuit LUDOVICVS XIII. Franciæ Rex cum Principi bus & Statibus quibusdam Imperij seorsim ab Imperatore, nec non & cum alijs hostibus Imperij externis, non ex amore erga Imperiuim & Principes Imperij; sed vt dum à capite membra diuelleret, dum Principes à Principibus, Circulos à Circulis seiungeret, totius compagis dissolutionem moliretur; & sic Imperij Prouincias, in quas iuris ne quidem umbram habebat, suæ subijceret potestati. Verum felicem Germaniam tandem faciet Augustissimus Imperator FERDINANDVS III. Orbi diuinitus destinatus: faciet Deus; & infracta stabit IMPERII GERMANICI HISPANICIQUE MAIESTAS; temporumque felicitas quasi reddito AVREO SAECVLLO efflorescet. Hæc est votorum meorum summa, & Opusculi huius critici coronis.

M A N T I S S A A D P R I M A M L A M P A D E M,

*De fabuloso stemmate Hugonis Capeti.
Verbum in conniatores.*

 San-
Marth.
111. c. 2.
edit. vit. T Boucheti Dominique commento auctoritatem addant Scriptores nouitij, iactant eximum virum Andream Chesneum illud stemma è tenebris primum eruuisse. Et verum id quidem, neque inficiandum puto, inter eius schedas repertum quoddam specimen primore manu descriptum; sed ad cuius plerosque gradus apposita erat particula fortè. Id enim affirmant viri probi, & fide digni, qui proprijs oculis schedam illam inspexere, de quâ tantoperè triumphant aduersarij, & partum informem, neglectumque, velut ex tripode oraculum, nobis obtrudunt, magni viri Manibus illudentes. Nouerat siquidem insignis Genealogus veteres rerum Francicarum Scriptores, quos vel ipse in lucem ediderat, vel scriptos domi seruabat: qui omnes illi fictitiæ origini penitus repugnant. Viderat ille Robertum monachum S. Mariani apud Autissiodorum, qui dum antiquiorum Regum adfert nomina, Carlouingos Capetinosque isthac recenset serie usque ad obitus sui annum, qui fuit Christi M. CC. XI.

Nomina Regum Francorum.

- | | |
|---|--|
| 21. PIPINVS. | 32. LOTHARIUS. |
| 22. CAROLVS MAGNVS. | 33. LUDOVICVS. |
| 23. LUDOVICVS PIUS. | 34. CAROLVS FRATER LOTHARII. <i>Post hunc translatum est Regnum.</i> |
| 24. CAROLVS CALVVS. | |
| 25. LUDOVICVS BALBVS. | 35. HUGO. |
| 26. KARLOMANNVS ET LUDOVICVS REGES. | 36. ROBERTVS. |
| 27. ODO: <i>hic alienus.</i> | 37. HENRICVS. |
| 28. CAROLVS SIMPLEX. | 38. PHILIPPVS. |
| 29. ROBERTVS: <i>hic alienus.</i> | 39. LUDOVICVS CRASSVS. |
| 30. RADVLPHVS: <i>hic alienus.</i>
<i>Regnum post hunc reductum est.</i> | 40. LUDOVICVS PIUS. |
| 31. LUDOVICVS FILIUS CAROLI. | 41. PHILIPPVS DOCTVS ET ELOQVENS. |

Hæc Robertus Autissiodorensis. ODO itaque, ROBERTVS & RADVLPHVS Reges à Carlouingorum genere ALIENI erant: ab his deinde REDVCTVM EST REGVM ad legitimos Reges Carlouingos: tum demum ab istis in Principe alienæ gentis HVGONEM EST TRANSLATVM, siue, ut loquitur Guibertus, Nouigenti Abbas, *in externum genus.* Cùm enim Hugo Capetus Roberti Regis alieni ex filio nepos esset, eodem modo, quo auus, genere extraneus erat. Namque si à S. Arnulpho Metensi, certo Carlouingorum stipite, ortus fuisset Hugo Capetus, à Carlouingis alienus non fuisset; sed illis agnatus in gradu haud ita remoto, ac Henricus IV. Borbonius Regi, cui succedit, Henrico III. stirpe Valesio; à quo gradibus uno supra viginti distabat quando sceptrum adeptus est; non idcirco alienus à Valesijs existimatus, quia ex eodem Capeti trunko ambæ stirpes prodibant.

Ad grad. 4
Lamp. i.
L. 6. c. 21. Iam quòd *germanitas* de fraternitate maternâ æquè intelligatur ac de paternâ, alia duo exempla reperi. Primum exhibet Rodericus Toletanus, vbi de Semenâ, Alphonsi VI. Castellæ Regis nobili concubinâ: *Eadem Semena Munionis genuit aliam filiam, quæ THARASIA dicta fuit; quam duxit Comes ENRICVS ex partibus BISONTINIS, CONGERMANVS RAIMUNDI Comitis, patris Imperatoris: ex quâ suscepit idem ENRICVS ALDEFONSVM, qui fuit postea Rex Portugallie.* Non oriebatur illa *congermanitas* ex parte patrum, quia Raimundus & Henricus ex diueris familijs prodibant; sed ex Henrici matre Sibyllâ; cuius causâ *confobrinus* erat Raimundi, siue, ut Rodericus loquitur, *congermanus.*

Schem

Schema propinquitatis.

1. RAINALDVUS Comes Burgundiæ : vxor
ADELESA Normanna.

2. WILLELMVS Comes Bur-
gundiæ : vxor GERTRUDIS Lim-
burgica.

2. SIBYLLA vxor Henrici,
filij Roberti I. Ducis Burgundiæ.

3. RAIMUNDVS Comes Gal-
licæ : vxor VRRACA filia Al-
phonsi VI. Regis Castellæ.

3. HENRICVS congermanus Rai-
mundi Comitis : vxor THARASIA
Alphonsi VI. Castellæ Regis filia.

4. ALPHONSVS VII. Impe-
rator Hispaniæ.

4. ALPHONSVS I. Rex Por-
tugallæ.

Aliud exemplum præbet Malleacense Chronicum , cuius hæc
sunt verba : *Anno M. LXXI. ortus est Goffredo Duci Guillermus
filius, qui CONSOBRINVS GERMANVS Ainrici Imperatoris.*

Schema cognationis.

1. GVILLELMVS Dux Aquitaniæ : vxor AGNES filia
Othonis Willelmi Comitis Burgundiæ.

2. GOFFREDVS Dux Aquitaniæ :
vxor ALDEARD A filia Roberti I.
Ducis Burgundiæ.

2. AGNES vxor Henrici III.
Imp. cognomento Nigri.

3. GVILLELMVS Dux Aqui-
taniæ, consobrinus germanus Henri-
ci IV. Imp.

3. HENRICVS IV. Impe-
rator.

Guillelmus iste posterior , & Henricus IV. Imperator , fratri
& sororis filij erant : vnde Malleacensis Scriptor GVILLELMVM
vocat Henrici Imperatoris CONSOBRINVM GERMANVM , hoc est
Hispanicè primo hermano , Gallicè cousin germanus : sic ut germanitas
de maternâ propinquitate etiam dicatur , vt de Childebrandi & Ca-
roli Martelli germanâ per matrem fraternitate supra ostendi.

Aecce, dum postrema huius libri folia exciduntur, ad manus
meas peruenit R.P. Francisci Macedo, ex Patriarchæ Seraphici
disciplinâ, *Propugnaculum Lusitano-Gallicum*, recens editum Par-
isijs ; ex cuius icone liminari æri incisa Typographus operæ pœni-
tens nomen suum abrasit : neque dubito insolens ipsi visum, à Ma-
cedo Alphonsum I. Lusitanjæ Regem , vt digniorem , in summæ
iconis

33 AD VINDICIAS HISPAN. LAMPADES HISTOR.

Parte 2.
Gallicâ.

In Aucta-
rio.

Pag. 325.

Seneca
1.2. de Irâ
c. 32.

De Const.
cap.7.

iconis parte dextrâ collocatum intueri ; Regem verò Franciæ Clodoueum, vt inferiorem, in sinistrâ : sed & intolerabilius, spectante aulâ Francicâ vniuersâ, Ioanni Bragantino dextrum eumdein locum, præ Ludouico XIII. Rege, in imâ iconē assignari. Percurri auidè Volumen, atque in Gallicis, de quibus in me agit, nihil reperi præter terum iam ab alijs prudentius adductarum verbosam congeriem ; nihil plane præter offam, ex recoctâ crambe conuitijs velut capsico aspersam, quæ ipsis etiam Francis stomachum mouit; quippe qui Auctori (vt ipsemet fatetur) tria hæc obiecere ; *in eligendis opinionibus INSOLENTIAM*; *in Galici nominis hostes INTEMPERANTIAM*; *in renouandâ Galici ad externa Imperia iuris memoria IMPRDENTIAM*. Et profectò inter alia ridiculè agit, vbi me ijs annumerat, *qui auro Hispanico ingenia addixere*. Regi enim Domino meo obtemperasse, eiusque gloriam fortiter tutatum esse, isthæc mihi vñica laboris merces fuit, qui *aurum Hispanicum* nec contrectauit manibus, nec oculis inspexi: in redomesticâ bello accisâ, cum numerosâ prole, paternisque prædijs in solitudines redactis, sola mihi semper pretium virtus, & *FIDES* fuit.

Ceterum, *in balneo magnum Catonem quidam percussit imprudens*: cui postea satisfacienti Cato: Non memini, inquit, percussum me. Melius putauit non agnoscere, quam vindicare. Nihil, inquis, post tantam petulantiam mali factum est? imò multum boni: cœpit Catonem nosse. Magni animi est iniurias desplicere. Hæc in te transferas velim, Pater Reuerende, & quisquis alius in me conuitia paras : sed forte dices me Catonem non esse. Moderatior sum, quam vt magni olim viri politiorem virtutem mihi arrogare velim. Hoc vnum dico; Christianum hominem, qui lacestritus & læsus libere ignoscit, vel eo solo nomine Catonem esse. **I N I V R I A I N S A P I E N T E M V I R V M N O N C A D I T.**

F I N I S.

LOTHARINGIA
MASCVLINA,

A D V E R S V S

ANONYMVM PARISIENSEM:

A V C T O R E

IOANNE IACOBO CHIFLETIO, Equite,
& Regio Archiatriorum Comite.

ANNO M. DC. XLVIII.

NICOLAVS DE CLEMANGIIS,
Archidiaconus Baiocensis , epistola xc.
scripta anno Domini M. CD. XVII.

DISET quis , contemnendum esse , quantum ad
bella pertinet , DVCEM LOTHARINGIAE;
nec tantis pollere viribus , ut DOMVI andeat
FRANCIAE bellum inferre. Non debet parvus hostis vi-
deri , quem DEVVS excitat , & propter aliorum ADVI-
VAT facinora.

LOTHARINGIA MASCVLINA.

C A P V T I.

*Lotharingia Superioris Ducatus ex lege Imperij
ad feminas non denoluitur.*



V C A T V S Lotharingiæ masculinitas tribus fulcitur fundamentis; SALICA LEGE, STATVTO IMPERII, ET IVRE FAMILIARI. De lege Salicâ fusè differuumus in Vindicijs Hispnicis: Cap. 5. superest ut agamus de alijs duobus; & primùm quidem de Imperij edicto.

Sanctè & salubriter in Imperio constitutum, vt maiora Feuda, ex primâ origine & naturâ suâ, militaria essent & masculina. Ratio conditæ legis hæc fuit; quod Sacrum Imperium latè protenderetur, suæque maiestatis atque gloriæ plures haberet æmulos; vnde Cæsaribus æquum visum est, regendas tuendasque Prouincias committere Principibus viris, qui animi magnitudine & constantiâ, iudicij & consilij acrimoniam, bellique gerendi peritiâ ac solertiâ prædicti, hostium conatus aduersos vi armatâ propellerent. Quod quidem munus cum feminæ per se obire non possint, à Feudorum militarium possessione regulariter sunt exclusæ.

Sancitæ in Imperio legis antiquitatem colligo ex Witikindo Saxone, qui de Othoni I. Imp. sic loquitur: *De legum quoque varietate facta est contentio: fuere que qui dicerent, quia filij filiorum non debarent computari inter liberos, hereditatemque legitime cum filijs sortiri, si forte patres eorum obiissent auis superstribus. Vnde exiit edictum à Rege, ut uniuersalis populi conuentio fieret apud villam, quæ dicitur Stela. Factum est, ut causa inter arbitros iudicaretur debere examinari. Rex autem meliori consilio usus, noluit nobiles viros ac senes populi in honeste tractari; sed magis rem inter gladiatores discerni iussit. Vicit igitur pars, qui filios filiorum computabant inter filios; et firmatum est, ut aequaliter cum patruis hereditatem diuidenter pacto sempiterno. Eadem, sed* Lib. 2.
A 2 breuius,

LOTHARINGIA

⁴ Ad an.
942. breuius, sic refert Siebertus : *Orta diffensione inter Principes de varietate legis, utrum deberent auis superstibis filij filiorum post patres defunctos hereditare, an exheredatis fratrelibus deberet hereditas ad patruos redire; ex Regis OTHONIS, omniumque Principum sententiâ, cognitio veritatis commissa est gladiatorio iudicio : cessitque victoria his, qui censebant fratrum filios debere cum patribus hereditare.*

In illâ autem quæstione tempore Othonis primi Imp. agitatâ feminarum nulla mentio ; quippe quæ ab omni patrum Feudali hereditate arcerentur; quemadmodum sexcenta vltra Rhenum exempla docent. Citra Rhenum pauca hæc obseruauit.

Bruuingus
in Histor.
ms. Lu-
xemb.

Primum est ERMENSINDÆ, HENRICI CÆCI Comitis Namurcensis & Luxemburgensis filiæ, quæ post patris excessum anno M. C. XCIII. ab HENRICO VI. Imp. priuata est vtroque Comitatu: contulit eni Namurcum Cæsar BALDVINO Hannoniæ Principi; Luxemburgum verò OTHONI Burgundiæ Comiti, à quo Ermensinda illud redemit, & in Henricum, ex Valeramo Limburgensi marito filium, transmisit.

Gerbran-
dus.
Snoius.

Alterum est ADÆ, THEODORICI VII. Hollandiæ Comitis filiæ, quâ exclusâ, WILLELMVS, Theodorici frater, in Hollandiæ Principatu successit anno M.CC.III.

Lib. 4. in
Proleg.

Tertium exemplum, de Lotharingiæ Inferioris Ducatu, sic expressit Dinterus : *Mortuo OTHONE Duce sine liberis, qui patri suo [Carolo] successerat in Ducatu Lotharingiæ, QVIA MARES HERDES NON HABVIT, Ducatus eius per HENRICVM huius nominis Imperatorem II. & Regem Romanorum, datur Godefrido Comiti Virdunensi, filio Godefridi Comitis Ardennensis, anno M. VI. Assentitur Auctor Magni Chronic Belgici hisce verbis : Mortuo Othone sine herede, GERBERGA soror eius, QVIA FEMINA FVIT, Ducatum Lotharingiæ amisit. Item Alphonsus Delbene de Othonis sororibus, Gerbergæ & Erimengarde : Hæ hereditatis iure Lotharingiam ad se pertinere prædicabant, & in possessionem eius ingredi conatae sunt : sed Godefridus Barbatus, filius Godefridi Arduanorum, Bullonij & Virdunensem Comitis, eas prohibuit, & vi & armis Lotharingiam occupauit anno sexto supra millesimum. Dicebat enim se ab HENRICO Imp. Ducem fuisse constitutum; FEVDVM LOTHARINGIÆ ad masculos, non ad feminas pertinere. Meyerus denique de ijsdem sororibus : His spretis feminis, HENRICVS Cæsar (is qui in cælum dicitur relatus) cùm in eam Prouinciam summum haberet iudicium, GODEFRIDO, Ducis Arduennæ Godefridi filio, Lotharingiam dedit; assignato Gerbergæ, Lamberto nuptæ, Louaniensem tantummodo Comitatu.*

Pag. 90.

De Regno
Burgund.
pag. 177.

Quartum

M A S C V L I N A.

5

Quartum exemplum de Lotharingiæ Superioris Ducatu (de quo iam quæstio est) opportune subministrat Sigebertus ad annum M. XXXIV. FRIDERICO Mosellanorum *Duce mortuo*, QVIA In Chron. MARES FILIOS NON HABEBAT, QVIBVS DVCATVS COMPETE- RET, Gothelo Dux, impetrato etiam ab IMPERATORE Mosellanorum Ducatu, in Lotharingiâ potentius principatur. Albericus, Dinterus, Ægidius de Roya, & alij non pauci, eadem Sigeberti verba integrè retulerunt: solus Theodorus Gothofredus in Genealogijs Lotharin- giæ & Portugalliae, quas prælo subiecit anno M. DC. XXIV. verba Sigeberti, quæ maiuscule expressimus charctere, scienter præter- misit; eodemque modo mutilauit Magnum Chronicum Belgicum, in quo hæc leguntur: *Frederico Mosellanorum Duce mortuo*, QVIA Pag. 101. MARES FILIOS NON HABVIT, QYIBVS DVCATVS COMPETE- RET, Gothelo Dux Lotharingiæ Inferioris, impetrato ab Imperatore CONRADO Mosellanorum etiam Ducatu, in Regno Lotharingiæ poten- tius principatur. Omisit studiosè Gothofredus verba eadem, quæ in Sigeberto prætermiserat, quæ Ducatum Lotharingiæ Superioris, siue Mosellanorum, solis maribus competere palam insinuant.

Quintum exemplum, extra Lotharingiam, in Regno Burgundiæ, præbet Sabaudiæ Comitatus; de quo sic Renatus Choppinus: *Allo- brogum Comitatui filias minimè dominari, masculo è Sebusianis Regulis ex- tante, decreuerunt litis disceptatores ex lege Salicâ* (alij dicunt ex Voco- niâ) secundum Petrum Allobrogem aduersus Constantiam, neptem ex fra- tre maiori natu, uxorem Comitis Cabilonensis, anno M. CC. LVI. Addit deinde Choppinus: *Sabaudia plane VIRILE est SACRI IMPERII BE- NEFICIVM*, Beraldus Saxoni in primis concessum ab Othono I. Germaniæ Cæsare patruo. A Sigismundo postmodum Imperatore Comitatus Sabaudiæ Ducatus titulo & prærogatiuâ auctus est Constantiæ, anno M. CD. XV.

Lib. 3. de
Dom. tit. 6.
num. 60.

Planum est igitur quod ait Albericus, *non solere feminas in Imperio Ad an- hereditare*: quod equidem statutum Imperialibus rescriptis vim ha- bere in Feuda per Imperium, quæ beneficiario iure à Principibus ob- tinentur, norunt Iurisconsulti. Id tamen de iure communi est intel- ligendum: possunt enim feminæ ex Imperatoris gratiâ & priuilegio Feudorum possessionem nancisci. Ita Fridericus I. Imperator diplo- mate dato Ratisponæ anno M. C. LVI. HENRICO Austriae primo Duci indulxit, *vt eius FILII & FILIÆ indifferenter possent Ducatum Austria hereditario iure à Regno tenere & possidere*.

Adolphus item Cæsar anno M. CC. XCIV. Rainaldo Comiti Gel- driae concessit, casu quo sine prole masculâ ab hac luce migraret, *vt filiarum eius*

Chronica
August.
Cuspinia-
nus in Au-
striâ.
Ex Archi-
uo Na-
muc.

L O T H A R I N G I A

eius maior natu ei succederet in Comitatu, & in alijs Feudis ab Imperio dependentibus.

Dinterus
& But-
kens pa-
sim.

Dinterus
lib.6.cap.
116.

Philippus denique, Albertus, Henricus VII. & Carolus IV. Imperatores Ducibus Lotharingiae Inferioris & Brabantiae indulserunt, *ut si masculum heredem non haberent, eorum FILIAE in Feudis liberè & tamquam masculi succederent.* Et idcirco dum Constantiae anno M. CD. XIV. SIGISMUNDVS Imp. obijci fecisset GOSWINO, Priori Carthusiensium de Soelhem, ANTONII Brabantiae Ducis Legato, quod Imperio ius esset acquisitum in Ducatu Brabantiae, & quod feminæ non possent in eo succedere: cordatè respondit benè informatus Prior, quod Duces Brabantiae de successione filiarum sunt ab antiquo priuilegiati à Diuis Imperatoribus & Regibus Romanorum.

Quotiescumque ergo legitur, Feudum aliquod Imperiale à feminâ possessum, illico intelligendum est id factum ex speciali Cæsarî gratiâ, & præter ius commune Imperij.

Atqui Lotharingiae Superioris Duces priuilegium eiusmodi neque obtinuerunt, neque obtenderunt umquam, legi suæ Salicæ antiquissimæ, & iuri ordinario Imperij, quo à Feudis militaribus feminæ regulariter excluduntur, semper obstricti.

C A P V T I I .

*Prius Anonymi argumentum ab Idâ desumptum,
contra Lotharingia masculinitatem, dissoluitur.*

Ad an.
1076.

PRODIIT anno M. DC. XL. scriptum Anonymi cuiusdam Parisiensis, qui ut probaret Lotharingiae Superioris Ducatum ad feminas deuolui, exemplis fere causam suam egit, sed præter historiam fidem prolatis: ita ut mihi commenta verius quam argumenta refellenda sint. At cuius ea generis? Primum est IDAE, Eustachij II. Comitis Bononiensis vxoris; quæ (inquit) fratri suo Godefrido Gibboſo Duci Lotharingiae absque liberis defuncto sine contradictione aut oppositione successit. Quod absolute falsum est: imperfecto enim à sicarijs Godefrido Gibbere, Henricus IV. Imp. de Feudis eius primarijs sic disposuit, teste Lamberto Schafnaburgensi: *Rex Pascha Traiecti celebrait; ibique Ducatum Lotharingiae filio suo CONRADO; Marchiam vero, quæ dicitur Antwerpæ, GODEFRIDO (Bullionio, Idæ filio) Eustachij Comitis filio, impigro, & ad rem militarem acerrimo adolescenti tradidit.* Eadem quoque habet Sigebertus in ms. Ortillano. Ex quibus perspicuum est, Idam in Ducatu Lotharingiae Inferioris Godefrido Gibboſo

Gibboso fratri haud successisse; & consequenter Godefridum Bullonium, Idæ filium, à matre Ducatum illum non accepisse; sed ab Henrico IV. Imp. anno duntaxat m. LXXXIX. testibus Sigeberto & Alberico hisce verbis: GODEFRIDO, GODEFRIDI GIBBOSI ex sorore nepoti, tandem DATVR *Ducatus Lotharingiae*.

Ad an.
1089.

Verum quidem est, Godefridum Bullonium, Idæ filium, à Godefrido Gibbo, Idæ fratre, heredem fuisse scriptum; quippe qui chartam anni m. XCIV. sic exorditur: *Ego GODEFRIDVS, legitimus successor & HERES DUCIS GODEFRIDI BARBATI, filijque eius potentissimi & iustissimi DUCIS GODEFRIDI, auunculi mei, &c.* Sed hereditas illa non alia fuit quam allodiorum, quæ tam in Superiori quam Inferiori Lotharingiâ maiores eius possederant; puta Bullionij, Baseij, Genapiæ, Sathanaci, & Mosaci; non autem Feudorum, quæ Imperio erant obnoxia: vnde Albericus clarè ad annum m. LXXVI: *Godefridus iuuenis, frater Balduni & Eustacij, per matrem suam Idam factus est heres Bullonij*; quia nempe Ida eius mater soror erat Godefredi Gibberis, Bullonij Dynastæ. Perspicue in hunc locum vetus Genealogia de Idæ filijs: *Hi dicti fuerunt de Bullion, quia adepti sunt Principatum de Bullion post mortem auunculi sui Godefredi Gibbosij.* Et quidem Bullonium fuisse allodium, non Feudum, clarè docet Chronicum m. s. Monasterij S. Huberti in Arduennâ: *Dux Lotharingiae GOZELO castrum Bullonij in proprium tenebat allodium, & Comitatum Virdunensem.* De Sathanaco & Mosaco hæc reperi monumenta in Chartulario Gorziensi.

Miræus
Don. piar.
c.67.

In Chron.

Ex ms.
Niuellen-
si.

Charta Godefredi Duci Magni, seu Barbati.

* **I**N NOMINE sanctæ & indiuiduæ Trinitatis. GODEFRIDI Pag. 184.
DVS Dei gratiâ Dux & Marchio, &c. Instinctu & supplicatione venerandæ collateralis nostræ BEATRICIS multoties sollicitatus, considerans quod Ecclesiam S. Dagoberti apud SATHANACVM, VILLAM IVRIS NOSTRI, & pretiosis ipsius S. Martyris offibus & multis alijs Sanctorum pignoribus illustratam; sed à Canonicis inibi sub carnali vita degentibus, & sua potius quam diuina querentibus, usque quaque neglectam; virum boni testimonij, & sanctæ conuersationis, HENRICVM Gorziensem Abbatem, & Monachos eius, cum consilio Domini EVRARDI, sanctæ Treuirorum Sedis Archiepiscopi, in cuius Diocesi locus ipse situs erat, ceterorumque fidelium Dei, ac nostrorum, conuocauimus; & illis remotis, istos in eorum locum substituimus, &c. **GODEFRIDI Duci. Signum BEATRICIS coniugis sue. Signum GODEFRIDI filij**

LOTHARINGIA

*filij sui consentientis. Signum Hezelini Comitis. Signum Fulconis Comitis.
Signum Herbranni Castellani, &c. Actum Bullioni anno Dominicæ Incarnationis M. LXIX. indict. VII. regnante HENRICO, filio gloriosi Imperatoris Henrici, anno Regni eius XIII.*

Charta Godefridi Ducis, cognomento Bullionij, Godefridi Magni ex Idâ filiâ nepotis.

Pag. 186. * **I**N NOMINE sanctæ & indiuiduæ Trinitatis, Patris & Filiij &
Spiritus sancti. GODEFRIDVS Diuinâ propitiante gratiâ Dux
& Marchio, &c. Notum esse volumus Sancte & uniuersalis Ecclesiæ
filiis fidelibus, tam futuris quam præsentibus; quia dux GODEFRIDVS
auus meus, cum BEATRICE uxore suâ, apud SATHANACVM, IVRIS
SVI VILLAM, in Ecclesiâ S. Martyris Dagoberti pro suarum animarum
remedio Monachos de Monasterio S. Gorgonij constituerunt, eisque inter
alia, pro supplemento vietus & vestitus, Ecclesiam villæ MOSACI,
quæ sine contradictione SVAE PROPRIETATIS erat, legaliter condonaue-
runt: quam etiam ipsi Monachi totâ vitâ ipsius AVI MEI, & filij sui
AVVNCVLI MEI, quietè & pacifice possederunt, &c. ✚ GODEFRI-
DI Dei gratiâ Duxis & Marchionis. Acta Bullioni anno Domin. Incar-
nat. M. XCIII. indict. v. anno Regni HENRICI quarti XXXVII. Impe-
rij X. pontificante Domno FILBERTO Treuirorum Archiepiscopo, anno sui
Pontificatus X.

Quin & ipsa etiam IDA, quam adducit Anonymus, in Af-
fligemiensi membranâ sic loquitur: EGO IDA BOLONIEN-
SIS COMITISSA, humiliis Christi ancilla, cunctis in fide manen-
tibus gaudia promereri promissa fidelibus. Notum facio tam præsentibus
quam futuris signum meæ dilectionis erga Dominos meos & Fratres,
videlicet Monachos noui Monasterij, cui vocabulum AFFLINGEN in-
ditum erat ab antiquis, &c. Igitur in ALLODIO MEO & villâ,
quæ vocatur GENAPIA, pro salute animæ meæ, patris quoque mei Duxis
GODEFRIDI, & Comitis EVSTATHII Domini mei, Ecclesiam cum de-
cimis, & uniuersis eius redditibus, firmiter perpetuoque iure tenendam de-
di supradictis Fratribus; in idipsum filijs meis, GODEFRIDO, EVSTA-
THIO & BALDVINO, cooperantibus. Filius quoque meus Dux GODE-
FRIDVS in eadem villâ Genapia quinque mansos terræ donauit iisdem
Fratribus, &c. Factum est autem hoc Incarnationis Dominicæ anno M. XCVI.
indict. IV.

Vides igitur, Anonyme, IDAM, & Godefridum Bullionium
eius filium, allodiorum ex hereditate possessores, non Feudorum.

Vides

Vides *Idam* iam inde ab obitu patris & fratriis dici dumtaxat *Bolonie Comitissam*, non *Lotharingiae Ducissam*: cuius Idæ frater Godefri-dus Gibbosus & filius Bullionius non fuerunt Duces Lotharingiæ Superioris (quam obtinuit Theodoricus Dux, cognomento Strenuus, ab anno M. LXX. vsque ad M. c. xv.) sed Inferioris; neque hereditatis iure, verum Imperatoris beneficio; ille anno M. LXX. iste anno M. LXXXIX. vnde sequitur, argumentum ab Idâ desumptum, pro feminarum iure ad Lotharingiam Superiorum, futile omnino & absurdum esse; adeoque consuetudinem, ab exemplo Idæ, à te inaniter iactatam.

Testimonium denique Nobilium, quod adducis, coram Theobaldo Duce exhibitum anno M. CCCVI. vel dicis causâ confictum fuit; vel illi testes Historiarum haud erant gnari: quandoquidem ex antiquioribus & indubitatis monumentis constat, Beatricem & Sophiam, Friderici II. Mosellanorum Ducis filias, post mortem patris à Ducatu fuisse exclusas anno M. XXXIV. Neque illa femina ante Isabellam (de quâ mox agemus) in Superiorum Lotharingiam ius nullum palam obtendit.

C A P V T I I I.

*Respondetur alteri Anonymi argumento, de Isabellâ
Caroli primi Ducis filia.*

SOLVTO & eneruato priore Anonymi argumento, transimus ad alterum. Affirmat ille, ISABELLAM, Caroli I. Ducis filiam, Renati Ducis Andegauensis coniugem, post patris obitum fuisse optimo iure Lotharingiæ Ducissam: cuius quæstionis nodus ut facilius extricetur, expedit subiectam hîc tabellam sedulò inspicere & examinare.

LOTHARINGIA

I. IOANNES Dux Lotharingiae.

2. CAROLVS I. Dux
Lotharingiae.2. FRIDERICVS Comes
Guisiae & Vaudanimontis.3. ISABELLA vxor Rena-
ti Andeg. Ducis Lotharingiae
intrus.3. ANTONIVS I. Comes Vau-
danimontis, Dux Lotharingiae le-
gitimus.4. IOANNES
Dux Calabriæ.4. IOLANDA vxor
Friderici VI. Ducis
Lotharingiae.4. FRIDERICVS VI. Dux
Lotharingie: vxor Iolanda An-
degauensis.5. NICOLAVS Dux
Calabriæ, amic.5. RENATVS Dux Lothar.
& Barri.6. ANTONIVS II. Dux
Lothar. & Barri: à quo ce-
teri Duces & Principes na-
tu maiores.6. CLAVDIVS
Dux Guisiae: à quo
Principes natu mi-
nores.In Stem-
mate Du-
cum Lo-
thar.

Dubitat Antonius Albizius, num Fridericus, Comes Guisiae & Vaudanimontis, frater Caroli I. Ducis, proles masculas habuerit: *Quia si habuisset, inquit, ad Renatum Andegauensem per uxorem Lotharingia iure hereditario non peruenisset.* Reuetà tamen Fridericus filium habuit Antonium, qui pro iure suo in Lotharingiam contra Renatum Andegauensem acriter decertauit. Dum enim iste defun-

In Histor.
Prouincie.L. 7. fol.
482.a.Tomo 2.
l. 22.

cto socero Ducatus possessionem adire vellet; *Antonius acerbè illum prohibuit, affirmans ditionem Lotharingicam non posse in colum traduci.* Hæc Cæsar Nostradamus: quibus haud absimilia refert Richardus Wasseburgius iure Imperij adducto: *Exinde, inquit, ANTONIVS Vaudemontanus, filius FRIDERICI LOTHARINGI, fratris defuncti CAROLI, decreuit iure successionis contendere ad obtainendum Ducatum Lotharingiae, affirmans ISABELLAM Renati uxorem non posse patri succedere in Ducatu, de quo feminine non poterant hereditare superflite masculo legitimo, qualis ipse erat, Caroli defuncti ex fratre nepos, qui preferebat NOMEN & ARMA Lotharingiae; & proinde filiam à se debere excludi iuxta IMPERII IVRA & consuetudines Ducatum Principatumque.* In eumdem sensum Girardus Hallianus tradit, *ANTONIVM Lotharingum, Comitem Waudanimontis, tunc obiecisse, Ducatum Lotharingiae sibi competere, utpote FEVDVM IMPERII, quod in colum non delabitur; ISABELLAM Renato iunctam ab se debere excludi.*

Illud verò dissidium eò usque processit, vt ad arma ventum fuit. Antonius enim anno M. CD. XXXI. ad bellum se comparauit, suusque

suasque copias iunxit Philippo Bono Burgundiæ Duci aduersus Renatum hereditatis suæ usurpatorem. Certatum est vtrimeque acriter secundâ die Iunij ad Bulnevillam, vbi Renatus victus, captusque Diuionem deductus est. Mira res, & apud posteros caritura Lib. 9.
fide (inquit de pugnâ illâ Pius PP. II.) quinque hominum millia octo Comm.
& triginta millia fuderunt: tantum in bello Dei potestas conficitur.

Franciscus Haræus affirmat Antonium illo prælio victorem re- Ad an.
cuperasse Ducatum Lotharingiæ, quem Renatus inuaserat: *Armis*,
ait, & ope Burgundi, eum Ducatum obtinuit, contra Renatum generum
Caroli. Et certè Comes Antonius exinde scutum Lothariense purum
prætulit, absque fracturâ siue distinctione, tamquam legitimus
Lotharingiæ Dux & Dominus. Contrà, Renatus tunc bello victus,
non Dux Lotharingiæ, sed *Dux Barrensis* dumtaxat nuncupatus est
à Biturige, *Caroli VII. Franciæ Regis Feciali*. Necnon *Turris ipsa*,
in quâ Diuione captiuus detinebatur, ab eo tempore semper dicta
est *Turris Barrensis*: & Sacellum, quod in vrbe illâ dotauit in ho-
norem S. Andreæ Apostoli, non aliter audit quam *Capellæ Barrensis*
nomine. Quæ maxime conuincunt Renatum stirpe Francum, ab
ipsis Francis pro Duce Lotharingiæ legitimo non fuisse agnitus.

Enguerrannus Monstreletus de pugnâ ad Bulnevillam commis-
sâ rem adfert memoriâ in primis dignam: *Comes Vaudemontanus*, Anno
inquit, *pumilioni insidens equo medium aciem perequitabat, adstantes*
amicè commonefaciens, ut confidenter & animosè depugnarent; affirmans
sub suæ damnationis periculo, actionem suam iustam esse; *Ducem Barri*
velle ipsum iniuste exhereditare. Quæ profecto verba eius firmando
iuri erant peropportuna.

Obijcit *Anonymous*, terminatam fuisse litem latâ sententiâ in
fauorem Renati aduersus Antonium: sed *Auctores*, quos adducit,
de causæ Iudicibus non conueniunt; dicunt enim nonnulli fuisse
Concilij Basileensis Patres; alij Sigismundum Imperatorem, qui
Concilio illi vnâ cum Principibus Imperij intererat.

Quod attinet ad Concilij Patres, supponit Belleforestius, illos de Tomo 2.
Lothariensi lite dijudicasse in Renati fauorem, sed ad causæ cognitio- lib. 5.
nem haud plenè instructos fuisse, ad id solummodo attendentes, quod filia c. 95.
patri proximior esset quam frater aut nepos patris; atque ita Renati uxo-
rem, *Caroli Duci filiam*, iure potiori debere patri succedere, quam *Caroli*
fratrem aut nepotem: haud etiam perpendentes, *Ducatum Lotharingiæ*
SALICVM esse, & ad Vaudemontanum Principem attinere.

Verum Patres Concilij iudicium tulisse in fauorem Renati, nullo
modo quadrat cum ijs quæ narrantur à Wasseburgio; scilicet, Re- Lib. 3.
Etores fol. 489. b.

L O T H A R I N G I A

12

ctores ciuitatis Virdunensis ab eo Concilio Sacrorum interdictione mulctatos anno M. CD. XXXVIII. prouocasse ad Eugenium Papam, vel ad Ferrarensis Concilium; adducentes (inter alia) declarationem fuisse factam à RENATO Siciliae Rege, quod ipse nollet obtemperare Basileensi Concilio, sed Ferrariensi; claro indicio, Basileensem Synodus de Lothariensi causâ in Renati fauorem nihil decreuisse. Et verò si quidpiam gratiosè sanxisset, id omne pro irrito fuisse habitum edicto ipsius Sigismundi Cæsarlis aduersus Patres publicato Vlmæ in Comitijs anni M. CD. XXXIV. die XXVII. mensis Iulij, de incompetentiâ Concilij Basileensis in iudicandis causis Principum Imperij ad Sacram Cameram pertinentibus. Sed reuerâ Synodus Basileensis de lite Lotharingicâ nihil decreuit; in cuius Actis diurnis (quæ manu scripta extant quatuor Voluminibus) nulla Lotharingiae mentio.

Tomo 3.
Constit.
Imper.

Lib. 1.
Reipub.
c. 9.

Lib. 7.
folio 482.
b.

Folio 483.
a.

Lib. 9.
Comin.

Iam quod attinet ad Sigismundum Cæsarem, delirat Ioannes Bodinus, dum Archidiaconum Virdunensem (qui est Richardus Wasseburgius) scribentem adducit, in Concilio Constantiensi Fridericum Comitem Waudanimontis sustinuisse, Lotharingiam esse Feudum Imperiale solis masculis debitum, illumque Sigismundi Imp. fauore cœvisse in causâ contra Renatum Andegauensem. Delirat inquam Bodinus, & imponit Wasseburgio; quia Concilium Constantiense inchoatum est anno M. CD. XIV. finitum anno M. CD. XVIII. quo tempore superstes erat Carolus I. Dux Lotharingiae ad annum usque M. CD. XXX. à cuius obitu dumtaxat cœpit lis de successione Ducatus inter Renatum eius generum, & Antonium Vaudemontanum (non Fridericum) eius ex fratre nepotem. Narrat autem Wasseburgius, iudicium litis inter ANTONIVM & RENATVM fuisse delatum ad Imperatorem Basileæ existentem; quia dissidentes habebant rationem, quod Cæsares Ducatum Lotharingiae censerent inter partes & membra Imperij; effentque in possessione, ut Duces Imperium recognoscerent pro cœvis maximè publicis, prolibus adulterinis, & eiusdem Ducatus Regalibus: id quod ab obitu Caroli I. Duxis nondum fuerat factum. Nonnullis deinde interiectis pergit; à Sigismundo Imperatore inuestitum fuisse Renatum de Regalibus Ducatus Lotharingiae causâ Isabellæ uxoris suæ; idque probat litteris Guillelmi Chaney, Canonici Virdunensis, datis Basileæ XXVII. Aprilis anni M. CD. XXXIV. ad Virdunense Capitulum istis ipsiusmet verbis: *Dominus noster metuentissimus, Dominus Dux Barrensis, fuit honorificè per Dominum Imperatorem in Regalibus Ducatus Lotharingiae, non obstante Domino Comite Vaudanimontis, receptus.* Canonici Virdunensis scriptioni consentit testis maior, Pius II. Papa, vbi

vbi de Lotharingia: *Huic, nostrâ etate, inquit, RENATVS præfuit, Dux Gentis ab Imperio constitutus.*

Verum enim verò Renatum de Lotharingia Ducatu non fuisse plenè inuestitum, sed absque dubio cum restringente clausulâ, *salvo iure tertij* (cuius frequens usus in diplomatis, quibus gratia conceditur, in cuius executione ex leui controvërsiâ moræ intercessio oriri potest) conuincunt quæ sequuntur rationes.

In primis, quia Ducatus Lotharingia, cùm esset Imperialis, ad feminam plenè transmitti non poterat nisi ex priuilegio, quod tunc locum non habebat, cùm agebatur de iure tertij, qui natalium & Imperij iure nixus, lite contendebat aduersus mulierem. Ad priorem enim & antiquiorem inuestituram semper est recurrendum; quæ (inquit Baldus) *est vetus basis & fundamentum, adeoque radix ceterarum.* Atqui prima Friderici I. Ducis inuestitura feminas excludebat. Constat enim, Friderico II. Duce, primi nepote ex Filio Theoderico, sine liberis masculis defuncto, Conradum II. Imp. Gotheloni Magno Ducatum contulisse.

Ex inuestiturâ igitur, cum interpositâ conditione, Renati posses-
sio non potuit esse valida; qui propterea durante dissidio Cæsa-
reum diploma numquam in publicum emisit, nec ullibi terrarum
postea visum aut editum est; nec forte scripto umquam consigna-
tum, & sigillo munitum.

Præterea Renatum non fuisse plenè inuestitum, euidens est ex eo, quod ante publicationem Pacis Atrebaten sis anno M. CD. xxxv. solejni ritu & pompâ fuit pronuntiatum, *Renatum Ducem Andegauensem & Barrensem* (non Lotharingia Ducem) nullatenus in tractatu Pacis debere comprehendti, sed ut prius manere in vinculis, & in potestate Philippi Burgundiæ Ducis. Ecce auctoritatem in Atreba-
tensi templo S. Vedasti propalataim.

IN NOMINE Domini, Amen. Tenore presentis publici instrumenti cunctis pateat euidenter, & sit notum, quod anno à nativitate eiusdem M. cccc. xxxv. indictione XIV. die vero Mercurij XXI. mensis Septembris, Pontificatus Sanctissimi in Christo Patris ac Domini nostri, Domini EVGENII diuinâ prouidentiâ Papæ quarti anno quinto, sacro Basileensi Concilio vigente, Illustrissimis ac Illustribus Principibus ac Dominis, Domini PHILIPPO Burgundiæ, Brabantæ, &c. Duce ex una; nec non KAROLO Duce Borbonij, ARTVRO Richemondiæ, Constabulario Franciæ, L. VVyndomensi, Comitibus; ac Reuerendo Patre, Patre Domino Reginaldo Remensi Archiepiscopo, Cancellario Franciæ, Nuntijs & Ambassiatoribus Serenissimi ac Christianissimi Principis, Domini KAROLI Francorum Re-

Ex Actis
mss. Conc.
Basil.

B 3 gis,

LOTHARINGIA

gis, in choro Ecclesiae seu Monasterij Sancti Vedasti Atrebatensis, Ordinis S. Benedicti, pro Missa de Sancto Spiritu audienda, deinde tractatu Pacis inter prefatum Dominum Karolum Regem, & eundem Dominum Ducem Burgundie, inito publicando, & iuramentis ad hoc per partes hinc inde praestandis, videlicet iuxta oratorium prefati Domini Ducis Burgundie, ad dextrum latus chori ipsius Ecclesiae positum & aptatum, constitutis & congregatis partibus ex altera. In nostrum Notariorum publicorum, & Dominorum testium ad haec vocatorum & rogatorum praesentiâ, ipse Illustrissimus Princeps Dominus Dux Burgundie coram prefatis Dominis, Duce Borbonij, Richemondie & Windomensi, Comitibus, ac Domino Archiepiscopo Remensi, Cancellario Francie, Ambassiatoribus prefatis, ibidem, ut praefertur, constitutis, per organum nobilis ac strenui militis, Domini Nic. Raulini, Cancellarij prefati Illustrissimi Domini Ducis Burgundie, dixit, & expresse protestatus fuit, quod non intendit, nec sue intentionis fuit, aut est, Illustrum Principem Dominum RENATVM, DVCEM ANDEGAVENSEM ET BARRENSEM, suum nunc prisionarium, nullatenus in dicto tractatu Pacis, ut praefertur, inter prefatum Dominum Regem KAROLVM, & eundem Dominum Ducem Burgundie inito, ac de proximo firmando & publicando, debere comprehendi, nec per eundem Dominum Ducem Burgundie de manibus eiusdem Domini Ducis fore liberatum; sed ipsum Dominum DVCEM ANDEGAVENSEM ET BARRENSEM in statu quo erat ante dictum tractatum debere remanere. Quâ quidem protestatione, sic ut praefertur, per Illustrissimum Principem Dominum Ducem Burgundie per organum eius supra facta; prefati Domini, Dux Borbonij, & Comites Richemondie & Windomensis, ac Dominus Archiepiscopus Remensis, Cancellarius Francie, Ambassatores, & alij Domini eorum collegae in hac parte, imbi presentes nomine Ambassiatorio quo supra, per organum eorumdem Dominorum Ducis Borbonij & Archiepiscopi responderunt, & quilibet eorum respondit, quod eo modo quo prefatus Illustrissimus Princeps Dominus Dux Burgundie, factum concernens dictum Dominum DVCEM ANDEGAVENSEM ET BARRENSEM, intelligebat, etiam ipsi Ambassatores prefati Domini KAROLI Francorum Regis eo modo intelligebant, & eorum quilibet intelligebat, videlicet eundem Dominum DVCEM ANDEGAVENSEM & BARRENSEM non debere in huiusmodi tractatu Pacis comprehendti, seu includi, nec de manibus potestateque eiusdem Domini Ducis Burgundie liberatum fore. De quibus omnibus & singulis premissis prelibatus Illustrissimus Princeps Dominus Burgundie, Brabantie, &c. Dux nomine suo priuato petiit a nobis Notariis publicis, sibi & omnibus quorum interest fieri atque tradi unum & plura, publicum & publica, instrumentum & instrumenta. Acta fuerunt haec

Atre-

Atrebati in predicto Monasterio S. Vedasti sub anno, indictione, die, mense, Pontificatu, & loco, quibus supra; praesentibus ibidem Venerabilibus ac circumspectis viris, Dominis & Magistris, Ioanne Caprioli, Archidiacono de Vengueſſin in Ecclesiâ Rothomagensi; Quintino Menardi, Praeposito S. Audomari Morinensis Diœcesis; Nobili viro Ioanne de Brimeu, Scutifero, Domino de Humbercourt; & Philippo Mangart, Licentiatu in Legibus, Atrebatenſis Diœcesis, testibus ad premissa vocatis, & ſpecialiter rogatis.

Aduerte, Lector, in illis ſolemnibus tabulis anni M. C D. xxxv. Renatum titulo Duci Andegauensis & Barrenſis dumtaxat cohonestari: qui ſi praecedenti anno M. C D. xxxiv. de Regalibus Ducatus Lotharingiae legitime & plenè fuiffet inuestitus per Imperatorem; utique Legati Caroli VII. Regis Franciæ, qui praefentes aderant, non tuliffent appellationem *Duci Lotharingiae* prætermitti in Franciæ stirpis Principe, cuius ſoror MARIA ipsius Caroli VII. Regis vxor erat.

Tertiò, inuestitura illa talis qualis à Sigismundo Imp. præter ius & rationem decreta eſt ex odio quod habebat aduersus Philippum Burgundiæ Ducem, Antonij Vaudemontani fœderatum ac defensorum: quam quidem acerbitate dissimulare non potuit in publico Basileensi conſeuſu die Sabbati viii. Maij, anni M. C D. xxxiv. vbi Patribus in templo Prædicatorum congregatis, nuncians abitum ſuum, dixit multa de Domino Duce Burgundiæ; & ſpecialiter, quod nimis altè volere, dando versiculum:

Ex Actis
Concilij.

O fili chare noli nimis altè volare.

Evidem pro indubitato illius ſimultatis testimonio refert Dintellus, ſequenti Iunio Sigismundum Vlmæ cum Legatis Regis Franciæ fœdus pepigisse contra Philippum Ducem Burgundiæ, ad quem prouocatorios misit codicillos; & è contrario Philippum ad Princes Imperij circulares dediffe epiftolas, quibus de Imperatore conquerebatur, quod ſibi bellum iniuste nunciaret; quedam de dominijs nostris (aiebat Dux Philippus) in inferioribus partibus Allemaniae Imperio fore deuoluta prætendens, ut alias declarauit ipſa dominia mortua manus affecta ſeruituti; & cum ad ea non ſuccedant feminæ, in masculorum ſuccedentium defectu deuolutionem nouiter ſibi locum vendicare. Ex quibus nullo modo eluet, quomodo ſtare poſſit, Sigismundum mense Aprili anni M. C D. xxxiv. Renato, vt Isabellæ marito, dediffe plenam & abſolutam Feudi Lotharingici Imperialis, ac proinde masculini inuestituram; eumdemque Cæſarem ſubsequenti statim mense Iunio obtendiffe deuolutionem dominiorum Duci Burgundiæ, quæ ex Imperij lege transcribi ad feminas non poſſe contendebat.

Manebat

Lib. 3.
c. 243. &c.
seq.

LOTHARINGIA

Manebat igitur adhuc in vinculis Renatus, non plenè inuestitus, anno M. CD. XXXV. pro causa Lotharingicâ; & vero etiam sequenti M. CD. XXXVI. quo Dux Burgundiæ Philippus verè Bonus, ad procurandam Lothariensibus Pacem, proposuit coniugium IOLANDÆ, Renati & Isabellæ filiæ, cum FRIDERICO Antonij filio: qui Dux Philippus deinde, acceptâ Renati fide, conceptisque de futuro sponsalibus, anno M. CD. XXXVII. Renatum idcirco soluit, ut Neapolim proficiisci posset, sub conditione tamen, ut vtrumque filium suum datæ fidei obsidem traderet; quod ab æquali Scriptore Georgio Castellano reperi annotatum hisce verbis: LVDOVICVS Rex Siciliæ, RENATI & CAROLI Andegauorum frater, ob præclarè gesta parum cognitus in Franciâ, satis potenter regnauit Neapolii iuxta genium regionis: sed non diu durauit eius Regnum, etate mediâ morte præuenti. Illi autem succedere debebat RENATVS DUX BARRENSIS, qui victus in prælio contra Burgundiones, captiuus Diuionem abductus est: quo impedimento, & ob dilatam eius liberationem, multùm retardatus est in adipiscendâ Regni possessione; unde aduersus detentorem animo semper tumens fuit: FILIOS tamensuos obsides dedit, & profectus est Neapolim; ubi fauorem simul & contradictionem inuenit. Aduerte iterum, Lector, RENATVM à Castellano, tunc viuente, DUCEM BARRI dumtaxat nuncupatum, non etiam LOTHARINGIAE.

Tempus interea promissi per Renatum connubij sensim dilabebatur. Antonius Friderici patens æquo satis animo moram sustinuit usque ad annum M. CD. XL. quo Iolandâ iam duodecenni, ac nubili, Renatus agens Neapolii nuptias procrastinabat: ex quo indignatus Antonius (qui de cognationis lege solutionem à Pontifice obtinuerat per Guillelmum Filatre, Abbatem S. Theodorici Remensis) denuò arma sumpsit pro iure quod in Lotharingiam habebat, & Mirecuriem occupauit. Crudeliter evastata terra Lotharingica Barrensisque (inquit Meyerus) sacrâ iuxta ac prophanis vis illata; nulli ordini, nulli atati Valdemontius pepercit.

CAPVT IV.

Fridericus VI. fuit Dux Lotharingia ex proprio capite, non uxoris Iolanda Andegauensis, aduersus Anonymum.

ANNO tandem M. CD. XLIV. Nanceij Fridericus, Antonij filius, sponsam sibi copulauit Iolandam, Renati Andegauensis & Bar-

M A S C V L I N A.

17

& Barrensis Ducis filiam, annos natam sexdecim; atque ita *omnis* ^{Wasleb.}
propinquitas, quæ acerbo prius odio diuisa fuerat, mutuam rediuit in ^{fol. 494.b.}

gratiam.

Stephanus Paschasius, eius connubij causam altius repetens, in hæc verba loquitur: *Isabella Lotharinga, Renati coniux, post decepsum L.G. c. 28.* patris sui Caroli contendebat Ducatum Lotharingiae ad se pertinere, tamquam ad filiam & heredem Ducis: è contra Antonius affirmabat DVCATVM ILLVM ESSE FEVDVM MARIBVS ATTRIBVTVM, QVOD-
QVE IN COLVM DELABI NON POTERAT; seque adeò (quamvis à minori natu filio ortus esset) quia MAS erat, ab obtento iure illam Princi-
pem feminam excludere. Nouum belli argumentum inter Antonium &
Renatum, in quo iste fortunam deteriorem est expertus: factus enim An-
tonij captiuss, ut liberationis suæ rationem adiuueniret, consensit in ma-
trimonium IOLANDÆ filiæ suæ cum FRIDERICO Antonij filio: quo
facto unitæ sunt maiorum minorumque natu Lotharingiae geminæ stir-
pes; idque optimo consilio, ad sedanda inter partes dissidia. Renatus ni-
hilominus de illo connubio nusquam est oblectatus; quippe quod ab eo cui
extortum fuerat; ita ut continuò cogitaret de alis genero suo circumci-
dendis.

Illi porro odij ea causa fuerat, quod Antonius Dux, Friderici
parens, Renato Lotharingiae possessionem quietam nullo modo reliquisset; San-Mart.
neque iuri suo armis prosequendo defuisse utrumquam. Cui adeò Diuinam
fauisse Iustitiam palam est, vt Renatus alieni usurpator, exacto in
vinculis sexennio, mutatoque naturæ ordine, funeribus natorum
superstes fuerit, quibus contra ius fasque dominationem adscripte-
rat. Cum enim ratione vxoris Isabellæ nullum in Lotharingiam
ius haberet, consequens est, eius filios ex parte matris ad illum
Principatum nullum ius habuisse: quippe quod totum manebat
penes Antonium, licet inique expulsum; cum ius non amittatur
non usu, quando non datur facultas usus.

Georgius Castellanus, æqualis Scriptor, refert bella & ultima quæ- In ms. His-
que aduersus Renatum tentata à Duce Antonio ratione suæ heredi- storiâ.
tatis [pour cause de son heritage] & quomodo ad felicem exitum li-
tem suam perduxerit per coniugium Friderici filij sui cum Iolandâ Renati
filia: ita ut Fridericus in Maiorum hereditatem, quæ à Renato iniuste
occupata fuerat, denuo sit ingressus. Et verè Fridericus (inquit Cæ- Parte 6.
sar Nostradamus) ius & causam habebat ad auorum Ducatum; quippe an. 1447.
qui directa linea ortum ducebat ab antiquis & legitimis Lotharingie Duci-
bus, quorum Ditiones à primis eius per illustris & REGALIS DOMVS
Principibus in colum dilapse non fuerant, præterquam in isto Renato, qui
per

C

per

LOTHARINGIA

per Isabellam uxorem suam, Caroli I. Ducis filiam, se declarauit, & aliquo tempore vindicauit in heredem & Dominum Ducatus.

Is ergo Principatus demum iure optimo ad Fridericum reuersus est: vnde superflite etiamnum sacerdotio, Lothariense scutum Aquilulis insigne, sive vllâ fractione, purum putum prætulit; quale conspicitur in templo S. Mauricij Andegauensis, in sacello Equitum Lunæ crescentis, ordine decimo sexto, vbi in tabella scriptum: FRIDERICVS SENATOR ORDINIS ANNO M. CD. LIV.

In eodem facello extat etiam ordine XIII. militare scutum Renati Andegauensis, Friderici sacerdi, transuersè sectum: in superiori parte eluent symbola, Hungaricum, Siculum, Ierosolymitanum; in inferiori verò Andegauense, Barrense, Lotharingicum: supra inscriptum est: PRIMVS SENATOR ANNO M. CD. XLVIII. Eadem quoque armâ depictâ extant in vetusto codice membraneo cum hac inscriptione: RENATVS REX HIERVSALEM ET SICILIÆ, DVX ANDEGAVENSIS ET BARRENSIS, COMES PROVINCIAE, SENATOR ANNO M. CD. XLIX. prætermisso planè Ducis Lotharingiæ titulo; cuius tamen Ducatus quadrans in ultimo scuti laterculo expressus est, ad obtenti falso iuris qualemcumque indicium: si enim de Lotharingiæ Ducatu plenè fuisse inuestitus à Cæsare Renatus, Lothariensem tesseram honoratori collocasset laterculo, & LO- THARINGIÆ DVCEM illo loco palam se inscripsisset.

Apud San-
Martha-
nos.

Boullayus
in Gen.
Lothar.

Pergo in instituto: Post Friderici Ducis obitum Iolandis eius vi-
dua nullo alio vfa est titulo quam Ducissæ Barrensis, ex Renati parentis
facultate, qui vivebat adhuc in Provinciâ. Non igitur illius causâ Fri-
dericus Lotharingiam possederat; quandoquidem post coniugis
obitum eo titulo non est vfa.

Lib. 7.
fol. 515. b.

Lib. 3. c. 2.

Præterea, cum Iolanda eadem ab excessu Friderici mariti volu-
fset Lothariensis Ducatus regimini se immiscere; Proceres & Nobiles
Lotharingiæ (inquit Wasseburgius) ex Ordinum Ducatus sententia de-
creuerunt se velle virum Principem habere, neque per feminam regi. Ideo-
que RENATVS IVNIOR, Friderici filius, Ducatum in suas manus ac-
cepit. Ita Champerius quoque de Renato iuniore: Vocatus fuit à
Proceribus & Ordinibus, ut acciperet Ducatum Lotharingiæ. Eorum ac-
cessitu, à Ionevillâ statim venit Viselisam, Vaudemontani Comitatus op-
pidum. Inde perrexit Nanceium, vbi agebat Iolandis eius mater, Renati
Sicilia Regis filia, quæ publicæ rei administrationem ambebat, volebatque
dum vivueret pro Ducissâ haberet; quia (dicebat) Ducatus ex iure matris
Isabellæ, Caroli Ducis filie, ad ipsam pertinebat: sed per Ordines & Nobi-
les statutum fuit, quod ipsi virum Principem haberent; quodque non ex-
pediebat

pediebat Lotharingicam ditionem (quæ extrarijs est confinis) gubernari per feminam. Sicque Ducatus Renato eius filio commissus fuit. Roserius idem affirmat paucioribus hisce verbis: *Iolandæ vero, suscepti Ducatus* Tomo 5. *initio, Lotharingie Principes, MVLIEBRE IMPERIVM DETRECTANTES,* cap. 86. *quævis sinistra machinabantur; nec cessarunt, donec Renatus filius iura capesseret.* Quod si Lothariensium testimonia non sufficiunt, audi Carolum Stephanum Franco-Gallum: *Lotharienses IOLANDAM, Renati matrem, ad gubernandum admittere noluerunt.* In Histor. Lothar.

Ex quibus palam fit, quam à vero sit alienum, quod ab Anonymo iactatum ambitiosius; nempe, antiquam Lotharingia consuetudinem esse, gubernationi feminarum subiici. Nam & sequenti saeculo, post excessum Francisci I. Ducas contrarium eluxit: Erat ei frater Nicolaus Cap. 89. Metensis Antistes (inquit Roserius) inter quem & Christinam, Ducas relietam, de Caroli adhuc pueruli tutelæ administratione magna contentio exoritur: Nobiles enim Nicolaum expetebant, neglecto MVLIEBRI imperio.

Obtrudit insuper Anonymus ex Nicolao Remigio comparationem Feudorum in Lotharingia seruientium, ad Lotharingie dominans Feudum: subiungitque eiusmodi argumentum: *Ad illa succedunt feminæ; ergo & ad istud.* Sed vana est consequentia: in Lotharingia enim minor & ordinis secundarij Feuda, ex inducta paulatim consuetudine, & Principum tolerantiâ, redacta sunt ad instar patrimonialium: superius autem ac dominans non item; quod ex antiquissimâ LEGE SALICA primum, deinde ex STATVTO IMPERII, ultimò denique ex IVRE FAMILIARI (vt iamiam ostendemus) est masculinum.

C A P V T . V.

Vno perpetua Ducatum Lotharingia & Barri: uterque Principatus est masculinus ex FAMILIARI IVRE.

TESTAMENTVM RENATI DVCIS EX AVTOGRAPHHO
GALLICO DESCRIPTVM, ET LATINE
BONA FIDE CONVERSVM.

IN NOMINE gloriose & individuæ Trinitatis, Patris, Filij, & Spiritus sancti, Dei unus in essentiâ & trini in personis. Ex Arch. Lothar.

RENATVS Dei gratia Rex Ierusalem & Siciliae, &c. Dux Lotharingie & Barri, &c. Marchisus Marchio Pontis, Comes Prouinciae, Vaudemontij, Aunemalie, & Guise, omnibus presentibus & futuris salutem.

Notum facimus, quod nos memores instabilitatis rerum creatarum, illiusque legis, quæ tum à Deo, tum à naturâ sanctum est, citius aut seriùs semel omnibus hominibus moriendum esse; idque tam incertum esse, quando

C 2 futurum

LOTHARINGIA

20

futurum sit, quām certum est, aliquando futurum: ideo volentes de bonis, nobis à Deo concreditis, statuere, & ne morte praeoccupati intestati discedamus; sana mente, quæ Deo sit laus, integrâque valetudine, consultò prudenterque Testamentum, ultimæ voluntatis nostræ sententiam, fecimus & conscripsimus, facimus & conscribimus hoc modo.

- I. *Primò, quia Deo Creatori nostro, Diuinaque sue bontati placuit ad Christianæ fidei mysteria nos vocare, & sacrosanctis Baptismi aquis initiare, cuius propterea nomen benedictum sit in aeternum, ex nunc in perpetuum, protestamur velle nos constantes in susceptâ fide Catholicâ permanere, & ne latum quidem vnguem ab ea recedere. Si que vel vi morbi, vel dæmonis impulsu (cuius præcipuum studium est animas perdere) vel quavis alia ratione in errorem Orthodoxæ fidei contrarium pertrahemur, id nobis inuitis, & citra consensum nostrum euenturum. Atque misellam hanc animam nostram in Conditoris sui manus prompti ac lubentes reponemus, quamcumque libuerit eam de suâ mortali statione reuocare, obtestantes Diuinam suam Majestatem, ut ob merita cruentæ Passionis, pretiosique Sanguinis effusionis Filij sui, ac Seruatoris nostri IESV CHRISTI, creaturam suam Beatorum Regno donare velit: simul obsecrantes sacratissimam gloriosissimamque eius Matrem, ut ad id impetrandum suum nobis patrocinium accommodet; atque Beatissimum Michælem, cœlestis militiae Ducem, quem præcipuo semper honore coluimus, ceteraque Angelorum Hierarchias, ut dignentur eam tueri contra communem hostem generis humani, Deoque sistere perpetuò beandam.*
- II. *Item locum sepeliendo corpori nostro eligimus in æde S. Francisci Nanceij à dextro principis altaris latere murum versus, ultra chori sellas: quam ædem in fundo nostro construximus, vna cum muris ac septis Cenobij: volumusque corpori nostro imponi monumentum æneum planæ formæ, altitudinis non maioris quām ut quis libellum gestans flexis genibus ei commode inniti posset, eiusdemque monumenti laminae superiori effigiem nostram incidi, cum epitaphio per totum circa margines exarato.*
- III. *Item volumus & statuimus, ut contractum à nobis æs alienum disoluatur, damnaque, de quibus legitimè constabit, resarciantur eâ ratione, quæ secundum æquitatis rationisque leges teneri deprehendemur.*
- IV. *Item volumus & statuimus, ut funus & exequiae nostræ instruantur arbitrio Curatorum Testamenti nostri infrà nominatorum, utque die sepulturæ nostræ quilibet Sacerdotes Sacrum facturi admittantur tam in ædem nostram Sancti Georgij Nanceij, vulgo dictam Prioratus nostræ Dominiæ, & Sancti Apri, quām dictorum Fratrum; atque singulis in stipendum pendantur quinque grossi in honorem quinque plagarum Seruatoris ac Redemptoris nostri IESV CHRISTI.*

Item

M A S C V L I N A.

21

Item ut dicta die fiat publica stipis erogatio quibuslibet mendicis, panis, v.
vini atque pecuniae. Quod si predicta Sacra & eleemosynæ non possint
commode fieri die sepulturae nostræ, in sequentem diem reiungantur.

Item volumus & statuimus, ut tria primi ordinis Sacra funebria ad vi.
minimum celebrentur præmissò Defunctorum Officio, & primum quidem
in predictâ æde Fratrum, alia vero duo in nostrâ predictâ æde Sancti
Georgij, cuius sumus parœci; utque prædicatorum trium Sacrorum diebus
quilibet Sacerdotes admittantur ad celebrandum in predictis Ecclesijs, ac
singulis quinque grossi in singula Sacra distribuantur, atque eleemosynæ
pauperibus, modo supra prescripto.

Item donamus, legamus, erogamus singulis Ecclesiarum Cathedralium vii.
Tullensis, Metensis, & Virdunensis, summam sexcentorum francorum,
idque semel dumtaxat, ut statim ab obitu nostro, & deinceps quotannis, die
predicti nostri obitus, ad salutem & leuamentum animæ nostræ, nostræque
charissimæ coniugis ac sponsæ, Domine PHILIPPAE Geldrensis, funebre
Sacrum solemniter decantent, præmissò pridie Defunctorum Officio.

Item pariter donamus & legamus Ecclesie nostræ & Capitulo Sancti VIII.
Georgij alios sexcentos frances annuos semel; atque ita tenebuntur statim
ab obitu nostro Sacrum funebre solemniter celebrare in dictâ Ecclesia, &
singulis quaternis ieiunij temporibus in perpetuum recitare Officium mor-
tuorum, & postridie Missam funebrem decantare ob finem supra dictum:
cuius obligationis exempla duo tradent Capitula dictarum Ecclesiarum, ut
in Archiis nostris, Nanceiano & Barrensi, afferuentur: eâ etiam lege, ut
predicta Ecclesia & Capitulum Sancti Georgij contenti sint medietate fru-
ctuum, quos recipient in Ecclesiâ predictâ Fratrum ratione nostra sepul-
ture & exequiarum.

Item donamus & legamus Ecclesijs & Conuentibus Fratrum Mino- ix.
rum, & Sororum Sancti Francisci Reformatorum de Observantiâ, existen-
tibus in nostris Lotharingiæ & Barri Ducatis, locisque insertis, summam
mille francorum semel; quos predicti Curatores pro domorum & locorum
inopia diuident, eos ad id obligantes, ut pro salute nostrâ precibus suis ac
suffragijs apud Deum specialiter intercedant.

Præterea volumus & statuimus, ut omnes & quaecumque fundacio- x.
nes, quas nos & charissima nostra coniux & sponsa anteà instituimus, ob-
seruentur & sicut in perpetuum; speciatim Sacra duo quolibet die facelli
nostræ Annuntiatæ, & Sanctæ Magdalene existentis in predictâ nostrâ
æde Sancti Georgij: versus O SALVTARIS HOSTIA, quando sacrum
CHRISTI corpus adorandum populo proponitur in summo Sacro dictæ
Ecclesie: quâque Dominicâ pastelli puerorum, qui predictum versum ca-
nunt, eâ lege, ut annis singulis recitent AVE MARIA ad intentionem

LOTHARINGIA

nostram in supplicatione victoriae, quam Dei auxilio pridie Epiphaniae retulimus aduersus Carolum Burgundiae Ducem, Nanceium obsidione liberantes: Anniversarium Sacrum cognati nostri, Ducis Nicolai, XXIV. die Iulij; solemnitas Sancti Renati XII. die Nouembris, & nostrum anniversarium Sacrum, quod modo postridie dicti Festi decantatur, & quod post mortem nostram ipso mortis nostrae die cantabitur ea solemnitate, qua quotidie sumnum Sacrum canitur in Ecclesia Cathedrali Tullensi, in quo speciatim nominamur: & SALVE REGINA, quod quolibet Sabbato canitur post Completorium à Vicarijs dictæ Ecclesiae in facello maiori Sancti Georgij. Item Officium Sancti Renati die ipsi sacro; & postridie Defunctorum Officium: Sacra duo quotidiana, unum quinque plagarum CHRISTI DOMINI, alterum Annuntiatae, atque SALVE REGINA, qualibet hebdomade, eo die in quem incidet Festum Annuntiatae, cum DE PROFUNDIS & Collectis mortuorum: quindecim cerei, qui accendantur dum canitur SALVE: quod fundauimus in æde nostrâ Sancti Marci Barri. Similiter Officium Sancti Renati & Defunctorum in nostrâ æde Sanctæ Crucis Musiponti, eo modo quo illud fundauimus in predictâ æde nostrâ Sancti Georgij, & anniversaria tria Sacra decantata quoque anno XXIIII. Februarij in Monasterio Sancti Michaëlis, quemadmodum dictæ fundationes fusi exponuntur & continentur in Tabulis ad id confectis; quarum exempla asservamus in Archiis nostris Nanceij & Barri: quas fundationes ratificamus, confirmamus, & in quantum necesse esset, denuo instauramus tenore huiusc præsentis nostri Testamenti.

XI. Item quia nostri predicti DVO DVCATVS, LOTHARINGIAE ET BARRI, modò sibi inserti mutuo cohærent; & quia, propterea quod olim in duos Dominos diuisi erant, plurima inde bella hostiliter acta, inimicitiae, incommoda grauia, tristissimique casus contigerunt predictis regionibus, maximo damno dictorum Ducatum, Nobilitatis, vasallorum, indigenarum, & subditorum, maximopereque verendum est, ne si posthac disungerentur, eadem mala rursus recurrerent; ideo quatuor nobis charissimorum ac dilectissimorum filiorum, ANTONII videlicet, CLAVDII, IOANNIS, & LUDOVICI, volumus ut predicti IOANNES & LUDOVICVS, atque is quem modò predicta nostra coniux utero gestat, si masculus est, sequantur Ecclesiasticum ordinem in Ecclesia Metensi: adhæc quia præter nosros duos dictos Ducatus possidemus agros & Dominia tam in Franciâ, Normannia, Flandria, Picardia, Germania, quam alibi, ad abunde compensandum predictum nostrum filium CLAVDIVM, his & pluribus alijs rationibus permoti, instituimus predictum ANTONIVM, PRIMOGENITVM NOSTRVM, HEREDEM DVORVM predictorum DVCATVVM LOTHARINGIAE & BARRI, cum omnibus suis pertinentijs, Dititionibus,

M A S C V L I N A.

23

nibus, & Dominijs insertis ac inclusis. Volentes & statuentes, ut solus & in solidum succedat, neque possint prædicti eius fratres in ijs quidquam petere aut mouere. Derogantes quoad hoc omni iuri atque consuetudini contrariae regionis: quibus prædictis duobus nostris Ducatibus comprehendendi volumus Marchionatum Pontensem, & Comitatum Vaudemontij.

Item volumus pariter ac statuimus, ut prædictus noster filius CLAVDIVS succedat in id omne quod superest nostræ prædictæ Ditionis & Dominij situm tam in Franciâ quam Normanniâ, Picardiâ, Flandriâ, & alibi; cuius eum instituimus heredem unicum, & in solidum; sic ut eius fratres non possint pariter de eo quidquam sibi vendicare.

Quod vero attinet ad Regna nostra Siciliæ & Arragoniæ, Ducatum Andegauensem, Comitatum Prouinciae, & Meduanæ, aliasque Ditiones ad nos pertinentes, quarum habetens possessionem non adiimus, volumus & statuimus, ut filius noster primogenitus ANTONIVS, eiusque liberi MASCVLI legitimis nupijs nati, in ijs nobis succedant, sintque heredes nostri, neque fratres eius possint in iisdem portionem suam petere.

Item, si ante mortem nostram non esset prouisum prædicto filio nostro LYDOVICO de Episcopatu, vel alio Beneficio Ecclesiastico, sex millibus florenorum annuatim aestimato; eo casu volumus ut habeat, accipiat, ipsique assignetur in portionibus prædictorum suorum fratrum ANTONII & CLAVDII summa sex millium florenorum annuorum, ex aequo a prædictis ANTONIO & CLAVDIO soluendorum, idque dumtaxat donec prædictum Beneficium consecutus sit. Quod si Statum Ecclesiasticum sequi, vel prædicta assignatione contentus esse nollet, velletque in prædicta nostrâ hereditate portionem suam obtinere; tum eum constituimus heredem trium millium florenorum annuatim, ex aequo de bonis prædictorū suorum fratrum ANTONII & CLAVDII desumendorum, idque quamdiu viuet dumtaxat.

Quantum ad filium nostrum IOANNEM, volumus contentus sit dicto Episcopatu Metensi, pro cuius impetracione magnos sumptus fecimus; prætereà quod prædictus Episcopatus abunde ei suppeditabit, unde status sui splendorem tueatur: si tamen huic nostræ constitutioni ac voluntati stare nollet (quod futurum non putamus) velletque in partem hereditatis venire; volumus & statuimus, ut prius, & ante omnia, promptè & paratè refundat prædictis ANTONIO & CLAVDIO summam sexaginta quatuor millium florenorum, qui pro prædicti Episcopatus procuratione numerati fuerunt; atque nihilominus volumus ut contentus fit annuo censu trium millium francorum, capiendorum, colligendorum, & ei assignandorum à prædictis suis fratribus ANTONIO & CLAVDIO aequaliter: cuius summa heredem illum instituimus ad eā fruendum & utendum quamdiu viuet dumtaxat.

Et

LOTHARINGIA

- 24
- XVI. *Et quia prædicta nostra coniux & sponsa modò grauida est, volumus & statuimus, vt si masculus est, sequatur etiam Statum Ecclesiasticum, sive sæcularem, sive regularem; atque dum ipsi prouisum fuerit de Beneficijs, quorum redditus annuus ad tria florenorum millia pertingat, ANTONIVS & CLAVDIVS ei attribuant summam trium millium florenorum annuorum, colligendam in suis Ditionibus ac portionibus hereditarijs ex aequo. Quod si non acquiescat, velitque in hereditate nostrâ portionem suam obtinere, instituimus eum heredem summæ trium millium florenorum annuorum, ex aequo sumendæ, colligendæ atque ei assignandæ à prædictis suis fratribus ANTONIO & CLAVDIO, quamdiu viuet dumtaxat. Quod si femella esset, volumus & statuimus, vt in matrimonio collocetur, doteque pecuniariâ instruatur pro conditionis sue gradu; quam eius prædicti fratres ANTONIVS & CLAVDIVS de aequo suppeditabunt, usque ad summam quinquaginta millium florenorum vt minimum; dummodò tamen ob prædictam summam filia nostra renunciet omnibus successionibus paternis & maternis: cuius quinquaginta millium florenorum summæ eam heredem instituimus.*
- XVII. *Item volumus & statuimus, vt si prædictus noster primogenitus ANTONIVS migraret è vitâ, nullâ relictâ prole MASCULÀ in legitimo matrimonio procreatâ; eo casu prædictus noster filius CLAVDIVS, ac eius liberi MARES ex legitimo matrimonio oriundi, eius sint successores & heredes. Et contrà, si prædictus CLAVDIVS decederet nullâ relictâ prole MASCULÀ ex legitimo matrimonio; prædictus ANTONIVS, & eius liberi MASCULI nati pariter ex legitimo matrimonio ei succedant in Ditiones & Dominia suprà nominata.*
- XVIII. *Item, si prædicti ANTONIVS & CLAVDIVS decederent non relictâ prole MASCULÀ ex legitimo matrimonio procreatâ, eo casu volumus, vt MAIOR NATV (ex filijs nostris superstitibus, qui non erunt sacris Ordinibus initiati, aut Religiōsi professi) eiusque descendentes MARES ex legitimo matrimonio, ipsis in Ditiones & Dominia suprà nominata succedant.*
- XIX. *Atque hoc deficiente, eiusque heredibus, filiorum nostrorum proximus, eiusque proles MASCULÀ legitima, & modo suprà descripto, volumus, vt prædicti nostri filij, eorumque posteri MARES sibi inuicem succedant vi iuris SVBSTITUTIONIS, quam per hoc Testamentum facimus.*
- XX. *Quibus institutis & substitutis deficientibus, volumus, mensque nostra est, vt prædicta nostra Ditiones & Dominia, aliaque bona redeant ad nostros heredes ac successores secundūm iura & consuetudines regionis, & locorum, in quibus Ditiones nostræ atque Dominia sita & constituta sunt.*

Item

M A S C V L I N A.

25

Item quod ad nostram charissimam & dilectissimam coniugem Dominam PHILIPPAM Geldriæ attinet, rata habemus dona & assignationes dotis, quas ei dedimus postremo quodam rescripto, sigillo nostro munito, in nostro castello de Louppy, dato XI. die presentis mensis & anni, videlicet primo, Vrbem, Castrum & Praefecturam Barrensem, cum omnibus pertinentijs & appendicibus subiectis predictæ Prefecture Barrensi dumtaxat.

Item Baroniam Ionville, Urbes & Castella eiusdem, quæ continent Roumoym, Rupem ad Matronam, Esclaron, Ia, Lignecurtem, Imbercurtem, Euruillam, Trifontium, Sorbeam, Arnevillam, cum omnibus alijs appendicibus & pertinentijs, ad ijs omnibus fruendum & utendum quamdiu viuet, casu quo dos ei obtingat.

Item res mobiles & acquisitas, modo & normâ recipi solitâ ab omni retri memoria in Ducatis Lotharingia & Barri, & pro locorum conditio- ne, in quibus bona constituta essent, die quâ ei dos obtinget; exceptis tamen antiquis pigneratitijs ad nos transmissis à nostris prædecessoribus, Ducibus & Comitibus dictorum Ducatum.

Item in augmentum dictæ dotis, ut conditionis suæ gradum cum splendore retinere possit quamdiu vidua manebit, nec transibit ad secundas nuptias, & non aliter, aut ultrà, Ditionem & Dominium de Sable & Cela- stieres, Ditiones & Dominia Condati ad Mosellam, cum pertinentijs & appendicibus earumdem duarum Ditionum & Dominiorum; uti id omne fusiū expressum est & exaratum in predictis tabulis, quas volumus & statuimus, ut suum plenum sortiantur effectum, non obstantibus nec aduersantibus nostris heredibus, successoribus, & ius habentibus; volumusque & statuimus, ut quamdiu vidua permanebit, regimen, tutelam, curam prædictorum nostrorum liberorum obtineat, usque dum minores annos exceferint, cum possessione bonorum omnium constante nostro matrimonio à nobis acquisitorum.

Item volumus, ut immunis sit ab omnibus debitibus, quæ decessores nostri contraxerunt, solumque ad ea foluenda teneatur quæ nos ipsi contraximus.

Item, quia famuli & ministri nostri nobis fideliter & sedulo inseruerunt, eosque sumus experti probos ac integræ fidei; volumus & statuimus, ut in suis muneribus retineantur quoad viuent, cum stipendijs, pensionibus, alijsque remunerationibus, quibus frui reperientur die nostri obitus; serio mandantes, ac præcipientes predictis nostris filijs in virtute obedientiæ, quam filij progenitoribus debent, ut eos in illis retineant, si modò nihil committant, quare legitime illis priuari ac exui mercantur.

Item eligimus, creamus, designamus in Curatores præsentis huius Testamenti, atque ultimæ voluntatis, predictam nostram charissimam & dile-

D

Etissimam

LOTHARINGIA

etissimum coniugem & sponsam, atque primogenitum nostrum filium ANTONIVM, charissimosque nostros ac fideles Consiliarios, VARINVM DOMP-MARTINVM, Episcopum & Comitem Virdunensem, DD HGONEM DES HAZARDES, electum Tullensem, & HARDY TILLON, Aula nostra Praefectum: quorum arbitrio omnia nostra bona, redditus fructusque annuos permittimus, ad perficiendum ac executioni mandandum quidquid in illo prescribitur.

XXVIII. *Quod praesens nostrum Testamentum, tamquam ultimae voluntatis nostrae decretum, volumus ratum sit, suumque sortiatur plenum effectum: atque si irrum est in ratione Testamenti solemnis, saltem ratum maneat integrumque in ratione Testamenti nuncupati, vel nudae & simplicis dispositionis, aut codicilli, vel donationis causâ mortis, vel partitionis bonorum inter predictos nostros filios, eorumque descendentes; neque volumus quodlibet aliud à nobis antehac confectum Testamentum aut dispositio locum habeat, suumque sortiatur effectum; eaque renocamus, rescindimus, abrogamus. Protestantes nihilominus retinere nos potestatem addendi, demendi predicto Testamento, immo totum innouandi, quandcumque nobis libuerit usque ad obitum nostrum.*

XXIX. *In quorum omnium & singulorum supradictorum fidem, atque ad maiorem securitatem eorum & firmitatem, volumus & statuimus, ut praesentis huius Testamenti tabulae, quas duplicauimus, legantur & promulgentur à morte nostrâ in Curia forensi ciuitatis nostra Nanceianæ coram Bailliis ac Nobilibus illic congregatis; atque in Curia Sancti Michaelis coram Baillio loci, & Assessoribus Forenses conuentus agentibus; in Curia Officialis Tullensis, sedentis in suo tribunali ad audiendas & decidendas controvierias dictæ Curiae; à quibus petimus & postulamus, ut velint apponere & appendere sigillum dictæ Curiae, una cum nostro, huic praesenti nostro Testamento, quod chirographo nostro firmauimus, fecimus, transegimus in nostro castro de Louppy anno à Christo nato millesimo quingentesimo sexto, XXV. die Maij.*

Anno
1506.

Hactenus supremæ tabulæ Ducis Renati, in quibus habes uniuersitatem perpetuam atque substitutionem masculinam Ducatum Lotharingiæ & Barri, Articulis XI. XVII. XVIII. XIX. & XX. Sed præterea sciri necesse est, à Renati Duci excessu, Philippam Ducissam eius viduam amborum Ducatum ternos Ordines coniucasse, qui congregati XIII. Februarij anni M. D. VIII. solemni sacramento se obstrinxerunt ad unioris & masculinæ substitutionis strictam observationem; decernentes utramque in posterum fore utriusque Status columen & fundamentum.

Id porro consilij maxime sumpserat Dux Renatus ob exortas publicæ

publicæ rei perturbationes, post obitum Caroli I. Lotharingiæ Ducis, inter Antonium Vaudemontanum & Renatum Andegauensem: quod ne futuris accideret temporibus, Dux Renatus, Salicæ legis decreto iuribusque Imperij domestica accumulando, prohibere voluit per vtriusque Ducatus perpetuam iunctionem, & substitutionem masculinam Principum qui à se propagarentur, quorum in hanc usque diem haec est series.

*Stemma posterorum Renati Ducis Lotharingia & Barri,
Unionis atque Substitutionis auctoris.*

5. RENATVS Dux Lotharingiæ & Barri.

6. ANTONIVS II. Dux
Lotharingiæ & Barri.

6. CLAVDIVS Dux Guisiæ, Caput Ducum Guisiæ, Meduanæ, Aumaliæ, Cheurosij, Ellebouij.

7. FRANCISCVS I. Dux
Lotharingiæ & Barri.

7. NICOLAVS Dux Mercurij,
Comes Vaudanimontis.

8. CAROLVS II. Dux
Lotharingiæ & Barri.

8. CAROLVS Comes de Chaligny,
pater Henrici Marchionis de Moüy,
& Francisci Episcopi Virdunensis.

9. HENRICVS Dux Lo-
tharingiæ & Barri: obiit abs-
que masculâ prole.

9. FRANCISCVS II. Dux Lo-
tharingiæ & Barri.

10. CAROLVS III.
Dux Lotharingiæ
& Barri.

10. DUX NICO-
LAVS - FRANCIS-
CVS.

II. FERDINAN-
DVS-PHILIPPVS.

II. CAROLVS-
NICOLAVS.

His addere iuuat sententiam Equitis Didaci Sauedræ Faxardi, *Margræte*, qui doctè censuit, *successionem feminarum ad Regna magna esse magnis Principibus utilitatis*; *quia sèpè per matrimonia eorum familiis accedunt magni Status*; *ut contigit Castellana & Austriacæ*. At vero in minoribus Principatibus non ita; *quia dum heredes feminae Regibus copulantur, perit familiæ nomen ac supremum decus*; *quia minor ditio à maiori absorbetur*.

Emblema-
te 70. edit.
Mediolan.

LOTHARINGIA

CAPVT VI.

*Contestata denunciatio Claudi Guisia Ducis pro
Testamenti Renati Ducis obseruatione.*

Ex Archiuo Ducum
Guisiae.
An. 1540.

HO DIERA die, Augusti XIX. anni M. DXL. in castro Barri-Ducis, præcelsus & præpotens Princeps CLAVDIUS A LOTHARINGIA, Dux Guisiae, Par Francie, Comes Aumaliæ, Baro Meduanæ & Joueuillæ, Senescallus Campanie, Locum tenens Generalis pro Rege in Burgundia, Campania, & Briâ, in præsentia nostra, Petri Blandin, & Ioannis Baudesson, Notariorum Regiorum in Bailliatu Vitriacensi hic subscriptorum, Præcelso & Illustr^{mo} Principi ANTONIO DVCI LOTHARINGIAE ET BARRI fratri suo, cum egrederetur è cubiculo, ut iret ad Sacrum audiendum iuxta Ecclesiam dicti castri, dixit & pronunciauit isthæc verba: Domine, mihi dictum est, quod per tractatum matrimoniale, quem facitis pro ANNA filiâ vestrâ, vos illam reuocatis ad successionem vestram, defectu masculorum: id quod non potestis facere, quia dicto casu scitis titulos Regnorum Siciliæ & Aragoniæ, Ducatum Andegauensem, Ducatus Lotharingiæ & Barri, Comitatum Prouinciæ, & alias terras, non posse reuerti, nec deuolui in dictam ANNAM, aut eius heredes, sed in ME, & HERedes MEOS MASCULOS, eo modo quo cautum est & continetur Testamento defuncti Regis PARENTIS NOSTRI; cuius Deus misereatur: quod Testamentum per vos, Domine, & per ME confirmatum fuit, & prorato habitum. Quocirca VOBIS declaro, ME nullo modo consentire dicto pacto matrimoniali, MEQUE protestari, quod nec mihi nec meis heredibus ullo modo possit præiudicare, quibus ius in dicto casu est acquisitum. Subiecit deinde statim: Domine, auditis quod vobis dico. Qui Dominus DVX LOTHARINGIAE nos respiciens Notarios suprà nominatos, & annuens capite, dixit & respondit: Ita, ego vos bene intellexi. Et inde simul ingressi sunt Ecclesiam ut Missam audirent. A nobis autem petiit & requisuit Dominus DVX GVISIAE actum & instrumentum dictæ suæ declarationis & protestationis, quod ipsi dedimus, ut eo uti posset tempore & loco secundum ius & rationem. In cuius rei testimonium ego Theobaldus Lortrad Scutifer, custos sigillorum pro contrahentibus Præposituræ Vitriacensis, relationem dictorum Notariorum sigillis eorum & chirographis munitam firmauimus sigillo dictæ Præposituræ Vitriacensis. Actum & datum die & anno supradictis. Subscriptum Blandin & Baudesson, cum sigillo appendente in cerâ viridi.

Anna

Anna illa, Antonij II. Lotharingiæ Ducis filia, primis nuptiis iuncta fuit Renato Nassouio Cabilonensi, Auraicæ Principi; secundis autem Philippo Croyo Duci Arschotano; qui eam duxit anno M. D. XLIX. suscepitque ex illâ vnicum filium Carolum Philippum Croyum, primum Haurechi Marchionem.

Pontus
Heuterus
in Geneal.
Croyacâ.

C A P V T V I I.

*Charta Transactionis, quā constat Antonium II. Ducem,
Renati parentis ultimam voluntatem
Testamento confirmasse.*

NICOLAVS A LOTHARINGIA, Dei gratiâ Administrator perpetuus Episcopatum Metensis & Verdunensis, Abbas commendatarius Lotharingiani Monasterij, &c. vniuersis presentibus & futuris salutem. Charissimus noster Dominus & parens felicissimæ recordationis, cuius animæ Deus misereatur, ex Testamento & supremâ voluntate heredem sibi ex ase instituit charissimum nostrum Dominum & fratrem FRANCISCVM A LOTHARINGIA, eâdem gratiâ hodiernum Ducem Calabriæ, Lotharingiæ, Barri, & Geldriæ, Marchisum, Pontis Marchionem, Comitem Provinciæ, Vaudanimontis, Albimontis, Zutphaniæ, &c. in vniuersis suis Divisionibus, Ducatibus, Marchionatibus, Comitatibus, Baronis, & ceteris quibuscumq; bonis, terris & Dominiis, ubicumque locorum sitis, & constitutis, atque ab eodem obtentis, & possessis, siue per rectam, paternam maternamve, seu per transuersam stirpem ad eum deuolutis, vna cum omni iure tam hereditatis quam successionis transuersariæ, que ei poterant obuenire, imò & acquiri, sine vllâ exceptione aut reseruatione. Nobis vero constituit, legauit, donauitque dumtaxat ex eisdem tabulis pro iure hereditatis, & legitima ex omnibus suis bonis, tamquam filio competentis, quatuor & viginti francorum millia Lotharingicæ monetæ census annui & vitality, duabus æquis pensionibus pernumeranda; nempe in Natalitiis Christi Domini, & Beati Ioannis Baptiste. At vero ubi dictum Testamentum resignarunt dilectissimi Domini nostri ac patrui IOANNES, miseratio ne diuinâ Sacrae Rom. Eccl. Cardinalis Sancti Honifrij, vulgo dictus à Lotharingiâ, Archiepiscopus ac Primas Narbonensis, Episcopus Albigensis, Nannetensis, & Aginnenensis, Abbas commendatarius Cluniacensis, Fesciensis, Maioris Monasterij, Sancti Audoeni, &c. atque vna CLAVDIVS A LOTHARINGIA, eâdem gratiâ Dux Guisæ, Par Franciæ, Marchio Meduanensis, Comes Aumaliæ, &c. coram nobis & dicto fratre nostro, haud quaquam ei assentiri potuimus; ut pote qui grauiorem omnino, quam vt ferri posset, iniuriam & detrimentum in hereditatis & successionis iure ex tot

D 3

tamque

tamque præclaris Principatibus & Dominiis ab eo relictis patiebamur. Nihilominus intuitu amoris, quod à natura ipsa ferimur, & quoad licebit feremur in dictum Dominum & fratrem nostrum primogenitum FRANCISCVM, &c. quoniam insuper æs alienum, obligationes & hypothecæ, quas defunctus parens noster contraxit, immensæ sunt, & propemodum eidem intolerabiles, tum verò de suauitate & consilio dictorum Dominorum ac patruorum nostrorum, qui concordia inter nos fratres concilianda intercessores & arbitros sese exhibuerunt, nec non ex aliorum virorum sapientum & doctorum, quos consuluiimus, sententiâ, ad maius nostrum commodum, liberè & spontaneè certiores de rei totius momentis facti, & bona natura-lique voluntate non inducti, vel seducti, consensimus, probauimus, ratum habuimus, & esse iussimus; consentimus, probamus, ratum habemus, & esse iubemus his litteris dictum Testamentum, & postremam defuncti Domini ac patris nostri voluntatem, in singulis eius capitibus, substantiâ, articulis, eâ lege & conditione, quod dictus Dominus ac frater noster FRANCISCVS, ex pactis inter nos conuentis, in supplementum & augmentum, perfectio- nemque legitimæ nostræ, consensit nobis & heredibus nostris constitui cen- sum annum, qui conditionem & naturam hereditatis obtinebit, à nobis & heredibus nostris percipiendum ex prouentibus & fructibus Ducatus Barrensis per manus Quæstoris eiusdem generalis præsentis, & deinceps futuri; insuper eiusdem supplementi iustæ legitimæ gratiâ nobis cessit, & addixit hereditariè ac in perpetuum ius, & actionem omnem, quam sibi vindicabat in Baroniatâ, agris, ac Dominio Mercurij in Aruerniâ, nec non in eiusdem Oppidis, Castris, Arcibus, Oppidulis, pagis, feudis, hominij, censibus, & prouentibus quibuscumque, eorumque appendicibus; omne denique ius dimidiatum quod habet ex integro illo Dominio ad utrumque nostrum deuoluto per mortem felicis memoriae charissimæ Dominae matris nostræ RENATAE Borboniae, &c. quam medietatem in manus nostras à se abdicavit. Quæ supplementa & accretiones cum ita se habeant, ut ijs nobis abundè satisfactum, atque de compensatione & hereditatis portione cautum sit: & alias, ut dictum est, perspecta habeamus nomina & obligaciones, quibus præfatus frater noster supra quam propemodum ferendum sit, grauetur. Tum etiam ut VNIO DVCATVM LOTHARINGIAE ET BARRI, Marchionatus Pontis, Comitatuum Vaudanimontis, Albi- montis, aliarumque Terrarum in iis contentarum (quam UNIONEM optauit & inchoauit charissimus Dominus & auus noster DVX RENATVS, Rex Siciliae; cui Deus sit propitius; deinceps vero prosecutus est, & perpendit præfatus Dominus DVX ANTONIVS parens noster in suo Testamento, utpote quæ plurimum vergit in ampliationem & decus Domus Lotharingiae, ex qua prognati sumus, quamque adeò optamus om- nibus

nibus votis florere, augeri, & nullatenus imminui) in uiolata conseruetur, quoad in nobis erit, iuxta TESTAMENTI præfati & ultimæ voluntatis præscriptum; de liberd & naturali voluntate nostrâ cessimus, & vi harum litterarum cedimus tam specialiter quam generaliter OMNI IVRI hereditatis, successionis, & acquisitionis, quâ per seriem generis rectam, quantumuis antiquam, quâ per transuersam deuoluto, in gratiam dicti Domini ac fratribus nostri, eiusque heredum, ac eorum quos eius res quoquis nomine continget; omnibus Principatibus, Ducatibus, Ditionibus, Terris, Dominijs, alijsque quibuslibet bonis, quæ ad nos pertinere possunt, aut debent, potuerant, aut debuerunt per defunctos parentes, vel eorum progenitores, aut prædecessores, cognatosve, quocumque modo aut causâ. Iuramus, ac pollicemur per eam fidem quâ Deo obstricti sumus, ac per eam quæ Principem decet; nostro nomine, heredumque nostrorum, ac eorum ad quos res nostra quoquis iure pertinebit, numquam in ijs ius nullum vendicatueros, vel assertueros, siue ea mobilia sint, siue immobilia, obligationesve, aut hypothecæ; præterquam censum supradictum quatuor & viginti milium francorum, vna cum præfato Mercurij Dominio ac Baronid. Quibus duabus partibus, pro omni iure nostro, heredumque nostrorum, atque eorum ad quos quoquis nomine res nostra pertinebit, contenti sumus, & per has litteras contentos nos esse profitemur: tamquam quibus condigne satisfactum sit. Atque ita se rem habere declaramus, & assentimur, testamurque, prorsus ut neque nobis, neque heredibus nostris, aut ijs quos res nostra quoquis iure continget, umquam liceat quacumque de causâ refragari, vel lite contestari: siue per exceptionem deceptionis, vel illati supra medietatis premium damni, siue quo alio titulo: neque ex argumento legis, quâ sancitur, generalem cessionem vim non sortiri, nisi præcedat specialis: cui nos renunciaimus, ac renunciamus, vti & quibuscumque iuribus scriptis, & non scriptis, nec non & consuetudinibus contrarijs, & huic nostræ assensioni refragantibus: tametsi de iure eiusmodi renunciatio nobis interdicta sit; eam tamen volumus nobis heredibusque nostris, ijsque omnibus ad quos res nostra pertinebit, validam esse. Et si quando diceretur nobis male, & minus æquè de hereditatis portione prouisum esse; idque heredes nostri contenderent; volumus nos tum in iudicio, tum extra, cadere causâ; donantes irreuocabiliter harum litterarum vi nostro fratri præmonito liberaliter & libere quidquid supra hereditatis nostræ portionem præfatam ad nos pertinere videbitur, siue ingratitudinis causâ, siue quo alio titulo. Cuius donationis traditionem eidem per præsentes facimus. Cautum etiam esse volumus, ne quando heredibus nostris, aut ijs quos quomodolibet res nostra continget, commodare possit in futurum, afferere, vel proponere, quod hoc pactum conuentum, vel transactio bonis moribus aduer-

LOTHARINGIA

32

aduersetur, vel iuri naturali, aut gentium, scripto vel non scripto: & iurati pollicemur, per Fidem quā Deo obligamur, eo nos numquam &uros esse, vel alio quoquis modo, exceptione, vel subsidio &ulo, quo impediri hoc pactum, atque transactio, eiūsve effectus possit. Cuius iurisurandi gratiam à nobis abdicamus, omnemque in integrum restitutionem, quæ à quolibet Principe impetrari à nobis aut heredibus nostris ijsve posset, quos res nostra quoquis nomine continget; nosque & illos cuiusvis Principis potestati submittimus, siue Pape, siue Imperatoris, Regumve, aut aliorum quorumlibet, quos fratri nostro, eiusque heredibus libebit assumere, vt ij, vel eorum quilibet nos & heredes nostros cogant ad perficiendum sine contradic̄to ea quæ his litteris continentur: perinde ac si lege latâ, aut supremi Iudicis sententia pronuntiatum foret. In eum finem, & harum litterarum executionem, omnia & singula bona præsentia, & futura nostra, heredumque nostrorum, & eorum ad quos res quoquis modo nostra pertinebit, ubicumque locorum existunt, aut existent deinceps, obligamus. Ea tamen lege, vt stirpe nostrâ deficiente, dicta Baronia Mercurij, & viginti quatuor millium francorum censas continuo & directè ad fratrem nostrum, heredēsve illius ab eo progenitos, reuerte tur sine diuisione. Et vicissim, si (quod Deus auertat) dicti fratris heredes nobis superstib⁹ deficerent, nobis nostrisve heredibus pro portione nostrâ constabit ius succendi in dicti fratris nostri hereditatem citra &ullam difficultatem. In cuius rei fidem, & vt hæ litteræ firmæ, stabiles atque inuiolatae permaneant, & citra &ullam prouocationem, chirographo, ac sigillo nostro eas muniuimus; atque maioris auctoritatis & certitudinis gratiâ rogatos voluimus dictos Dominos PATRVS NOSTROS, Cardinalem à Lotharingia, & Duce Guisæ, vt sua etiam illi chirographa ac sigilla gentilijs tesseris insignita apponere dignarentur. Quod nos Cardinalis & Dux Guisæ his precibus ac supplicationibus permoti præstimus anno Domini millesimo quingentesimo quadragesimo quinto, die decimâ Aprilis, presentibus charissimo cognato CAROLO A LOTHARINGIA, miseratione diuinâ Archiepiscopo, & Duce Rhemensi, primo Francæ Pari; Reuerendo Patre in Christo TOSSANO de Hoedy Episcopo, & Comite Tullenſi, Sacri Imperij Princeps, Abbe commendaario Hunnecurtensi, &c. cognato nostro IOANNE Comite Salmenſi, Lotharingiae & Barri Mareſcalco; Domino IOANNE de Hassonville, Lotharingiae Senescallo, & Episcopatus Metensis Balliuo; Reuerendo Patre in Christo Domino PETRO du Chastellet, Abbe commendaario Sancti Martini iuxta Metas; Domino FRANCISCO de Bassompierre, Balliuo Vogensi; Domino PHILIPPO de Fresnay eius loci Toparcha; Magistro Nicolao Mengin, rationum Lotharingiae Praeside; & Dominico Campano Iuris Doctore, Generali Lotharingiae

Anno
1545.

ringiae Procuratore. Subscriptum, IOANNES Cardinalis Lotharingiae;
& CLAVDIVS A LOTHARINGIA; & signatum maioribus dictorum
Cardinalis & Ducis Guiſiæ ſigillis, eorum gentilitiâ tefſerâ inſi-
gnitis, ceræ rubræ impreſſis, dupličiue funiculo intextis.

Hoc instrumentum præcedenti adieci, vt omnibus pateat, quām
 iniquè Anonymus ſcriperit ſuſpectas eſſe falſitatis ſupremas Renati
 tabulas, quas hīc elucet ab eius filio, Antonio II. Duce, Testamento
 rataſ & confirmatas fuſſe.

C A P V T VIII. E T V L T I M V M.

C A R O L V S III. *Dux Lotharingiae & Barri, iure*
perquām optimo Ducatus utriusque poffeſſionem adiuit.
Respondetur contrarijs Gramondi propositiōnibus.

F R A N C I S C O I. Ducis, Antonij II. Ducis filio, è viuis ſub-
 lato anno M. D. X L V. ſuccedit in vtroque Ducatu filius eius
 vnicus C A R O L V S II. iſti deinde extincto anno M. DC. VIII. filius
 eius natu maior H E N R I C V S; qui cūm diem obijſſet anno
 M. DC. XXIV. muſculâ prole non relictâ, F R A N C I S C V S Vauda-
 nimontis Comes, eius frater, lege patriâ, Imperiali & domesticâ
 fultus, Dux Lotharingiae & Barri publicè fuit inauguruſ. Is deinde
 C A R O L O III. natu maiori filio ambos Ducatus dedit, & in
 eius fauorem omni ſuo iuri ceſſit, litteris ſuper eā re confeſſis, datis
 Nanceij die Mercurij circa horam octauam matutinam, vigefimā
 ſextā Nouembriſ, anno à Christo nato millesimo ſexcentefimo vi- Anno
 gesimo quinto, coram Proceribus & Ordinibus Ducatum Lotha- 1625.
 ringiae & Barri, ad Comitia generalia eā de cauſâ conuocatis. Illius-
 que vigore denuntiationis, nouus Dvx C A R O L V S III. primā die
 Martij anni M. DC. XXVI. ſolenni pompa Nanceium Lotharingiae
 primaria m̄ urbem eſt ingressus, ſuæque hereditatis magno nobilita-
 tis comitatu poffeſſionem adiuit. Sequenti verò die Ordines congre-
 gati eumdem C A R O L V M III. Ducem, ex proprio capite, pro ſuo
 naturali ac legitimo Principe agnouerunt, Domino de Chamblé
 Haraucurtio, Bailliuo Nanceiano, nomine Caroli Ducis ad illos
 perorante. Ut mirum ſit, Gabrielem Bartholomæum Gramondum,
 Tholofatium Praefidem, hac in parte nodum in ſcirpo quæſiuifſe, at-
 que aduersus eiusmodi acta adeo ſolemnia ſub alieno nomine argu-

Lib. 15.
p. 649.
& ſeq.

E menta

L O T H A R I N G I A

34

menta proposuisse, quæ, ne quid intactum relinquam, subijcienda duxi cum meis ad singula responsis.

Primum est: *Non ante hanc diem legem Salicam inualuisse apud Lotharingos.* Latæ sunt Salicæ leges à Francis Ortiuis, qui postea Lotharienses dicti sunt. Otho Frisingensis in Bauariâ Episcopus (qui monasticæ quietis amans, senex vixit Morimundi, in Bassigneio, fines Lotharingiæ Superioris & Burgundiæ Comitatus attingente; ubi &

Miræus
de Script.
Eccles.

L.4.c.32.
Vide Vind.
Hisp.c.5.
p.40.

In Geneal.
Lothar.

Tomo 2.
l. 2.c.91.

99.
Tomo 3.
P.438.

Art. 19.

obijt anno M. C. LIX.) Lotharingos Principes vocat *Francorum nobilissimos, & SALICOS, qui eius atate LEGE SALICA adhuc vtebantur.* De Luxemburgensibus, qui Mosellanicis sunt finitimi in antiquo Lotharingiæ Regno, Epternacenses Cœnobitæ in epistolâ ad Henricum sextum Imperatorem anno M. C. XC. scriptâ sic loquuntur: *Illud summatim vestræ Celsitudini significari dignum duximus, de Lutzelburgensi Comitatu, qui sint, & quam nobiles, vtpote SALICÆ CONDITIONIS ET LIBERTATIS ex parte homines, qui hominum debent ad eundem Comitatum de Beneficijs, Dominatibus, & hereditario iure DE REGNO attingentibus, &c.* Insuper ex Boullayo, Antonius Vaudemontanus, ante annos ducentos, contra Isabellam patruellem suam affirmauit, *non posse FILIAS LEGE SALICA Ducatus Lotharingiae hereditatem nancisci:* ex Belleforestio, *Ducatum Lotharingie SALICVM ESSE, nec debere ad feminam deuolui:* ex Bouchelio, *Ducatum illum esse DE TERRA SALICA, nec idcirco posse ad feminas transscribi.* Non igitur hoc nostro tantum sæculo apud Lotharingos inualuit Salica lex.

II. *Malè pro lege Salicâ accipi Renati Ducis voluntatem, qui Testamento cauerat, vt MASCVL in infinitum succederent: Differre legem Salicam à priuatâ hominis voluntate.* Nemo, quod sciam, voluntatem Renati Ducis pro lege Salicâ accepit, sed pro hereditariâ substitutione; nec ipse Testamenti conditor vocabulo Salicæ legis ullibi usus est, sed substitutionis.

III. *Non posse Principes de successione Principatus decernere, legemque statuere vñi contrariam, aut priuilegijs Feudi, quæ in omne æuum sit valitura.* Non statuit legem Renatus vñi contrariam, aut Lotharingiæ priuilegijs: quin imo antiquissimam Imperij consuetudinem secutus est, quam Renatus Andegauensis proprio commodo abrogare tentarat. Illud autem eo iustius validiusque, & sine cuiusquam præiudicio, pro suis posteris statuere poterat Dux Renatus, quod ipse solus è Lotharingicâ gente superesset; adeoque vniuersa Lotharicæ Domus iura masculina, & feminina etiam, si quæ essent, ex proprio capite vñita possideret; quodque præterea ditionem suam à Carolo Burgun-

Burgundiæ Duce occupatam vi armata recepisset; sibique soli virtute propria quæsiuisset, quo iure ipse tandem vellet ad posteros transmittendain.

IV. Lotharingiæ Ducatum esse Feudum ab Imperatoribus concessum nulla masculinitatis mentione. Contrarium ostendi ex Sigeberto Lo- Ad an.
tharingo, & ex Auctore Magni Chronicis Belgici, apud quos, FRI- 1034.
DERICO II. Mosellanorum Duce mortuo, QVIA MARES FILIOS NON
HABEBAT, quibus Ducatus competeret, CONRADVS II. Imperator
eius Ducatum contulit Gotheloni, exclusis Beatrice & Sophiâ, Friderici II.
Ducis filiabus.

V. Si valuisset lex Salica, redire debuisset Ducatus Lotharingie ad Imperatorem, tamquam ad primum Dominum. Antiquis temporibus id fiebat; non quidem Salico iure, sed Imperiali, dum Lotharingiæ Ducatus nondum esset hereditarius. Neque id factum amplius post Gerardum Ducem, Theodori ci Strenui Ducis parentem, qui primus Ducatum iure hereditatis transmisit ad posteros tam directâ linea quam laterali: virde est, quod Simoni II. Duci absque liberis defuncto anno M. CC. VII. successit Fridericus III. eius nepos ex fratre Friderico Comite de Bitsche. Rursum anno M. CC. XX. cum Theobaldus I. Dux improlis excessisset, Matthæus II. eius frater sine controversia Ducatum adeptus est. Præterea in Transactione Norimbergicâ inter Ferdinandum I. Romanorum Regem, & Antonium II. Lotharingiæ Ducem, initâ anno M. D. XLII. hæc inter alia sanxit Rex Ferdinandus: DVCATVS LOTHARINGIÆ, cum suis appertinentijs, LIBER, & NON INCORPORABILIS DVCATVS erit, & manebit semper: & à Cæsareâ Maiestate, Nobis, & Electoribus, Principibus, atque Statibus Imperij, pro LIBERO, & NON INCORPORABILI DVCATV, Superioritate & Principatu recognoscetur, nominabitur, & habebitur. Principum Imperij vacuae hereditates ordinario caduci iure ad Imperatorem tamquam ad supremum Dominum deuoluuntur, rursumque incorporantur Imperio, à quo primitus emanarunt, in aliam familiam, si lubet, transferendæ. At Norimbergicâ pactione Duci Lotharingiæ indultum est, vt eius Ducatus esset membrum Imperij liberum, Imperio numquam incorporabile; hoc est, vt perpetuo transiret ad heredes: ita vt ab eius sanguinis stipite non recederet: nec è viuis excedente sine masculis Duce, caducum ius locum haberet, sed ad eiusdem stirpis & agnominis proximiorem masculum Ducatus pleno iure deferretur, fide Imperatori & Imperio semper seruatâ; vt fecere haec tenus Lotharingiæ Duces, & præ alijs Serenissimus CAROLVS Dux modernus;

36 LOTHARINGIA MASCVLINA.

Arbore 2. cui R. P. Ioannes Gans de Societate I E S V , Imperatoris Confessa-
Lothar. rius , in Arboreto Austriaco , hoc breue quidem , sed honorificum
meritò tribuit elogium : *Qui Lotharingicam Domum , fidelitate erga
Ferdinandum Cesarem celeberrimus , martie sustentat.*

V I. & vltimò , Accedere debuisse consensum Imperatoris pro Lotha-
ringiâ , & Christianissimi Regis pro Ducatu Barrensi ; quorum causa , ut
supremi Domini sunt , præcipue agebatur . Pro Lotharingiæ Ducatu non
erat necessarius Imperatoris consensus , quandoquidem contra Im-
perij legem non peccabatur ; imò eius præscriptum sanctioque ad
amissim obseruabatur . Idem dico de Ducatu Barrensi , qui merè
est Imperialis , vt aliquando , si Deus vitam indulserit , perspicuè
ostendam .

F I N I S.



INDEX

INDEX CAPITVM.

- C**APVT I. Lotharingiæ Superioris Ducatus ex lege Imperij ad feminas non deuoluitur. Pag. 3.
- C**APVT II. Prius Anonymi argumentum ab Idā desumptum , contra Lotharingiæ masculinitatem , dissoluitur. 6.
- C**APVT III. Respondetur alteri Anonymi argumento , de Isabellā Caroli primi Ducis. filiā. 9.
- C**APVT IV. Fridericus VI. fuit Dux Lotharingiæ ex proprio capite , non vxoris Iolandæ Andegauensis, aduersus Anonymum. 16.
- C**APVT V. Vniō perpetua Ducatum Lotharingiæ & Barri: vterque Principatus est masculinus ex FAMILIARI IVRE. 19.
- C**APVT VI. Contestata denunciatio Claudij Guisiæ Ducis pro Testamenti Renati Ducis obseruatione. 28.
- C**APVT VII. Charta Transactionis, quā constat Antonium II. Ducem, Renati parentis ultimam voluntatem Testamento confirmasse. 29.
- C**APVT VIII. CAROLVS III. Dux Lotharingiæ & Barri, iure perquām optimo Ducatus utriusque possessionem adiuit. Respondetur contrarijs Gramondi propositionibus. 33.

Clarissimi , doctissimique viri , D. Antonij de
Fuertes & Biota , i. v. D. Hispani , Regis Con-
filiarij & Quæstoris Mediolanensis ,

I V D I C I V M .

 *VIDE legi, ac penitus excusi Opusculum, cui titu-
lus, LOTHARINGIA MASCVLINA, Auctore
Nobiliss. Equite D. Ioanne Iacobo Chifletio, Regio
Archiatrorum Comite. Quo quidem in argumen-
to ita versatus est solertiſſimus Scriptor, ut, quod in eruditio-
ne palmarium est, multa eaq; maxima paucis complexus fue-
rit singulari methodo ac stylo. Leges ſiquidem cum Legibus
fruſtrā ſapè componimus; ſicq; interdum multa agendo nihil
agimus: ſed membranas ſchedasq; cùm veteres, tum nouas
in comperto habere, Principum Genealogias recto tramite du-
cere, in Chronologiam non peccare, Topographiam noſſe, id
vnū, ſi quid aliud, politicis studijs, meā quidem ſententiā,
apprimē utile eſt; in quo Jureconsulti aut ferè ieuni, aut ut
plurimum hallucinantes. Unde aui noſtri aduerſiſſimis tempo-
ribus vel hoc nomine gratulandum puto, quod eiusmodi præ-
claris ſcriptionibus occaſionem præbuerint; optoq; ac vroueo
quām plurimos eſſe, qui ſemitam eamdem cum doctiſſimo vi-
ro ingressi, eius veſtigij inhaereant, verſenturq; in paris in-
duſtria curriculo, non ſine ingenij atque eruditionis laude. Ita
censui, dum tot aliorum in publicam perniciem ſcripturien-
tium me tædet, pigetq;. Bruxellæ VIII. die Novemb. anni
Christiani M. DC. XLVIII.*

FIGURES OF THE
MATERIAL WORLD
NATURAL HISTORY
DEMONSTRATED
BY THE SENSES
OR OBSERVATION
AND EXPERIMENT,
IN A SYSTEMATIC
AND PRACTICAL
METHOD.

BY ERNST HEGEL,
PHYSICIAN TO THE IMPERIAL
ARMED FORCES,

AND PROFESSOR OF PHYSICS IN THE UNIVERSITY OF BERLIN.

TRANSLATED FROM THE GERMAN
BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.

WITH AN APPENDIX, AND A HISTORY OF PHYSICS,

BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.

WITH AN APPENDIX, AND A HISTORY OF PHYSICS,

BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.

WITH AN APPENDIX, AND A HISTORY OF PHYSICS,

BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.

WITH AN APPENDIX, AND A HISTORY OF PHYSICS,

BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.

WITH AN APPENDIX, AND A HISTORY OF PHYSICS,

BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.

WITH AN APPENDIX, AND A HISTORY OF PHYSICS,

BY JAMES H. BRENTON, M.D.,

PROFESSOR OF PHYSICS IN THE UNIVERSITY OF TORONTO.